

I LIÁT-ÔNG-KÌ (11)

¹Tāi-pit ông hè-choē nî-lâu, sui-jiân kā i kah-phē, iū-goân boē sio. ²I hiah ê lô·pòk chiū kā i kóng, Tiòh kā goá ê chú goá ê ông chhē chit ê chāi-sek-lú, hō· i khiā tī ông ê bîn-chêng lāi hōng-sêng i; koh khùn tī lí ê heng-chêng, thang hō· goá ê chú goá ê ông tit-tiòh sio. ³Chiū tī Í-sek-liát ê sì-kéng chhē súi ê cha-bó·gín-ná; chhē--tiòh Su-liām chit ê lú-chú, miā A-pí-soah, toà kàu ông hia. ⁴Chit ê cha-bó·gín-ná súi kàu-kék; i hōng-sêng ông, su-hāu i. Chóng-sī ông bô chhin-kūn i.

⁵Hit-sī Hap-kip ê kiáⁿ A-to-nî-ngá chū-ko, kóng, Goá beh choè-ông; chiū ūi ka-kī pī-pān chhia, bé-peng koh gō·cháp lāng cháu tī i ê thau-chêng. ⁶I ê lâu-pē pēng-sī m̄-bat hō· i iu-būn, m̄-bat tui i kóng, Lí cháiⁿ-iūⁿ án-ni choè? I siⁿ-choē put-chí hó; i chhut-si tī Ap-sa-liông ê bé-āu. ⁷I kap Sé-ló·ngá ê kiáⁿ Iok-ap, kap chē-si A-pí-a-tha chham-siông; in chiū tè A-to-nî-ngá, lāi pang-chān i. ⁸Chóng-sī chē-si Sat-tok, kap Iā-hô-iā-tāi ê kiáⁿ Pí-ná-ngá, sian-ti Ná-tan, kap Sī-múi, Lī-í, kap Tāi-plt ê íóng-sū, lóng bô ūi A-to-nî-ngá. ⁹A-to-nî-ngá tī kūn Ún-lô-kiat, Só-hi-liát ê chiòh-poāⁿ piⁿ, thài iūⁿ, gū, kap pui ê cheng-siⁿ, chhiáⁿ i ê cheng hiaⁿ-tī, chiū-sī ông ê kiáⁿ, í-kip Iū-tāi só· ū choè ông ê jîn-sin ê cheng-lāng. ¹⁰Tók-tók sian-ti Ná-tan, kap Pí-ná-ngá, í-kip íóng-sū, kap i ê sió-tī Só·lô-būn, i lóng bô chhiáⁿ in.

¹¹Ná-tan kā Só·lô-būn ê lâu-bú Poát-sī-pa kóng, Hap-kip ê kiáⁿ A-to-nî-ngá choè-ông lah, lí bô thiaⁿ-kìⁿ mah? Lán ê chú Tāi-pit iā m̄-chai. ¹²Taⁿ lí lāi, goá thoē lí táⁿ-sèng, thang pó-choân lí ê siⁿ-miā, kap lí ê kiáⁿ Só·lô-būn ê siⁿ-miā. ¹³Lí jlp--khì kìⁿ Tāi-plt ông, kā i kóng, Goá ê chú goá ê ông ah, lí kiám m̄-bat tui lí ê lú-pī chiū-choā kóng, Lí ê kiáⁿ Só·lô-būn beh soà-chiap goá choè-ông, i beh chē goá ê ūi mah? chái-iūⁿ A-to-nî-ngá choè-ông ah? ¹⁴Lí tī-hia kap ông kóng-oē ê si, goá iā tè lí ê ka-chiah-āu jlp--khì, lāi kan-cheng lí ê oē sī sít.

¹⁵Poát-sī-pa jlp--khì pāng-lāi kìⁿ ông, ông chin lâu; Su-liām ê cha-bó·gín-ná A-pí-soah teh su-hāu ông. ¹⁶Poát-sī-pa kiok-kiong pài ông; ông kóng, Lí beh sím-mih? ¹⁷I kā i kóng, Goá ê chú ah, lí bat kí Iā-hô-hoa lí ê Siōng-tè, lāi tui lí ê lú-pī chiū-choā, kóng, Lí ê kiáⁿ Só·lô-būn beh soà-chiap goá choè-ông, i beh chē tī goá ê ūi. ¹⁸Khoàⁿ ah, taⁿ A-to-nî-ngá choè-ông, goá ê chú goá ê ông lí iā m̄-chai. ¹⁹I ū thài choē-choē gū, pui ê cheng-siⁿ, kap iūⁿ, chhiáⁿ ông ê cheng-kiáⁿ, kap chē-si A-pí-a-tha, kap kun-tiūⁿ Iok-ap; tók-tók lí ê lô·pòk Só·lô-būn, i bô chhiáⁿ. ²⁰Goá ê chú goá ê ông ah, Í-sek-liát cheng-lāng ê bák-chiu lóng teh khoàⁿ lí, theng-hāu lí kā in kóng, chī-chui beh soà-chiap goá ê chú goá ê ông, lāi chē i ê ūi. ²¹Nā bô, kàu goá ê chú goá ê ông kap

liát-chó· saⁿ-kap khùn liáu-āu, goá kap goá ê kiáⁿ Sók-lô-bùn beh sng-choè ũ-choè ê lāng.

²²Khoàⁿ ah, i iáu teh kap ông kóng-oē ê sī, sian-ti Ná-tan iā jlp-lái. ²³Ū lāng ká ông kóng, Sian-ti Ná-tan tī chia. Ná-tan jlp-khì ông ê bīn-chēng, phak tī toē--nih pài ông. ²⁴Ná-tan kóng, Goá ê chú goá ê ông, lí kiám ũ kóng, A-to-ni-ngá beh soà-chiap goá choè ông, beh chē goá ê ũi mah? ²⁵In-ũi kin-á-jit i lóh--khì, thài choē-choē gū, kap pui ê cheng-siⁿ, kap iūⁿ, chhiáⁿ ông ê chēng-kiáⁿ, kap chiah ê kun-tiúⁿ, kap chē-si A-pí-a-tha; khoàⁿ ah, in tī i ê bīn-chēng lim-chiáh, chiū kóng, Goān A-to-ni-ngá ông bān-soè. ²⁶Tók-tók goá, chiū-sī lí ê lô-pók, kap chē-si Sat-tok, kap Iâ-hô-iâ-tāi ê kiáⁿ Pí-ná-ngá, í-kíp lí ê lô-pók Sók-lô-bùn, i lóng bô chhiáⁿ. ²⁷Che sī goá ê chú goá ê ông só· choè, iā bô ká lí ê lô-pók kóng, chī-chui beh soà-chiap goá ê chú goá ê ông, chē i ê ũi mah?

²⁸Tāi-pit ông in kóng, Kā goá kiò Poát-sī-pa lái. I chiū jlp-lái ông ê bīn-chēng, tī ông ê bīn-chēng khiā--teh. ²⁹Ông chiū-choā kóng, Goá kí kiù goá ê sīⁿ-miā thoat-lī it-chhè ê hoān-lān, éng-oáh ê Iâ-hô-hoa lái kóng, ³⁰Goá kì-jian kí Iâ-hô-hoa Í-sek-liát ê Siōng-tè tui lí chiū-choā, kóng, Lí ê kiáⁿ Sók-lô-bùn beh soà-chiap goá choè ông, i beh chē goá ê ũi lái thoè goá, goá kin-á-jit beh chiàu án-ni kiáⁿ. ³¹Poát-sī-pa chiū kiok-kiong phak tī toē--nih, pài ông, kóng, Goān goá ê chú Tāi-pit ông bān-bān-soè.

³²Tāi-pit ông koh kóng, Kā goá kiò chē-si Sat-tok, sian-ti Ná-tan, kap Iâ-hô-iâ-tāi ê kiáⁿ Pí-ná-ngá lái; in chiū lóng lái ông ê bīn-chēng. ³³Ông ká in kóng, Tiòh chhoā lín ê chú hiah ê lô-pók kap lín khi, hō· goá ê kiáⁿ Sók-lô-bùn khiā goá ê lô, hō· i lóh-khì kàu Ki-hùn; ³⁴tī-

hia chē-si Sat-tok, kap sian-ti Ná-tan, tiòh ēng iū boah i choè Í-sek-liát ông; lín iā tiòh pūn sàu-kak, kóng, Goān Sók-lô-bùn ông bān-soè. ³⁵Jiān-āu tè i chiūⁿ-lái, i beh lái chē goá ê ũi, soà-chiap goá choè ông; in-ũi goá siat-líp i choè Í-sek-liát kap Iū-tāi ê kun ông. ³⁶Iâ-hô-iâ-tāi ê kiáⁿ Pí-ná-ngá in ông kóng, A-bēng, goān Iâ-hô-hoa goá ê chú goá ê ông ê Siōng-tè iā án-ni kóng. ³⁷Iâ-hô-hoa cháiⁿ-iūⁿ kap goá ê chú goá ê ông tī-teh, goān I chiàu án-ni kap Sók-lô-bùn tī-teh, koh hō· i ê kok-ũi pí goá ê chú Tāi-pit ông ê kok-ũi koh khah toā.

³⁸Tui án-ni chē-si Sat-tok, sian-ti Ná-tan, Iâ-hô-iâ-tāi ê kiáⁿ Pí-ná-ngá, kap Ki-lī-thê lāng, Pí-lī-thê lāng, lóng lóh-khì, hō· Sók-lô-bùn khiā Tāi-pit ông ê lô, sàng i kàu Ki-hùn. ³⁹chē-si Sat-tok chiū tui Pò-piⁿ-lāi thèh toé-iū ê kak, ēng iū boah Sók-lô-bùn; lāng chiū pūn sàu-kak, chēng peh-siⁿ lóng kóng, Goān Sók-lô-bùn ông bān-soè. ⁴⁰Chēng peh-siⁿ tè i chiūⁿ--lái, koh pūn tát-á, toā-toā hoaⁿ-hí, tì-kàu toē in-ũi in ê siaⁿ kàu beh līh-khui.

⁴¹A-to-ni-ngá í-kíp kap i tī-teh hiah ê lāng-kheh tú-á chiáh-toh soah thiaⁿ-kìⁿ. Iok-ap thiaⁿ-kìⁿ sàu-kak ê siaⁿ chiū kóng, Siāⁿ-lāi cháiⁿ-iūⁿ ũ hoā-hoā-háu ê siaⁿ ah? I iáu teh kóng ê sī, khoàⁿ ah, chē-si A-pí-a-tha ê kiáⁿ Iok-ná-tan lái. ⁴²A-to-ni-ngá ká i kóng, Jlp-lái, lí sī thò-tòng lāng, pit-tiāⁿ sī pò hó siau-sit. ⁴³Iok-ná-tan in A-to-ni-ngá kóng, Ū-iáⁿ lán ê chú Tāi-pit ông í-keng siat-líp Sók-lô-bùn choè ông; ông chhe chē-si Sat-tok, sian-ti Ná-tan, Iâ-hô-iâ-tāi ê kiáⁿ Pí-ná-ngá, kap Ki-lī-thê lāng, Pí-lī-thê lāng, kap Sók-lô-bùn khi, in hō· i khiā ông ê lô; chē-si Sat-tok kap sian-ti Ná-tan, tī Ki-hùn í-keng boah i choè ông; in lóng tui hia chiūⁿ-lái chin hoaⁿ-hí, tì-kàu siāⁿ in siaⁿ; che chiū-sī lín só· thiaⁿ-kìⁿ ê siaⁿ;

⁴⁶koh Sô·lô-bûn í-keng chē kok-ūi. ⁴⁷Ông ê jîn-sîn iā lâi kâ lán ê chú Tâi-pit ông chiok-hok, kóng, Goān lí ê Siōng-tè hō· Sô·lô-bûn ê miâ, pí lí ê miâ, khah-iâⁿ, hō· i ê kok-ūi, pí lí ê kok-ūi, khah-toā; ông chiū tī chhng-nih àⁿ-lôh-khì pài. ⁴⁸Ông iā án-ni kóng, Iâ-hô-hoa Í-sek-liát ê Siōng-tè sī eng-kai o-lô--ê, in-ūi I siúⁿ-sù goá ū chit-lâng kin-a-jlt chē goá ê ūi, goá iā chhin-bák khoàⁿ-kìⁿ.

⁴⁹Hiah-ê kap A-to-ni-ngá tī-teh ê lêng-kheh lóng kiaⁿ-hiâⁿ khí-lâi, ták-lâng kiâⁿ in ê lô·. ⁵⁰A-to-ni-ngá ūi-tiōh Sô·lô-bûn chiū kiaⁿ, khí-lâi khi khíⁿ toāⁿ-kak. ⁵¹Ū lêng kâ Sô·lô-bûn kóng, Khoàⁿ ah, A-to-ni-ngá kiaⁿ Sô·lô-bûn ông, in-ūi i khíⁿ toāⁿ-kak, kóng, Goān Sô·lô-bûn ông kin-á-jlt tui goá chiū-choā, tek-khak bô ēng to thâi-sí i ê lô·-pók. ⁵²Sô·lô-bûn kóng, I nâ beh choè hó-lâng, chit ki thâu-mng iā boē ka-lauh tī toē--nih; nâ khoàⁿ i ū pháiⁿ, chiū tek-khak tiōh sí. ⁵³Sô·lô-bûn ông chiū chhe lêng khi, in chiū toà i tui toāⁿ-nih lôh-lâi. I chiū lâi pài tī Sô·lô-bûn ông ê bīn-chēng. Sô·lô-bûn kâ i kóng, Lí tò-khi lí ê chhù.

2 Tâi-pit beh sí ê kī kūn--lah; chiū hoān-hù i ê kiáⁿ Sô·lô-bûn kóng, Goá teh-beh kiâⁿ se-kan chēng-lâng só· tiōh kiâⁿ ê lô·; só·-í lí tiōh íong-kám, choè tãi-tiōng-hu; siú Iâ-hô-hoa lí Siōng-tè só· kau-tài lí siú ê, kiâⁿ I ê tō-lô·, siú I ê lút-lē, I ê kài-bēng, I ê hoat-tō·, I kan-chēng ê oē, chiàu só· siá tī Mô·se lút-hoat ê chheh--nih ê; án-ni lí bô-lūn choè sím-mih, bô-lūn tui toh-lôh khi, lóng oē heng-thong; iā hō· Iâ-hô-hoa èng-giām I só· èng-ún goá ê oē kóng, Lí ê kiáⁿ-sun nâ kín-sīn i ê lô·, chīn-sim chīn-ì sēng-slt kiâⁿ tī Goá ê bīn-chēng, chiū lí ê hō--è chē Í-sek-liát ê kok-ūi éng bô tng.

⁵Lí iā chai Sé-lô·-ngá ê kiáⁿ Iok-ap tui goá

só· kiâⁿ ê, i tui Í-sek-liát nng ê kun-tiúⁿ só· kiâⁿ ê, chiū-sī Nî-jíⁿ ê kiáⁿ Ap-ni-jíⁿ, kap Ek-thiap ê kiáⁿ A-má-sat, i thâi-sí in; i tī thài-pēng ê sī lâu in ê huìh, chhin-chhiūⁿ tī kau-chiàn ê sī chit-iūⁿ, chiong chit ê kau-chiàn ê huìh bak-tiōh i ê io só· hâ ê toà, kap i ê kha só· chhēng ê oē. ⁶Sô·-í lí tiōh chiàu lí ê tì-hui lâi kiâⁿ, m̄-thang iōng-ún i pēh-thâu-mng an-jian lôh im-kan. ⁷Lí tiōh hó khoán-thâi Ki-liát lêng Pa-se-lâi hiah ê kiáⁿ, hō· in siōng-siōng tī lí ê toh chiáh; in-ūi goá siám-pī lí ê hiaⁿ Ap-sa-liōng ê sī, in án-ni khoán-thâi goá. ⁸Khoàⁿ ah, kap lí tī-teh-ê ū Pa-hō·-līm ê Pīan-ngá-bín lêng, Ki-lâh ê kiáⁿ Sī-múi; goá khi Má-hap-liām ê jlt, i ēng tēng ê chiū-chó· chiū-chó· goá; chóng-sī i ū lôh Iok-tàn ngiā-chih goá, goá chiū kí Iâ-hô-hoa tui i chiū-choā kóng, Goá bô beh ēng to thâi lí. ⁹Taⁿ lí bôh-tit sng i bô-choē, in-ūi lí sī chhang-miâ ê lêng, iā oē chai tiōh cháiⁿ-iūⁿ khoán-thâi i, tiōh hō· i pēh-thâu-mng lâu-huìh lôh im-kan.

¹⁰Tâi-pit kap i ê liát-chó· saⁿ-kap khùn, bái-chòng tī Tâi-pit ê siāⁿ. ¹¹Tâi-pit choè Í-sek-liát ông kiōng sì-cháp nî; tī Hi-pek-lūn choè ông chhit-nî, tī Iâ-lô·-sat-léng choè ông saⁿ-cháp-saⁿ nî. ¹²Sô·lô-bûn chē i ê lâu-pē Tâi-pit ê ūi; i ê kok kian-kò· kàu-kék.

¹³Hap-klp ê kiáⁿ, A-to-ni-ngá, khi kìⁿ Sô·lô-bûn ê lâu-bú Poát-sī-pa; i mng i kóng, Lí lâi sī pēng-an mah? Ìn kóng, Pēng-an. ¹⁴Koh kóng, Goá ū tãi-chi beh tui lí kóng. I kóng, Choè lí kóng. ¹⁵A-to-ni-ngá kóng, Lí chai kok pún sī goá-ê, Í-sek-liát chēng-lâng iā lóng ì-hiōng goá. ài goá choè ông; chóng-sī kok hoán-tng kui goá ê sió-tī, in-ūi sī tui Iâ-hô-hoa hō· i. ¹⁶Taⁿ goá ū chit kiâⁿ sū kiū lí, ng-bāng lí bôh-tit the-sī goá. I kóng, Choè lí kóng.

¹⁷I kóng, Kiū lí tui Sô·lô-bûn ông kóng, hō· i

chiong Su-liām ê cha-bó·-kiáⁿ A-pí-soah siúⁿ-sù goá choè-bó·, in-ũi ông tek-khak bô the-sí lí. ¹⁸Poát-sī-pa kóng, Hó, goá thoè lí kã ông kóng.

¹⁹Tùi án-ni Poát-sī-pa khi kìⁿ Só·lô-bûn ông, beh ùi-tiòh A-to-ni-ngá kã i kóng; ông khí-lâi ngiâ-chih i, tùi i kiok-kiong, koh chē i ê ùi, hoan-hù lāng ùi ông ê lâu-bú siat chō-ũi; i chiū chē tī ông ê chiàⁿ-pêng. ²⁰I chiū kóng, Goá ù chít-kiáⁿ sió-khoá sū kiū lí, chhiáⁿ lí bôh--tit the-sí goá. Ông kã i kóng, Goá ê lâu-bú ah, choè lí kóng; goá bô beh the-sí lí. ²¹I kóng, Goān ēng Su-liām ê cha-bó·-gín-ná, A-pí-soah, hō· lí ê hiaⁿ A-to-ni-ngá choè-bó·. ²²Só·lô-bûn ông ìn i ê lâu-bú kóng, Lí siáⁿ-sū ùi-tiòh A-to-ni-ngá kiū Su-liām ê cha-bó·-gín-ná, A-pí-soah ah? iā tiòh thoè i kiū kok; in-ũi i sī goá ê hiaⁿ; chiū-sī tiòh ùi i, kap chè-si A-pí-a-tha, kap Sé-ló·-ngá ê kiáⁿ Iok-ap lâi kiū. ²³Só·lô-bûn ông chiū kí Iâ-hô-hoa lâi chiū-choā kóng, A-to-ni-ngá kóng che oē sī hāi ka-kī ê siⁿ-miā; nā-bô, goān Siōng-tè ka-pē chek-hoát goá. ²⁴Iâ-hô-hoa kian-kò· goá, hō· goá chē goá ê pē Tāi-pit ê ùi, chiàu I só· èng-ún ê oē, kã goá kiàn-lip ke; goá kí I ê éng-oáh lâi chiū-choā, A-to-ni-ngá kin-á-jit tek-khak sí. ²⁵Só·lô-bûn ông chiū chhe Iâ-hô-iâ-tāi ê kiáⁿ Pí-ná-ngá khi; i chiū phah i, hō· i sí.

²⁶Ông kã chè-si A-pí-a-tha kóng, Lí tiòh tò-khi A-ná-tút, lí ê chhân-hng hia; lí eng-kai tiòh sí, chóng-sī kin-a-jit goá m̄ hō· lí sí, in-ũi lí tī goá ê pē Tāi-pit ê bīm-cheng ù kng Chú Iâ-hô-hoa ê kúi; koh goá ê lâu-pē só· siū it-chhè ê hoān-lān, lí iā kap i siū hoān-lān. ²⁷Só·lô-bûn chiū kek-tiok A-pí-a-tha, m̄-chún i choè Iâ-hô-hoa ê chè-si; án-ni chiū èng-giām Iâ-hô-hoa tī Sī-lô lūn Í-lī ê ke só· kóng ê oē.

²⁸Chit ê siau-sit thoân kàu Iok-ap, Iok-

ap chiū cháu, jip Iâ-hô-hoa ê Pò·píⁿ, khiⁿ toāⁿ-kak; in-ũi Iok-ap sui-jian bô tè Ap-sa-liông, chóng-sī tè A-to-ni-ngá. ²⁹Ū lāng kã Só·lô-bûn ông kóng, Iok-ap cháu kàu Iâ-hô-hoa ê Pò·píⁿ, taⁿ tī toāⁿ-píⁿ; Só·lô-bûn chiū chhe Iâ-hô-iâ-tāi ê kiáⁿ pí-ná-ngá kóng, Lí khi phah i. ³⁰Pí-ná-ngá kàu Iâ-hô-hoa ê Pò·píⁿ, kã Iok-ap kóng, Ông án-ni kóng, Lí tiòh chhut-lâi. I ìn kóng, M̄--ah, goá beh sí tī chia. Pí-ná-ngá khi hē-hok ông kóng, Iok-ap án-ni kóng, án-ni ìn goá. ³¹Ông kã i kóng Lí thang chiàu i ê oē kiáⁿ; phah-sí lâi bài-chông i; thang hō· Iok-ap bô in-toaⁿ lâu lāng ê huìh hit ê choē bô kui tī goá, kap goá lâu-pē ê ke. ³²Iâ-hô-hoa beh ēng i ê huìh kui tī i ka-kī ê thâu-khak; in-ũi i phah pí i khah gī, pí i khah hó ê nng lāng, ēng to thâi-sí i; chiū-sī Í-sek-liát ê kun-tiúⁿ Nī-jí^m ê kiáⁿ Ap-ni-jíⁿ, kap Iū-tāi ê kun-tiúⁿ Ek-thiap ê kiáⁿ A-má-sat; iā goá ê lâu-pē Tāi-pit m̄-chai. ³³Tùi án-ni ìn ê huìh beh kui tī Iok-ap ê thâu-khak, kap i ê hō·-è ê thâu-khak, kàu éng-oán; tòk-tòk Tāi-pit kap i ê hō·-è, i ê ke, i ê ùi, beh tùi Iâ-hô-hoa tit-tiòh pêng-an, kàu éng-oán. ³⁴Iâ-hô-iâ-tāi ê kiáⁿ Pí-ná-ngá chiū chiūⁿ--khi, phah-sí i, chiū bài-chông i tī khòng-iá, tī i ka-kī ê chhù. ³⁵Ông chiū siat-lip Iâ-hô-iâ-tāi ê kiáⁿ Pí-ná-ngá thoè Iok-ap choè kun-tiúⁿ; koh siat-lip chè-si Sat-tok, lâi thoè A-pí-a-tha.

³⁶Ông chhe lāng kiò Sī-múi lâi, chiū kã i kóng, Lí tiòh ùi ka-kī khí chhù tī Iâ-lô-sat-léng, khiā-khi tī-hia, m̄-thang chhut hia khi pát-ũi. ³⁷In-ũi lí tiòh khak-sit chai, lí chhut-khi kè Khip-lun khoe, hit-jit tiòh sí, lí ê huìh beh kui lí ka-kī ê thâu-khak. ³⁸Sī-múi ìn ông kóng, Chit ê oē chin-hó; goá ê chú goá ê ông só· kóng-ê, lí ê lô·pòk beh án-ni kiáⁿ. Tùi án-ni Sī-múi tiàm tī Iâ-lô·sat-léng choē-choē jit.

³⁹Kè saⁿ-nî, Sī-múi nng ê lô·-pók cháu kàu Ka-ték ông Má-ka ê kiáⁿ A-kiat hia; ũ lāng ká Sī-múi kóng, Lí khoàⁿ, lí ê lô·-pók tī Ka-ték. ⁴⁰Sī-múi khí-lâi, pī-pān lū khi Ka-ték, kàu A-kiat ông hia, chhē i ê lô·-pók; Sī-múi chiū khi Ka-ték toà i ê lô·-pók tò-lâi. ⁴¹Ū lāng ká Sók·lô·bun kóng, Sī-múi chhut Iâ-lô·sat-léng khi Ka-ték tò-lâi. ⁴²Ông chiū chhe lāng kiò Sī-múi lâi, tui i kóng, Goá kiám-m̄-sī kiò lí kí Iâ-hô-hoa chiū-choā, koh keng-kài lí kóng, Lí tiòh khak-sit chai lí chhut-lâi khi goā-bīn, bô-lūn khi toh-lôh, hit-jit lí tiòh sí mah? Lí ìn goá kóng, Goá thiaⁿ chit ê oē chin hó. ⁴³Taⁿ lí siáⁿ-sū bô chip-siú kí Iâ-hô-hoa só· chiū-choā-ê, kap goá só· keng-kài lí ê bēng-lēng ah? ⁴⁴Ông koh ká Sī-múi kóng, Lí ê sim só· chūn ê pháiⁿ, chiū-sī lí tui goán lāu-pē Tāi-pit só· kiáⁿ-ê lí ka-kī lóng chai; só·-í Iâ-hô-hoa beh chiong lí ê pháiⁿ kui lí ka-kī ê thau-khak. ⁴⁵Chóng-sī Sók·lô·bun ông beh tit-tiòh hok-khi; koh Tāi-pit ê kok-ūi beh tī Iâ-hô-hoa ê bīn-chēng kian-kò·, kàu éng-oán. ⁴⁶Ông chiū bēng-lēng Iâ-hô-iâ-tāi ê kiáⁿ Pí-ná-ngá, i chiū chhut-khi, phah hō· i sí. Tui án-ni kok-ūi kian-kò· tī Sók·lô·bun ê chhiú.

3 Sók·lô·bun kap Ai-kip ông Hoat-ló kiat-chhin, chhoā Hoat-ló ê cha-bó·-kiáⁿ choè-bó·, toà i jlp Tāi-pit siáⁿ, thèng-hāu i khí ka-kī ê chhù, kap Iâ-hô-hoa ê tiān, í-kip Iâ-lô·sat-léng sì-ūi ê siáⁿ-chhiūⁿ oan-kang. ²Tng-sī iáu-bē ũ ũi Iâ-hô-hoa ê miā khí tiān; só·-í peh-siⁿ iū-goân tī soaⁿ-thau-toāⁿ hiàn-chè. ³Sók·lô·bun thiàⁿ Iâ-hô-hoa, kiáⁿ i ê lāu-pē Tāi-pit ê hoat-lút, tók-tók tī soaⁿ-thau-toāⁿ hiàn-chè sio-hiūⁿ.

⁴Ông khi Ki-piàn hiàn-chè, in-ūi tī-hia ũ kék-toā ê soaⁿ-thau-toāⁿ; Sók·lô·bun tī toāⁿ-téng hiàn sio-chè ê cheng-siⁿ chit-chheng

chiah. ⁵Tī Ki-piàn, mī--sī tī bāng-tiong Iâ-hô-hoa tui Sók·lô·bun chhut-hiān; Siōng-tè kóng, Lí ài Goá siúⁿ-sù lí sím-mih? thang tui Goá kiū. ⁶Sók·lô·bun kóng, Lí bat si toā-un hō· Lí ê lô·-pók, goá ê pē Tāi-pit, chiàu i ēng sēng-sit, kong-gī, chēng-tit ê sim, kap Lí tī-teh, kiáⁿ tī Lí ê bīn-chēng; Lí iā ká i lāu chit ê toā un-tiān, chiū-sī siúⁿ-sù i chit ê kiáⁿ chē i ê ũi, chhin-chhiūⁿ kin-á-jit án-ni. ⁷Iâ-hô-hoa goá ê Siōng-tè ah, taⁿ Lí hō· Lí ê lô·-pók soà-chiap goá ê lāu-pē Tāi-pit choè-ông; chóng-sī goá sī gín-ná, m̄-chai tiòh cháiⁿ-iūⁿ chhut-jlp. ⁸Lí ê lô·-pók tiām tī Lí só· keng ê peh-siⁿ tiong, chiah ê peh-siⁿ choē kàu boē-sng-tit, iā sng-boē-liáu. ⁹Kiū Lí siúⁿ-sù Lí ê lô·-pók tì-hui ê sim, thang phoàⁿ-toàn Lí ê peh-siⁿ, lâi hun-piat hó-pháiⁿ; in-ūi chī-chui oē phoàⁿ-toàn Lí chiah-choē ê peh-siⁿ ah? ¹⁰In-ūi Sók·lô·bun kiū che, Chú hoaⁿ-hí i ê oē. ¹¹Siōng-tè tui i kóng, Lí kì-jian kiū che, bô ũi ka-kī kiū hē-siū bô ũi ka-kī kiū hó-giáh, iā bô kiū biat-choat lí ê tui-ték ê siⁿ-miā, toaⁿ-toaⁿ ũi ka-kī kiū tì-hui thang hun-piat sím-phoàⁿ ê lí; ¹²khoàⁿ ah, Goá chiàu lí ê oē lâi choē; Goá siúⁿ-sù lí chhang-miā tì-hui ê sim; tì-kàu lí í-chēng bô lāng chhin-chhiūⁿ lí, lí í-āu iā bô ũ lāng khí-lâi chhin-chhiūⁿ lí. ¹³Lí só· bô kiū-ê, Goá iā hō· lí; chiū-sī hó-giáh, chun-kui, hō· lí tī sè-kan ê jit-chí, liat-ông bô chit-ê oē pí-tit lí. ¹⁴Lí nā kiáⁿ Goá ê tō-lō·, siú Goá ê lút-lē, kap Goá ê kài-bēng, òh lí ê lāu-pē Tāi-pit só·-kiáⁿ-ê, Goá chiū beh hō· lí tng hē-siū. ¹⁵Sók·lô·bun khùn-chhiⁿ, chai sī bīn-bāng; chiū khi Iâ-lô·sat-léng khiā tī Iâ-hô-hoa ê iok-kui chēng, hiàn sio-chè, kap siā-un-chè; koh ũi-tiòh i hiah ê jīn-sin pài-siat iān-siáh.

¹⁶Ū chit-jit nng ê kī-lú lâi ông hia, khiā tī ông ê bīn-chēng. ¹⁷Chit ê hū-jin-lāng kóng,

Goá ê chú ah, goá kap chit ê hū-jîn-lâng saⁿ-kap toà chit keng chhù; goá kap i tī chhù-lāi siⁿ chit ê kiáⁿ. ¹⁸Goá siⁿ-kiáⁿ liáu-āu tē-saⁿ jlt, chit ê hū-jîn-lâng iā siⁿ gín-ná, goán saⁿ-kap khiā-khí, tū goán nng-lâng í-goā, chhù-lāi bô pát-lâng kap goán tī-teh. ¹⁹Mi-si chit ê hū-jîn-lâng ê kiáⁿ sí, in-ūi i khùn ê si teh-tiōh i. ²⁰I poàⁿ-mī khí-lāi, thàn lí ê lú-pī teh khùn, tui goá ê sin-piⁿ phō goá ê gín-ná khi, hē tī i ê heng-chêng, chiong i ê sí gín-ná hē tī goá ê heng-chêng. ²¹Thiⁿ beh kng ê sí, goá khí-lāi beh hō· goá ê gín-ná chiáh-lín; bô phah-sng, gín-ná í-keng sí; kàu thiⁿ kng, goá siōng-sè khoàⁿ, m̄-si goá só· siⁿ ê kiáⁿ. ²²Hit ê hū-jîn-lâng kóng, Bô, oáh--ê sī goá ê kiáⁿ, sí--ê sī lí ê kiáⁿ; chit ê hū-jîn-lâng kóng, Bô, sí--ê sī lí ê kiáⁿ, oáh--ê sī goá ê kiáⁿ; in tī ông ê bīn-chêng án-ni saⁿ-chìⁿ. ²³Ông kóng, Chit ê hū-jîn-lâng kóng, Oáh ê kiáⁿ sī goá-ê, sí ê kiáⁿ sī lí-ê; hit ê hū-jîn-lâng kóng, Bô, sí ê kiáⁿ sī lí-ê, oáh ê kiáⁿ sī goá-ê. ²⁴Ông kóng, Kā goá kiáh to lái; chiū kiáh to kàu ông ê bīn-chêng. ²⁵Ông kóng, Chiong oáh ê gín-ná phoà choè nng-pêng, chit-pêng hō· hit-ê, chit-pêng hō· chit-ê. ²⁶Oáh ê gín-ná ê lâu-bú ūi-tiōh ka-kī ê kiáⁿ, sim chhin-chhiūⁿ hé teh-tōh, chiū tui ông kóng, Goá ê chú ah, chiong oáh ê kiáⁿ hō· hit ê hū-jîn-lâng, chhian-bān m̄-thang hō· i sí; hit ê hū-jîn-lâng kóng, Chit ê gín-ná bōh-tit kui lí, iā bōh-tit kui goa; phoà i, thang. ²⁷Ông ìn kóng, Chiong oáh ê gín-ná hō· chit ê hū-jîn-lâng, chhian-bān m̄-thang thāi i; in-ūi i sít-chāi sī i ê lâu-bú. ²⁸Í-sek-liát cheng-lâng thiaⁿ-kìⁿ ông só· phoàⁿ-toàn ê àn, chiū lóng keng-ùì i; in-ūi khoàⁿ-kìⁿ i ê sim-lāi ū Siōng-tè ê tì-hui lâi phoàⁿ-toàn.

4 Só·lô-bùn ông choè Í-sek-liát cheng-lâng ê ông. I só· ū ê jîn-sin kì tī ē-bīn: Sat-tok ê

kiáⁿ A-sat-lī-ngá choè chè-si; ³Sī-sa nng ê kiáⁿ Í-lī-hô-liát A-hi-a choè pì-su; A-hi-lút ê kiáⁿ Iok-sa-hoat choè sú-koaⁿ; ⁴Iā-hô-iā-tāi ê kiáⁿ Pí-ná-ngá choè kun-tiúⁿ; Sat-tok kap A-pí-a-tha choè chè-si; ⁵Ná-tan ê kiáⁿ A-sat-lī-ngá choè cheng-koaⁿ-tiúⁿ; Ná-tan ê kiáⁿ Sat-pò·tek choè chè-si, iā choè ông ê pêng-iú; ⁶A-hi-soah choè koán-ke-ê; A-pí-tāi ê kiáⁿ A-to-nī-lân choè tok-kang--ê.

⁷Só·lô-bùn tī Í-sek-liát choán-toē siat-líp chap-jī ê koaⁿ-oân, in ūi-tiōh ông kap i ê ke pī-pān chiáh-mih, múi-nī ták-lâng chit-gêh-jlt pī-pān chiáh-mih. ⁸In ê miā kì tī ē-toé: tī Í-hoat-liân soaⁿ-toē, ū Piān-hō·jīⁿ; ⁹Tī Má-ka-su, Sa-pin, Pek-sī-bék, Í-lún-pek-hap-lâm, Ū Piān-tī-kah; ¹⁰tī A-ló·pók, ū Piān-hi-sek, i iā tī So-ko kap Hi-hut choán-toē; ¹¹tī To-jīⁿ ê choán soaⁿ-toē, ū Piān-a-pí-ná-tát; i chhoā Só·lô-bùn ê cha-bó·kiáⁿ Tha-hoat choè-bó·; ¹²tī Tha-láp, kap Bí-kiat-to, kap óa-kūn Sat-láh-tha-ná, Iā-su-liát ē-pêng ê Pek-siān choán-toē, tui Pek-siān kàu A-pek-bí-hô-láh, kàu Iok-liām ê goā-bīn, ū A-hi-lút ê kiáⁿ Pa-ná; ¹³tī Ki-liát ê lāh-boát, ū Piān-ki-piát, i iā tī Ki-liát ê Má-ná-se kiáⁿ-sun Gāi-jīⁿ hiah ê siāⁿ, Pa-san ê A-jīⁿ-ko-pek toē ê toā-siāⁿ, lāk-cháp chō siāⁿ, lóng ū siāⁿ-chhiūⁿ kap tâng ê mng-kong; ¹⁴tī Má-hap-liām ū Ek-to ê kiáⁿ A-hi-ná-tát; ¹⁵tī Ná-hut-tha-lī ū A-hi-má-su, i iā chhoā Só·lô-bùn chit ê cha-bó·kiáⁿ Pa-sit-boát choè-bó·; ¹⁶tī A-siat kap A-lók ū Hō·su ê kiáⁿ Pa-ná; ¹⁷tī Í-sat-ka ū Phàn-lō·a ê kiáⁿ Iok-sa-hoat; ¹⁸tī Piān-ngá-bín ū Í-láh ê kiáⁿ Sī-múi; ¹⁹tī Ki-liát toē, ū O·lī ê kiáⁿ Ki-piát; i iā tī A-mô·lī ông Se-hông kap Pa-san ông Gók ê toē, tók-tók i chit-lâng tī-hia choè-koaⁿ.

²⁰Iū-tāi kap Í-sek-liát cheng-lâng chin-choē, chhin-chhiūⁿ hái-piⁿ ê soa hiah-choē, iā chiáh,

iā lim, iā chin khoài-lók. ²¹Tùi Toā-hô kàu Hui-lī-sū toē, tít-kàu Ai-klp pian-kài hiah ê kok, Sók-lô-bún lóng koán-hat in; Sók-lô-bún oáh-teh ê jít, in lóng chìn-kòng hók-sāi i. ²²Sók-lô-bún ták-jít só· ēng lāi chiáh-ê, iù ê mī-hún saⁿ-cháp ko-jí^m, chho· ê mī-hún lāk-cháp ko-jí^m; pui ê gū cháp-chiah, chháu-tiūⁿ ê gū jī-cháp chiah, iūⁿ chít-pah chiah, iáu ū lók, lêng-iông, chhiah-lók, kap pui ê koe. ²⁴In-ūi i koán-hat Toā-hô chit-pêng ê choân-toē, tùi Thê-hut-sat kàu Ka-sat, chiū-sī hit ê Hô chit-pêng chiah ê ông; koh tī i sī-ūi ê sī-hng, lóng hióng-siū thài-pêng. ²⁵Sók-lô-bún oáh-teh ê jít, tùi Tàn kàu Piát-sī-pa ê Iú-tāi lāng kap Í-sek-liát lāng lóng an-jian khiā-khí, ták-lāng tī i ê phū-tô-chhiū-kha, kap bū-hoa-kó chhiū-kha. Sók-lô-bún ū sī-bān keng thò chhia ê bé-pāng, ū bé-peng chít-bān nng-chheng, ²⁷Hiah ê koaⁿ-oān, ták-ê chiàu i ê gēh-hūn, kā Sók-lô-bún ông, kap kìⁿ-nā chē Sók-lô-bún ông ê toh--ê, pī-pān chiáh-mih, lóng bô khiām chít-hāng. ²⁸Kok-lāng chīn i ê chít, ūi-tiòh bé kap gâu-pháu ê bé, toà toā-bēh kap chháu-liāu kàu in ê só·-chāi.

²⁹Siōng-tè siūⁿ-sù Sók-lô-bún tì-hūi chhang-miā kék-toā, sim iā khui-khoah, chhin-chhiūⁿ hái-piⁿ ê soa. ³⁰Sók-lô-bún ê tì-hūi poāⁿ-kè tang-hng ê lāng ê tì-hūi, kap Ai-klp it-chhè ê tì-hūi. ³¹I ê tì-hūi iāⁿ-kè bān-lāng, iāⁿ-kè Í-su-lāh lāng Í-thām, kap Má-hat ê kiáⁿ Hi-bān, Kah-kok, Tát-tāi; i ê miā-siaⁿ pò-iông tī sī-ūi liát-kok. ³²I choē chim-giān saⁿ-chheng kù; si-koa chít-chheng lian gō-siú. ³³I káng-lūn chháu-bák, tùi Lī-pa-lùn ê pek-hiūⁿ-chhiū kàu chhiūⁿ-téng hoạt--khí-lāi ê giū-chhek-chháu; koh káng-lūn cháu-siū, pe-chiáu, thāng-thoā, chúi-chók. ³⁴Ū lāng tùi liát-pang lāi, thiaⁿ Sók-lô-bún tì-hūi ê oē, thiⁿ-

ē liát-ông thiaⁿ-kìⁿ Sók-lô-bún ê tì-hūi, iā ū chhe lāng lāi.

5 Chhui-lô ông Hi-lān chhe i ê lô·pók khi kìⁿ Sók-lô-bún, in-ūi thiaⁿ-kìⁿ lāng ēng iū boah i soà-chiap i ê lāu-pē choē ông; in-ūi Hi-lān pêng-sò· thiāⁿ Tāi-plt. ²Sók-lô-bún iā chhe lāng khi kìⁿ Hi-lān, kóng, ³Lí chai goá ê pē Tāi-plt, in-ūi sī-ūi sī-hng ê kau-chiàn, boē-oē in-ūi Iā-hô-hoa i ê Siōng-tè ê miā khí tiān, kàu Iā-hô-hoa ēng tui-ték hē tī i ê kha-ē. ⁴Taⁿ Iā-hô-hoa goá ê Siōng-tè í-keng siūⁿ-sù goá sī-hng pêng-an, tì-kàu bô tui-ték, bô chai-ē. ⁵Goá ì-sù beh ūi Iā-hô-hoa goá ê Siōng-tè ê miā khí tiān, sī chiàu Iā-hô-hoa èng-ún goá ê pē Tāi-plt ê oē, kóng, Goá beh hō· lí ê kiáⁿ soà-chiap lí, chē lí ê ūi, i beh ūi Goá ê miā khí tiān. ⁶Sók-í chhiáⁿ lí bēng-lēng lāng, tī Lī-pa-lùn kā goá chhò pek-hiūⁿ-chhā; goá ê lô·pók beh kap lí ê lô·pók saⁿ-kap choē; goá iā beh chiàu lí kìⁿ só· tiāⁿ-tiòh--ê, chiong lí ê lô·pók ê kang-chiⁿ kau lí; in-ūi lí chai, tī goán tiong-kan bô lāng chhin-chhiūⁿ Se-tùn lāng gâu chhò-chhiū. ⁷Hi-lān thiaⁿ-kìⁿ Sók-lô-bún ê oē, chiū chin hoaⁿ-hí, kóng, Kin-á-jít eng-kai o-ló Iā-hô-hoa, in-ūi I siūⁿ-sù Tāi-plt chít-ê ū tì-hūi ê kiáⁿ, tī-lí chiah-choē ê peh-siⁿ. ⁸Hi-lān chhe lāng khi kìⁿ Sók-lô-bún kóng, Lí chhe lāng só· tui goá kóng ê sū, goá ū thiaⁿ-kìⁿ; lūn-kàu pek-hiūⁿ-chhā, kap siōng-chhiū ê chhā, goá beh chiàu lí ê sim-goān lāi kiāⁿ. ⁹Goá ê lô·pók beh tui Lī-pa-lùn ūn i lóh-hái, goá beh ká kui-pāi phū tī hái--nih, kàu lí só· kā goá tiāⁿ-tiòh ê só·-chāi; goá beh tī-hia thiah-khui; lí thang chiap-siū; lí ēng chiáh-mih hō· goá ê ke, chiāⁿ goá ê sim-goān. ¹⁰Hi-lān chiū ēng pek-hiūⁿ-chhā kap siōng-chhiū ê chhā hō· Sók-lô-bún chiàu i it-chhè só·-ài-ê. ¹¹Sók-lô-bún hō· Hi-lān nng-bān ko-jí^m ê

sió-béh; jī-cháp ko-jīⁿ ê chheng-iû, choè i ke-lāi ê chiáh-mih. Sók-lô-bûn ták-nî chiàu án-ni hō· Hi-lân. ¹²Iâ-hô-hoa chiàu I só· èng-ún--ê, siúⁿ-sù tì-hūi hō· Sók-lô-bûn. Hi-lân kap Sók-lô-bûn ê tiong-kan ū hô-pêng; in nng-lâng saⁿ-kap lîp-iok.

¹³Sók-lô-bûn ông tui Í-sek-liát cheng-lâng ê tiong-kan, phái lêng-kang; só· phái ê lêng-kang kiōng saⁿ-bân. ¹⁴Ták-gêh-jit lûn-liú phái chit-bân lêng kàu Lī-pa-lûn; in chit-gêh-jit tī Lī-pa-lûn, nng gêh-jit tī ke-lāi; A-to-nî-lân choè tok-kang--ê. ¹⁵Sók-lô-bûn ū thiau-hu chhit-bân; poeh-bân lêng tī goaⁿ--nih phah-chiòh. ¹⁶Chiah-ê í-goā Sók-lô-bûn ū ēng tok-kang ê toā-koaⁿ saⁿ-chheng saⁿ-pah lêng; in kam-tok hiah ê choè-kang ê lêng. ¹⁷Ông chhut-lêng, in chiū ūn toā-chiòh, pó-poè ê chiòh, ēng phah-hó ê chiòh lâi hē chhù ê toē-ki. ¹⁸Sók-lô-bûn ê sai-hū, kap Hi-lân ê sai-hū, kap Ka-pa-lék lêng, lóng phah-chiòh, pī-pān chhā-liāu kap chiòh, lâi khí tiān-chhù.

6 Í-sek-liát lêng chhut Ai-kíp toē liáu-āu sī-pah poeh-cháp nî, Sók-lô-bûn choè Í-sek-liát ông, tē-si nî Se-hut gêh, chiū-sī jī-gêh, tâng-kang khí Iâ-hô-hoa ê tiān. ²Sók-lô-bûn ông ūi Iâ-hô-hoa só· khí ê tiān, tng lāk-cháp tiú, khoah jī-cháp tiú, koaiⁿ saⁿ-cháp tiú. ³Hit tē chhù tiān-chêng ê lōng tng jī-cháp tiú, kap i ê chhù ê khoah pīⁿ; tī chhù ê thau-chêng i ê khoah cháp tiú. ⁴Koh ūi-tiòh chhù choè thang, ū koaiⁿ-sí ê thang-á-chí. ⁵Oá tī chhù ê chhiūⁿ, sī-ūi khí lâu, chiū-sī óa tī chhù ê chhiūⁿ ê sī-ūi, chêng-tiān āu-tiān lóng sī án-ni; khí pīⁿ-pâng tī sī-ūi. ⁶Lâu ê ē-chân khoah gō·tiú, tiong-chân khoah lāk-tiú, saⁿ-chân khoah chhit-tiú; tī chhù ê goā-bīn choè png-chhiūⁿ tī i ê sī-ūi, hō· íⁿ-á bô chhah-jíp tiān ê chhiūⁿ. ⁷Tiān teh khí ê sī, sī ēng soaⁿ-

tiong phah-hó ê chiòh; khí tiān ê sī, thui, pó·thau, kap pát-hō thih-khì ê siaⁿ-im lóng bô thiaⁿ-kìⁿ. ⁸Pīⁿ-á tiong-pâng ê mng, chiū-sī tī tiān ê chiāⁿ-pêng, tui kng-lê-thui chiūⁿ tiong-chân, tui tiong-chân chiūⁿ kàu tē-saⁿ chân. ⁹Tui án-ni, khí tiān kàu-hó; chiū ēng pek-hiūⁿ-chhā ê íⁿ, pek-hiūⁿ-chhā ê pán, jia-khām tiān. ¹⁰Koh óa tī kui-keng ê tiān ū khí lâu, kok koaiⁿ gō·tiú; chiah-ê lóng ēng pek-hiūⁿ-chhā khoà tī tiān--nih.

¹¹Iâ-hô-hoa ê oē līm-kàu Sók-lô-bûn kóng, ¹²Lûn-kàu lí só· khí chit keng tiān, lí nā kiāⁿ Goá ê lút-lē, thàn Goá ê hoat-tō·, siú Goá it-chhè ê kài-bēng, chiàu án-ni kiāⁿ, Goá chiū beh chiàu Goá só· èng-ún lí ê pē Tāi-pit ê oē, èng-giām tī lí. ¹³Goá beh tiām tī Í-sek-liát lêng ê tiong-kan, iā bô pàng-sak Goá ê peh-siⁿ Í-sek-liát.

¹⁴Sók-lô-bûn khí tiān í-keng bēng-pék. ¹⁵Ēng pek-hiūⁿ-chhā ê pán khí choè tiān ê lāi-tēng chhiūⁿ; tui tiān ê thô·kha kàu íⁿ-á, lóng ēng chhā khām i ê lāi-tēng; koh ēng siōng-chhiū-pán phor· tiān ê thô·kha. ¹⁶Koh tī tiān ê āu-bīn, ēng pek-hiūⁿ-chhā pán khí jī-cháp tiú, tui thô·kha kàu íⁿ-á, ká i choè tī lāi-bīn, choè āu-tiān, chiū-sī chī-seng-só·. ¹⁷Āu-tiān chêng ê tiān chhim sī-cháp tiú. ¹⁸Tiān-lāi ê peh-hiūⁿ-chhā lóng ū khek pū-á kap hoe-lúi; tiān-lāi lóng sī pek-hiūⁿ-chhā, bô khoàⁿ-kìⁿ chit tē chiòh. ¹⁹Chhù ê lāi-bīn ū pī-pān āu-tiān, beh tī-hia an-ti Iâ-hô-hoa ê iok-kūi. ²⁰Āu-tiān ê lāi-bīn tng jī-cháp tiú, khoah jī-cháp tiú, koaiⁿ jī-cháp tiú, lóng ēng hó-kim an i; iā ēng pek-hiūⁿ-chhā khām toāⁿ. ²¹Chhù-lāi Sók-lô-bûn lóng ēng hó-kim an i, āu-tiān ê thau-chêng khan kim-liān-á, iā ēng hó-kim an i. ²²Choán-tiān lóng an kim, kàu hit keng tiān lóng khí hó; óa tī āu-tiān ê toāⁿ, iā lóng

an-kim.

²³Tī āu-tiān ê lāi-bīn, i ēng kaⁿ-ná-chhâ choè n̄ng ê ki-lō·peng, ták-ê koàiⁿ chấp-tiú.
²⁴Ki-lō·peng chit-pêng ê sít gō· tiú, ki-lō·peng hit-pêng ê sít gō· tiú; tùi chit-pêng ê sít-bé kàu hit-pêng ê sít-bé, kiōng chấp-tiú.
²⁵Hit ê ki-lō·peng iā sī chấp-tiú; n̄ng ê ki-lō·peng ê chhùn-chhiōh, khoán-sit, lóng saⁿ-tâng.
²⁶chit ê ki-lō·peng koàiⁿ chấp-tiú, hit ê ki-lō·peng iā sī án-ni.
²⁷chiong ki-lō·peng hē tī āu-tiān ê lāi-bīn; ki-lō·peng ê sít thí-khui, chit ê ki-lō·peng chit ê sít kàu chit-pêng ê chhiūⁿ, hit ê ki-lō·peng chit ê sít kàu hit-pêng ê chhiūⁿ; tī tiān-lāi in n̄ng ê sít saⁿ-chiap.
²⁸I koh ēng kim an hiah ê ki-lō·peng.
²⁹Hit ê tiān sî-ûi ê chhiūⁿ, lāi-goā lóng ū tiau-khek, chiū-sī tiau-khek ki-lō·peng, chó-chhiū, kap hoe-lúi ê khoán-sit.
³⁰Tiān ê toē-pán, lāi-goā lóng an-kim.
³¹Koh ēng kaⁿ-ná-chhâ choè jip āu-tiān ê m̄ng; i ê m̄ng-bâi, m̄ng-khiā, tìn chhiūⁿ ê gō·hūn-chhit.
³²Ēng kaⁿ-ná-chhâ só· chō n̄ng ê m̄ng-siⁿ, téng-bīn khék ki-lō·peng, chó-chhiū, kap hoe-lúi ê khoán-sit, lóng an-kim; koh ēng kim siuⁿ ki-lō·peng kap chó-chhiū ê téng-bīn.
³³Koh ēng kaⁿ-ná-chhâ choè jip tiān ê m̄ng-khiā, tìn chhiūⁿ ê sî-hūn-chhit.
³⁴Ēng siōng-chhiū-chhâ, choè siang-pêng ê m̄ng-siⁿ; chit pêng m̄ng ê n̄ng-siⁿ oē áu--tit, hit pêng m̄ng ê n̄ng-siⁿ iā oē áu--tit;
³⁵téng-bīn khék ki-lō·peng chó-chhiū, kap hoe-lúi ê khoán-sit, lóng an-kim; koh ēng kim siuⁿ tī tiau-khek ê kang ê téng-bīn.
³⁶I koh ēng phah-hó ê chiōh saⁿ-ûn, pek-hiūⁿ-chhâ chit-ûn, lâi khí lāi-īⁿ.
³⁷Tē sî-nî, Se-hut gēh, hē Iâ-hô-hoa tiān ê toē-ki.
³⁸Kàu chấp-it nî, Pò·lèk gēh, chiū-sī poeh-gēh, tiān-t̄ng só· ū it-chhè chiàu i ê khoán-sit chō-chiāⁿ; i khí-chō kiōng chhit nî kú.

7 Só·lô-bûn khí ka-kī ê chhù, chấp-saⁿ nî kú, chhù chiah khí hó. ²Koh khí Lī-pa-lùn chhiū-nâ ê chhù, t̄ng chit-pah tiú, khoah gō· chấp tiú, koàiⁿ saⁿ-chấp tiú; ū pek-hiūⁿ-chhâ ê thiāu sî-choā, thiāu-téng ū pek-hiūⁿ-chhâ ê īⁿ. ³Téng-bīn ēng pek-hiūⁿ-chhâ khàm i, khàm tī sî-chấp-gō· ki thiāu-téng ê īⁿ; múi-choā chấp-gō· ki thiāu. ⁴Koh ū thang-m̄ng saⁿ-choā, thang kap thang saⁿ-tùi; saⁿ-choā lóng sī án-ni. ⁵Chiah ê m̄ng kap m̄ng-khiā, sī ēng chhâ choè ê, lóng sī sù-hong; ū thang-m̄ng saⁿ-choā, thang kap thang saⁿ-tùi; saⁿ-choā lóng sī án-ni. ⁶Koh khí ū thiāu ê léng-lông, t̄ng gō·chấp tiú, khoah saⁿ-chấp tiú; tī in ê thâu-chēng koh ū léng-lông, tī in ê thâu-chēng ū thiāu kap hō·tēng. ⁷Koh khí chō-ūi ê lóng, chiū-sī sím-phoàⁿ ê lóng, thang tī-hia sím-phoàⁿ; chit ê lóng tùi toē-pán kàu thian-lô-pán, ēng pek-hiūⁿ-chhâ khàm. ⁸Só·lô-bûn ka-kī só· beh khiā ê chhù, lēng-goā ū chit keng īⁿ tī lóng ê lāi-bīn, khí-chō ê hoat saⁿ-tâng; Só·lô-bûn chhoā Hoat-ló ê cha-bó·kiáⁿ, iā ká i khí chit keng chhù, kap chit ê lóng saⁿ-tâng. ⁹Khí chiah-ê lóng sī ēng pó-poè ê chiōh, chiàu chhùn-chhiōh lâi phah-hó ê chiōh, lāi-goā ēng kù-á kù--ê; tùi toē-ki kàu nî-chiⁿ, tùi goā-bīn kàu toā-īⁿ, lóng sī án-ni. ¹⁰Toē-ki sī kù-khi ê chiōh, sī toā tè chiōh; ū chấp tiú ê chiōh, ū poeh tiú ê chiōh. ¹¹Téng-bīn ū kù-khi ê chiōh, chiàu chhùn-chhiōh phah-hó ê chiōh, iā ū pek-hiūⁿ-chhâ. ¹²Toā-īⁿ chhiu-ûi ū phah-hó ê chiōh saⁿ-ûn, pek-hiūⁿ-chhâ chit-ûn; lóng chhin-chhiūⁿ Iâ-hô-hoa tiān ê lāi-īⁿ, kap tiān ê lóng.

¹³Só·lô-bûn ông chhe lāng tùi Chhui-lô toà Hō·lân lâi. ¹⁴I sī Ná-hut-tha-lī chi-phài tiong chit ê chiú-koáⁿ lāng ê kiáⁿ, i ê lāu-pē sī Chhui-lô lāng, sī phah-tāng sai-hū. Hō·lân

ū tì-hūi, chhang-miâ, pún-sū moá-moá, gâu phah ták-hāng ê tâng-khì; i lâi Sók-lô-bûn hia, choè i it-chhè ê kâng. ¹⁵I chē-chō nng ki tâng-thiâu, múi-ki koàiⁿ chấp-poeh tiú, thiâu ê chiu-úi chấp-jī tiú. ¹⁶Koh ēng tâng lâi chū nng ê thiâu-táu, hē tī thiâu-téng; chit ê thiâu-táu koàiⁿ gō· tiú, hit ê thiâu-táu koàiⁿ iā gō· tiú. ¹⁷Thiâu-téng ê thiâu-táu ū chhiah chit-bák chit-bák ê bāng-á kap chit-khoân chit-khoân ê liān-á; chit ê thiâu-táu ū chhit-ê, hit ê thiâu-táu iā ū chhit-ê. ¹⁸I chō thiâu; tī chit ê bāng-á ê téng-bīn ê sī-úi, ū siáh-liū nng-choā, ēng i lâi jia-khām thiâu-téng ê thiâu-táu; hit ê thiâu-táu iā sī án-ni. ¹⁹Lông ê lâi-bīn thiâu-téng ê thiâu-táu, ū khek pek-háp-hoe sī tiú. ²⁰Nng ki thiâu-téng, kún bāng-á piⁿ phòng-ĩⁿ ê só·chāi, ū thiâu-táu; koh ū siáh-liū nng-pah liáp tī tē-jī ê thiâu-táu; ták-choā ūi i. ²¹I khiā nng ki thiâu tī tiān ê léng-lông; khiā tī chiāⁿ-pēng ê miā kiò Ngá-kun, khiā tī tò-pēng ê, miā kiò Pho-a-su. ²²Tī thiâu-téng khek pek-háp-hoe; án-ni, chō thiâu ê kang chiū bēng-pék.

²³I koh chū chit ê tâng-hái, khoán-sit sī ĩⁿ-ê, koàiⁿ gō· tiú, tui chit-pēng kàu hit-pēng chấp tiú, chiu-úi saⁿ-cháp tiú. ²⁴Tī i ê kīⁿ ê ē-bīn, ū pū-á ê khoán ūi i, múi-tiú chấp-liáp, lâi ūi hit ê tâng-hái; pū-á ū nng-choā, chū tâng-hái ê sī, soà chū--ê. ²⁵Tāng-hái khoà tī chấp-jī chiah tâng-gū ê téng-bīn; saⁿ-chiah ñg-pak, saⁿ-chiah ñg-sai, saⁿ-chiah ñg-lâm, saⁿ-chiah ñg-tang; tâng-hái hē tī gū ê téng-bīn, gū-bé ñg lâi-bīn. ²⁶Tāng-hái kàu chit pa-chiúⁿ ê khoah; i ê kīⁿ chhin-chhiūⁿ poe ê kíⁿ, chhin-chhiūⁿ pek-háp-hoe; thang toé nng-chheng pà-ték. ²⁷I ēng tâng chhòng chấp ê chō; múi-chō tng sī-tiú, khoah sī-tiú, koàiⁿ saⁿ-tiú. ²⁸Ták ê chō ê khoán-sit sī án-ni; lóng

ū kek-tó; i ê tó· tī kak ê só·chāi saⁿ-chiap. ²⁹Tī i ê kak saⁿ-chiap ê só·chāi, tó· ê téng-bīn, ū sai, kap gū, kap ki-lō·peng; tī kak saⁿ-chiap ê só·chāi ê téng-bīn, ū sió-chō; sai kap gū ê ē-bīn, ū sūi kó·chīⁿ-thang ê chhiu. ³⁰Ták ê chō ū sī ê tâng-lūn, kap tâng ê ték-sim; i ê sī-kha kok ū kè; kè chū tī phūn ê ē-bīn; ták-ê piⁿ-á ū kó·chīⁿ-thang ê chhiu. ³¹I ê chhui tī táu ê lâi-bīn ñg-téng chit-tiú; i ê chhui sī ĩⁿ-ê, chhin-chhiūⁿ sió-chō ê khoán-sit, chit-tiú-poàⁿ; tī i ê chhui ū tiau-khek; i ê tó· sī sū-hong ê, m̄-sī ĩⁿ-ê. ³²Sī ê lūn tī tó· ê ē-bīn; lūn ê ték-sim kap chō saⁿ-liān; ták ê lūn koàiⁿ chit-tiú-poàⁿ. ³³Lūn ê khoán, chhin-chhiūⁿ chhia-lūn ê khoán; i ê ték-sim, i ê goā-khoân, i ê chí, i ê lâi-khoân, lóng sī chū--ê. ³⁴Chō ê sī-kak ū sī ê kè, kè kap chō liān-choè chit-ê. ³⁵Chō ê téng-bīn ū ĩⁿ ê iān, koàiⁿ poàⁿ-tiú; chō ê téng-bīn ū i ê thuh, kap i ê tó·, lóng kap chō liān-choè chit-ê; ³⁶i ê thuh ê pán, kap i ê tó· ê téng-bīn, i khek ki-lō·peng, kap sai, kap chō-chhiū, chiàu i ê khàng-úi; sī-úi ū kat kó·chīⁿ-thang ê chhiu. ³⁷I chiàu án-ni chhòng chấp ê chō; in ê chū-hoat, chhūn-chhiōh, khoán-sit, lóng saⁿ-tāng. ³⁸Koh chō tâng-phūn chấp ê, múi-phūn thang toé sī-cháp pà-ték; ták ê phūn tit-kèng sī-tiú; chấp ê chō ê téng-bīn, ták ê chō hē chit ê phūn. ³⁹Hiah ê chō, gō· ê hē tī tiān ê chiāⁿ-pēng, gō·-ê hē tī tiān ê tò-pēng; koh ēng tâng-hái hē tī tiān ê chiāⁿ-pēng, tī tang--sī ê lâm-pēng. ⁴⁰Hō·lân koh chhòng phūn, thuh-á, kap poàⁿ. Tui án-ni, Hō·lân ūi-tiōh Sók-lô-bûn ông choè-oân Iā-hô-hoa tiān it-chhè ê kang; ⁴¹chiū-sī nng ki thiâu, kap thiâu-téng ê thiâu-táu ê nng liáp kiū, í-kíp khām tī thiâu-téng thiâu-táu ê kiū nng ê bāng; ⁴²úi-tiōh nng ê bāng choè sī-pah liáp siáh-liū, lâi khām thiâu-téng thiâu-táu ê

nng liáp kiú; ⁴³cháp ê chō, kap chō-téng chap ê phún; ⁴⁴tāng-hái chít-ê, kap tāng-hái ē-bīn chap-jī chiah gū, phún, thuh-á, poāⁿ; chiah-ê it-chhè lóng sī Hō-lân ūi Sók-lô-būn ông choē Iā-hô-hoa tiān ê khi-kū, lóng ēng kng-bēng ê tāng lái choē ê. ⁴⁶Ông tī Iok-tàn ê pīⁿ-iūⁿ, tī So-kat kap Sat-lah-tàn ê tióng-kan, tī liām-thō ê toē chū-chiāⁿ-ê. ⁴⁷Chiah ê it-chhè ê khi-kū Sók-lô-būn lóng bô kè chhìn, in-ūi kék-kī choē, tāng ê khin-tāng iā boē-tit-thang chai. ⁴⁸Sók-lô-būn iā choē Iā-hô-hoa tiān-lāi it-chhè ê khi-kū, chiū-sī kim-toāⁿ, kap pāi-liát-piāⁿ ê toh, ēng kim choē--ê; ⁴⁹āu-tiān ê thau-chēng ê teng-tāi, chiāⁿ-pēng gō-ê, tò-pēng gō-ê, lóng ēng hó-kim choē--ê; i ê hoe, i ê teng, i ê khiⁿ, ēng kim choē--ê; ⁵⁰i ê poe, i ê chiān-to, i ê oāⁿ, i ê sī, i ê hé-tiāⁿ, sī ēng hó-kim choē--ê; koh ū mng-khū, chiū-sī āu-tiān, Chì-sèng-sók ê mng-khū, kap hit ê chhū, chēng-tiān ê mng-khū, lóng ēng kim choē--ê. ⁵¹Ān-ni, Sók-lô-būn ông choē-oān Iā-hô-hoa tiān it-chhè ê kàng.

Sók-lô-būn chiong i ê lāu-pē Tāi-pit só hiàn ê mih, toà jlp-khì, gūn, kim, kap khi-kū, hē tī Iā-hô-hoa tiān ê hú-khò.

8 Hit-sī Sók-lô-būn chū-chíp Í-sek-liát ê tióng-ló, kap tak chi-phài ê siú-léng, í-klp Í-sek-liát lāng hiah ê chók-tiúⁿ, kàu Iā-lō-sat-léng Sók-lô-būn ông hia, beh chiong Iā-hô-hoa ê iok-kūi, tui Tāi-pit siāⁿ, chiū-sī Sek-an, ūn-chiūⁿ-lāi. ²Í-tha-liām gēh, chiū-sī chhit-gēh, ê choeh-kī, Í-sek-liát lāng lóng chū-chíp kàu Sók-lô-būn ông hia. ³Í-sek-liát ê tióng-ló lóng lái, hiah ê chē-si kng iok-kūi. ⁴In chiū kng Iā-hô-hoa ê kūi, kap hoē-bō, í-klp Pò-pīⁿ-lāi it-chhè sèng ê khi-kū chiūⁿ-lāi; chē-si kap Lī-bī lāng lóng kng i chiūⁿ-lāi. ⁵Sók-lô-būn ông kap chū-chíp kàu i hia Í-sek-liát ê choān-hoē tī iok-kūi chēng hiàn iūⁿ, gū, choē chē-sū, choē

kàu boē-sng-tit, iā sng-boē-liáu. ⁶Chē-si kng Iā-hô-hoa ê iok-kūi kàu i ê só-chāi, jlp hit keng chhū ê āu-tiān, kàu Chì-sèng-sók, hē tī ki-lō-peng ê sít-ē. ⁷In-ūi ki-lō-peng thí-khui in ê sít, tī kūi ê só-chāi ê téng-bīn; koh ki-lō-peng tī hí téng-bīn jia-khām kūi, kap i ê kng. ⁸Hiah ê kng chin-tng, kng-bé tī āu-tiān-chēng ê Sèng-sók thang khoāⁿ-kìⁿ, tī goā-bīn chiū boē khoāⁿ-kìⁿ; kàu kin-á-jit iáu tī-hia. ⁹Kūi-lāi chí-ū nng tè chiōh-pi, chiū-sī Í-sek-liát lāng chhut Ai-klp toē, Iā-hô-hoa kap in lip-iok ê sī, Mō-se tī Hō-liát soaⁿ só hē--ê; che í-goā bô pát-hāng mih. ¹⁰Tng chē-si tui sèng-sók chhut-lāi ê sī, ū hūn chhiong-moá Iā-hô-hoa ê tiān; ¹¹tī-kàu chē-si ūi-tiōh hūn ê iān-kò boē-oē-khiā--teh hòk-sāi; in-ūi Iā-hô-hoa ê ēng-kng chhiong-moá Iā-hô-hoa ê tiān.

¹²Hit-sī Sók-lô-būn kóng, Iā-hô-hoa bat kóng I beh tiām tī o-o àm-àm ê só-chāi. ¹³Goá í-keng khí chit keng tiān hō Lí khiā-khí, choē Lí éng-oān toà ê só-chāi. ¹⁴Ông oát-túg i ê bīn chiok-hok Í-sek-liát hoē-chiōng; Í-sek-liát hoē chiōng lóng khiā-khí-lāi. ¹⁵I kóng; Iā-hô-hoa Í-sek-liát ê Siōng-tè sī eng-kai o-ló ê, in-ūi I chhin-chhiū èng-giām i, kóng, ¹⁶Tui Goá chhoā Goá ê peh-siⁿ Í-sek-liát chhut Ai-klp í-lāi, Goá bē-bat tī Í-sek-liát chēng chi-phài-tiōng keng chit ê siāⁿ, khí tiān hō Goá ê miā tī-hia; tók-tók keng Tāi-pit tī lí Goá ê peh-siⁿ Í-sek-liát. ¹⁷Goá ê pē Tāi-pit sim-lāi ū ì-sù, beh ūi Iā-hô-hoa Í-sek-liát ê Siōng-tè ê miā khí tiān. ¹⁸Chóng-sī Iā-hô-hoa tui goá ê pē Tāi-pit kóng, Lí ê sim ū ì-sù beh ūi Goá ê miā khí tiān, lí chit ê ì-sù chin hó; tók-tók lí m-thang khí tiān; lí só chhin-siⁿ ê kiáⁿ beh ūi Goá ê miā khí tiān. ²⁰Taⁿ Iā-hô-hoa èng-giām I só kóng ê oē; goá chiàu

Iâ-hô-hoa ê oē khí-lâi soà-chiap goá ê pē Tâi-pit, chē Í-sek-liát ê kok-ūi; koh ūi Iâ-hô-hoa Í-sek-liát Siōng-tè ê miâ khí tiān. ²¹Goá iā tī-hia ūi iok-kūi pī-pān chit só·chāi, kūi-lâi ū Iâ-hô-hoa ê iok, chiū-sī I chhoā lán ê liát-chó·chhut Ai-klp ê sī, kap in só·líp ê iok.

²²Só·lô-bún tng Í-sek-liát hoē-chiòng ê bīn-chêng, khiā tī Iâ-hô-hoa ê toān-chêng, kiáh-khí chhiú òng thiⁿ, kóng, ²³Iâ-hô-hoa Í-sek-liát ê Siōng-tè ah, tī thiⁿ-têng, tī toē-ē, bô ū Siōng-tè chhin-chhiūⁿ Lí siú-iok kiāⁿ jīn-ài tī Lí hiah ê lô·pók, chiū-sī chīn-sim kiāⁿ tī Lí ê bīn-chêng ê. ²⁴Lí tui Lí ê lô·pók goá ê pē Tâi-pit só·êng-ún ê, Lí ū siú i; Lí chhin-chhiūi kóng ê, chhin-chhiú êng-giām i, chiàu kin-á-jit ê khoán. ²⁵Iâ-hô-hoa Í-sek-liát ê Siōng-tè ah, Lí só·êng-ún Lí ê lô·pók goá ê pē Tâi-pit kóng, Lí ê kiāⁿ-sun nā kín-sīn in ê só·choē, kiāⁿ tī Goá ê bīn-chêng, chhin-chhiūⁿ lí kiāⁿ tī Goá ê bīn-chêng, chiū siók tī lí-ê beh tī Goá ê bīn-chêng chē Í-sek-liát ê kok-ūi éng bô tng; taⁿ kiū Lí êng-giām i. ²⁶Í-sek-liát ê Siōng-tè ah, Lí tui Lí ê lô·pók goá ê pē Tâi-pit só·kóng ê, kiū Lí hō· i chiāⁿ-choē sīt-sū.

²⁷Siōng-tè chin-chiāⁿ beh khiā-khí toē-chhiūⁿ mah? Khoāⁿ ah, thiⁿ kap chiah ê thiⁿ ê thiⁿ siōng-chhiāⁿ bô kàu-giáh hō· Lí khiā-khí, hô-hòng goá só· khí chit keng tiān ah? ²⁸Iâ-hô-hoa goá ê Siōng-tè ah, goān Lí àⁿ-lòh siàu-liām Lí ê lô·pók ê kī-tó khún-kiū, lâi thiaⁿ Lí ê lô·pók kin-á-jit só· kī-tó tī Lí bīn-chêng ê kiū-kiò kī-tó. ²⁹Goān Lí jlt-mī khoāⁿ-kò· chit ê tiān, chiū-sī Lí só· kóng-khí Goá ê miâ beh tī-hia ê só·chāi, lâi thiaⁿ. Lí ê lô·pók só· beh òng chit só·chāi kī-tó ê kī-tó. ³⁰Lí ê lô·pók kap Lí ê peh-siⁿ Í-sek-liát òng chit só·chāi kī-tó ê sī, goān Lí thiaⁿ in ê kī-kiū; goān Lí tī thiⁿ--nih, Lí khiā-khí ê só·chāi, lâi thiaⁿ in;

Lí thiaⁿ-kìⁿ ê sī, chiū sià-bián.

³¹Lâng nā tek-choē i ê chhù-piⁿ, iā ū lâng ēng chit ê chiū-choā kah i chiū-choā, i nā lâi chit keng tiān, tī Lí ê toān-chêng chiū-choā; ³²kiū Lí tī thiⁿ--nih thiaⁿ lâi pān-lí i, sīm-phoàⁿ Lí chiah ê lô·pók, tēng pháiⁿ-lâng ê choē, chiàu i só·kiāⁿ--ê, pò-èng tī i ê thau-khak; tēng gī-lâng choē-gī, chiàu i ê gī lâi hō· i.

³³Siat-sú Lí ê peh-siⁿ Í-sek-liát, in-ūi tek-choē Lí, chiah thau-su tī tui-ték ê bīn-chêng, in nā kui-òng Lí, jīn Lí ê miâ, koh tī chit keng tiān kī-tó khún-kiū Lí; ³⁴kiū Lí tī thiⁿ--nih thiaⁿ in, lâi sià-bián Lí ê peh-siⁿ Í-sek-liát ê choē, hō· in tò-lâi Lí só· siúⁿ-sù in ê liát-chó· ê toē.

³⁵Siat-sú in tek-choē Lí, tì-kàu thiⁿ koaiⁿ-bát, bô lòh-hō·; Lí hēng-hoat in ê sī, in nā òng chit só·chāi kī-tó, jīn Lí ê miâ, lī-khui in ê choē; ³⁶kiū Lí tī thiⁿ--nih thiaⁿ in, sià-bián Lí ê lô·pók kap Lí ê peh-siⁿ Í-sek-liát ê choē, tī Lí kà-sī in só· tiòh kiāⁿ ê hó-lō· ê sī, koh lòh-hō· tī Lí ê toē, chiū-sī Lí siúⁿ-sù Lí ê peh-siⁿ choē-giáp--ê.

³⁷Chit ê toē nā ū ki-hng, un-ék, ko·-tâ, hiú-noā, chháu-meh, chián-thang, á-sī in ê tui-ték tī in hiah ê siāⁿ ê toē ūi-khùn in, bô-lūn ū sīm-mih chai-ē, sīm-mih phoà-piⁿ; ³⁸hék-sī chit-lâng, hék-sī Lí ê peh-siⁿ Í-sek-liát ê chēng-lâng, ták-ê chai ka-kī sim-lâi ê chai-ē, òng chit keng tiān kiáh-khí chhiú, bô-lūn cháiⁿ-iūⁿ khún-kiū, cháiⁿ-iūⁿ kī-tó; ³⁹goān Lí tī thiⁿ--nih, Lí só· khiā-khí ê só·chāi, lâi thiaⁿ i, lâi sià-bián, lâi si-hēng; Lí chai in ê sim, chiàu in ták-lâng ê kiāⁿ-choē lâi khoán-thāi in, (in-ūi sè-kan ták-lâng ê sim, chí ū Lí chai); ⁴⁰hō· in tī Lí siúⁿ-sù goān liát-chó· ê toē, chit-si-lâng kēng-ūi Lí.

⁴¹Lūn-kàu goā-pang lāng, m̄-sī siók Lí ê peh-sìⁿ Í-sek-liát, i ūi-tiòh Lí ê miâ tùi hng-hng ê só·chāi lāi ê, ⁴²in-ūi in thiaⁿ-kìⁿ Lí ê toā-miâ, toā koân-lêng ê chhiú, chhun-chhut ê chhiú; nā lāi ñg chit ê tiān kî-tó, ⁴³goān Lí tī thiⁿ--nih, Lí khiā-khí ê só·chāi, lāi thiaⁿ in, chiàu goā-pang lāng it-chhè só· tùi Lí kiū-ê lāi kiāⁿ; hō· thiⁿ-ē bān peh-sìⁿ lóng bat Lí ê miâ, keng-ūi Lí, chhin-chhiūⁿ Lí ê peh-sìⁿ Í-sek-liát chit-iūⁿ; koh hō· in chai goá só· khí chit keng tiān sī ēng Lí ê miâ lāi chheng--ê.

⁴⁴Lí ê peh-sìⁿ nā chhut-khì Lí só· chhe in khi ê lô·, kap tùi-ték kau-chiàn, iā ñg Lí só· keng ê siāⁿ, kap goá ūi-tiòh Lí ê miâ só· khí ê tiān, lāi kî-tó Iâ-hô-hoa; ⁴⁵goān Lí tī thiⁿ--nih lāi thiaⁿ in ê kî-tó khún-kiū, lāi kâ in phoàⁿ-toàn.

⁴⁶Lí ê peh-sìⁿ nā tek-choē Lí, (in-ūi bô ū bô hoān-choē ê lāng,) Lí siū-khì in, chiong in kau hō· tùi-ték, tì-kàu tùi-ték liáh in kàu tùi-ték ê toē, hék-sī hng hék-sī kūn; ⁴⁷in nā tī só· liáh--khì ê toē, sim-lāi tò-túg siūⁿ, lāi hoán-hoé; koh tī liáh in ê lāng ê toē, khún-kiū Lí kóng, Goán ū choē, goán ū poē-gék, goán ū choē-pháiⁿ; ⁴⁸in nā tī siū liáh-khì ê toē, chiū-sī tùi-ték liáh in khi ê toē, chhin-sim chhin-seng kui-hók Lí, koh ñg pún-toē, chiū-sī Lí siúⁿ-sù in liát-chó· ê toē, kap Lí só· keng ê siāⁿ, í-kíp goá ūi-tiòh Lí ê miâ só· khí ê tiān, lāi kî-tó Lí; ⁴⁹goān Lí tī thiⁿ--nih, Lí só· khiā-khí ê só·chāi, thiaⁿ in ê kî-tó khún-kiū, kâ in phoàⁿ-toàn; ⁵⁰koh siā-bián Lí ê peh-sìⁿ tek-choē Lí ê, í-kíp in it-chhè tek-choē Lí ê choē-koà, hō· in tit-tiòh lín-bín tī liáh in ê lāng ê bīn-cheng, tì-kàu liáh in ê lāng lín-bín in. ⁵¹In-ūi in sī Lí ê peh-sìⁿ, Lí ê sán-giáp, sī Lí chhoā in chhut Ai-kíp, tùi chù-thih ê lô·-tiong chhut-lāi--ê. ⁵²Goān Lí ê bák-chiu khui

khoàⁿ-kò· Lí ê lô·-pók ê kî-tó, kap Lí ê peh-sìⁿ Í-sek-liát ê kî-tó, lāi thiaⁿ in it-chhè tùi Lí kiū ê. ⁵³Chú Iâ-hô-hoa ah, in-ūi Lí bat tùi toē-chiūⁿ cheng peh-sìⁿ ê tiong-kan hun-piat in, lāi choē Lí ê sán-giáp, sī chiàu Lí chhoā goán ê liát-chó· chhut Ai-kíp ê sī, thok Lí ê lô·-pók Mô·-se só· kóng ê.

⁵⁴Só·-lô·bun tī Iâ-hô-hoa ê toāⁿ-cheng khatâu-u kúi--teh, chhiú chhun ñg thiⁿ, só· tùi Iâ-hô-hoa kî-tó khún-kiū-ê í-keng kî-tó beng-pék, chiū khí-lāi; ⁵⁵i chiū khiā-teh, toā-siaⁿ chiok-hok Í-sek-liát choān hoē-chiong, kóng, ⁵⁶Iâ-hô-hoa sī eng-kai tiòh o-lô--ê, in-ūi I it-chhè só· eng-ún--ê, siúⁿ-sù peng-an hō· I ê peh-sìⁿ Í-sek-liát, kîⁿ-nā thok I ê lô·-pók Mô·-se só· eng-ún ê hó-oē, bô chit-kù lók-khong. ⁵⁷Goān Iâ-hô-hoa lán ê Siōng-tè kap lán tī-teh, chhin-chhiūⁿ I kap lán ê liát-chó· tī-teh chit-iūⁿ; goān I bô lī-khui lán, bô pàng-sak lán; ⁵⁸hō· lán ê sim kui-ñg I, lāi kiāⁿ I it-chhè ê tō-lô·, siú I só· beng-leng lán ê liát-chó· ê kài-beng, I ê lút-lē, I ê hoat-tō·. ⁵⁹Goá taⁿ tī Iâ-hô-hoa ê bīn-cheng só· kî-kiū chiaⁿ ê oē, goān chiaⁿ ê oē jlt-mī kūn tī lán ê Siōng-tè Iâ-hô-hoa; koh jlt-jlt chiàu tai-chi só· háp-gi--ê ūi I ê lô·-pók phoàⁿ-toàn, kap I ê peh-sìⁿ Í-sek-liát phoàⁿ-toàn. ⁶⁰Hō· toē-chiūⁿ bān peh-sìⁿ chai Iâ-hô-hoa sī Siōng-tè, I í-goā bô pát-ê. ⁶¹Só·-í lín ê sim tiòh sūn-choān ñg Iâ-hô-hoa lán ê Siōng-tè, chun-thàn I ê lút-lē, siú I ê kài-beng, chhin-chhiūⁿ kin-á-jlt ê khoán.

⁶²Ông kap Í-sek-liát cheng peh-sìⁿ saⁿ-kap tī Iâ-hô-hoa ê bīn-cheng hiàn-chè. ⁶³Só·-lô·bun hiàn siā-un ê chè, chiū-sī hiàn hō· Iâ-hô-hoa ê, gū nng-bān nng-chheng chiaⁿ, iūⁿ chấp-jī-bān chiaⁿ. Án-ni, ông kap Í-sek-liát cheng peh-sìⁿ, ūi Iâ-hô-hoa ê tiān kiāⁿ hiàn-tiān ê lé. ⁶⁴Tng hit-jlt, ông hun-piat Iâ-hô-

hoa tiān-chêng īⁿ-tiong ê só·-chāi, tī-hia hiàn sio-chè, sò·-chè, kap siā-un-chè ê iū, in-ūi Iā-hô-hoa thâu-chêng ê tâng-toāⁿ siu-soè, boē iông-ún-tit hiah ê sio-chè, sò·-chè, kap siā-un-chè ê iū. ⁶⁵Hit-sī Sók·lô-bûn kap Í-sek-liát chêng-lâng, chiū-sī tùi Hap-má ê lô·-kháu kàu Ai-kíp ê khoe, lóng kap i chū-chíp choè toā-hoē, tī Iā-hô-hoa lán Siōng-tè ê bīn-chêng siú choeh-iân chhit-jit, koh chhit-jit, kiōng chấp-sì jit. ⁶⁶Tē-poeh jit ông chhe peh-siⁿ khi; in chiū ká ông chiok-hok; in-ūi Iā-hô-hoa tùi I ê lô·pók Tāi-pit kap I ê peh-siⁿ Í-sek-liát só· si-chhut it-chhè ê un-hūi, chiū hoaⁿ-hí, sim-lāi khoài-lók, ták-ê tò-khi in ê pò·-pīⁿ.

9 Sók·lô-bûn í-keng khí Iā-hô-hoa ê tiān, kap ông-kiong, kap Sók·lô-bûn it-chhè só· ài choè ê, lóng bêng-pék. ²Iā-hô-hoa tē-jī pái tùi Sók·lô-bûn hián-hiān, chhin-chhiūⁿ chêng tī Ki-piàn tùi i hián-hiān chit-iūⁿ. ³Iā-hô-hoa tùi i kóng, Lí tī Goá ê bīn-chêng só· kí-tó khún-kiū ê, Goá lóng ū thiaⁿ-kìⁿ; Goá í-keng chiong Lí só· khí chit keng tiān hun-piat choè-sèng, hō· Goá ê miā éng-oán tī-hia; Goá ê bák-chiu, Goá ê sim iā beh siōng-siōng tī-hia. ⁴Lūn-kàu lí, nā sèng-sit sim, koh chêng-tit kiāⁿ tī Goá ê bīn-chêng, chhin-chhiūⁿ lí ê pē Tāi-pit só·-kiāⁿ--ê, chun-thàn Goá it-chhè só· bēng-lēng lí ê, chip-siú Goá ê lút-lē, Goá ê hoat-tō·, ⁵Goá chiū beh kian-kò· lí ê kok-ūi tī Í-sek-liát tiong, kàu éng-oán; chhin-chhiūⁿ Goá èng-ún lí ê pē Tāi-pit kóng, Lí ê hō·-è chē Í-sek-liát ê kok-ūi, éng bô tng. ⁶Siat-sú lín, á-sī lín ê kiáⁿ-sun, oát-túg bô tē Goá, bô siú Goá siúⁿ-sù lín ê kài-bēng, lút-lē, khi hók-sāi pát ê siōng-tè, lāi kèng-pài i; ⁷goá chiū beh tùi Goá siúⁿ-sù in ê toē chián-tū Í-sek-liát; koh Goá ūi ka-kī ê miā só· hun-piat choè-sèng chit keng tiān, iā beh tùi Goá ê bīn-chêng

khi-sak i; hō· Í-sek-liát lāng tī bān-kok-tiong choè oē-piⁿ, siū ki-chhi. ⁸chit keng tiān sui-jian chin-koaiⁿ, chiong-lāi keng-kè ê lāng beh gōng-ngiāh thí-chhiò, kóng, Iā-hô-hoa siáⁿ-sū án-ni khoán-thāi chit ê toē, chit keng tiān ah? ⁹Chiū beh in kóng, Sī in-ūi in khi-sak Iā-hô-hoa in ê Siōng-tè, chiū-sī choā in ê liát-chó· chhut Ai-kíp toē ê, khi kiát-liân pát ê siōng-tè, hók-sāi kèng-pài i; só·-í Iā-hô-hoa hō· che it-chhè ê chai-ē līm-kàu in.

¹⁰Kàu jī-cháp nī bé, chiū-sī Sók·lô-bûn khí Iā-hô-hoa ê tiān kap ông-kiong chí nng keng chhū oân-kang ê sī, ¹¹Sók·lô-bûn ông chiū chiong Ka-lī-lī toē jī-cháp ê siāⁿ hō· Hi-lân; sī Chhui-lô ông Hi-lân bat chiàu Sók·lô-bûn it-chhè só· ài ê, ēng pek-hiuⁿ-chhā, siōng-chhā, kap kim hō· i. ¹²Hi-lân tùi Chhui-lô chhut-lāi, khoàⁿ Sók·lô-bûn só· hō· i ê siāⁿ, khoàⁿ-liáu bô kah-i; ¹³chiū kóng, Goá ê hiaⁿ ah, lí só· hō· goá hiah ê siāⁿ sī sím-mih? I chiū kiò i Ka-pō·lèk ê toē, kàu kin-á-jit. ¹⁴Hi-lân chiū kià kim chit-pah jī-cháp tha-liân-tek hō· ông.

¹⁵Sók·lô-bûn ông phải lāng kang ê in-toaⁿ chiū-sī án-ni, sī beh khí Iā-hô-hoa ê tiān, ka-kī ê ông-kiong, kap Bí-lô, Iā-lô·sat-léng ê siāⁿ-chhiūⁿ, kap Hā-só, Bí-kiat-to, kap Ki-sek. ¹⁶Chêng Ai-kíp ông Hoat-ló chiūⁿ lāi chhú Ki-sek, ēng hé sio i, thāi-sí siāⁿ-lāi khiā-khi ê Ka-lâm lāng, chiong siāⁿ hō· i ê cha-bók-kiáⁿ, Sók·lô-bûn ê bó·, choè kè-chng. ¹⁷Sók·lô-bûn khí Ki-sek, kap ē-bīn ê Pek-hô-lūn; kap Pa-láh, kap kok-lāi không-iá--nih ê Tát-bók; ¹⁹kap Sók·lô-bûn só· ū hú-khò· ê siāⁿ, kap hē chhia ê siāⁿ, kap bé-peng ê siāⁿ, kap Sók·lô-bûn tī Iā-lô·sat-léng, tī Lī-pa-lūn, kap tī i só· tī-lí ê choân-toē, ūi ka-kī ê khoài-lók só· ài khí--ê, lóng khí i. ²⁰Lūn-kàu só· chhun ê peh-siⁿ, A-mô·lī lāng, Hek lāng, Pí-lī-sé lāng,

Hi-bī lāng, Iā-pò·su lāng, m̄-sī siók Í-sek-liát ê; ²¹chiū-sī tī chit toē-hng in só· chhun ê hō·-è, Í-sek-liát lāng boē-oē it-chhīn biát--ê, Só·lô-būn phài in choè khó·kang, kàu kin-á-jit. ²²Chóng-sī Í-sek-liát lāng, Só·lô-būn bô hō· in choè lô·pók; sī choè i ê chiàn-sū, jîn-sîn, siú-léng, kun-tiúⁿ, chhia-tiúⁿ, bé-peng-tiúⁿ.

²³Só·lô-būn tok-kang ê thâu-lāng, kiōng gō·pah gō·cháp lāng; in koán-lí choè-kang ê peh-sìⁿ.

²⁴Hoat-ló ê cha-bó·kiáⁿ tùi Tāi-pit ê siāⁿ chiūⁿ-khì Só·lô-būn só· kā i khí ê chhū. Hit-sī Só·lô-būn khí Bí-lô.

²⁵Só·lô-būn ták-nī saⁿ-pái tī i kā Iā-hô-hoa só· khí ê toāⁿ hiàn sio-chè, kap siā-un chè; koh tī Iā-hô-hoa ê bīn-chēng sio-hiūⁿ tī toāⁿ-téng. Tùi án-ni i khí tiān ê kang bēng-pék.

²⁶Só·lô-būn ông tī Í-tong toē, Âng-hái piⁿ, oá-kūn Í-lók ê Í-sūn-ka-piát chō chit-tīn ê chūn-chiah. ²⁷Hi-lân chhe i ê lô·pók, chiū-sī chai-iaⁿ kè-hái ê kiāⁿ-chūn lāng, kap Só·lô-būn ê lô·pók siāng-chūn khì. ²⁸In kàu Gô-hui, tùi hia tit-tiōh sì-pah jī-cháp tha-liân-tek ê kim, ūn kàu Só·lô-būn ông hia.

10 Sī-pa ê lú-ông thiaⁿ-kìⁿ Só·lô-būn ê miā-siaⁿ, ūi-tiōh Iā-hô-hoa ê miā só· tit-tiōh ê, chiū lāi beh ēng oh-tit koé-bēng ê sū chhī i. ²I kàu Iā-lō·sat-léng, tè i ê lāng chin-choē; ū lók-tô chàl hiūⁿ-liāu, kap ng-kim chin-choē; iā ū pó-chiōh; i kìⁿ Só·lô-būn ê sī, chiū chiong sim-lāi it-chhè só· chūn--ê, kap i kóng. ³Só·lô-būn chiàu i só· m̄ng-ê lóng in i; bô chit-hāng ông boē hiáu-tit thang kā i kóng. ⁴Sī-pa lú-ông khoàⁿ-kìⁿ Só·lô-būn it-chhè ê tì-hūi, kap i só· khí ê chhū; ⁵toh-téng ê chiāh-mih, jîn-sîn pāi-liát teh-chē, lô·pók kun-sūi hók-sāi, í-kíp in ê i-hók, kap i ê chiú-chèng, koh khoàⁿ-kìⁿ i chiūⁿ Iā-hô-hoa tiān ê kiā-á, chiū

hūn put-hū-thé. ⁶I chiū tùi ông kóng, Goá tī pún-kok thiaⁿ-kìⁿ lí ê tāi-chì, kap lí ê tì-hūi, lóng sī chin-sit. ⁷Chóng-sī goá m̄-sin hiah ê oē, kàu goá lāi chhin-bák khoàⁿ-kìⁿ, chiaⁿ chai; lāng só· kā goá kóng ê, iáu bô chit-poàⁿ; lí ê tì-hūi kap lí ê heng-thong iāⁿ-kè goá só· thiaⁿ-kìⁿ ê miā-siaⁿ. ⁸Hok-khì ah, lí ê lāng, hok-khì ah, lí ê lô·pók, siōng-siōng khiā tī lí ê bīn-chēng, thiaⁿ lí ê tì-hūi. ⁹Iā-hô-hoa lí ê Siōng-tè sī eng-kai o-ló ê; I hoaⁿ-hí lí, hō· lí chē Í-sek-liát ê kok-ūi; in-ūi Iā-hô-hoa éng-oán thiāⁿ Í-sek-liát, só·-í siat-líp lí choè ông, hō· lí péng-kong kiāⁿ-gī. ¹⁰I ēng chit-pah tha-liân-tek ê kim, kap choē-choē ê hiūⁿ-liāu, kap pó-chiōh, sàng ông; í-āu só· lāi ê hiūⁿ-liāu, m̄-bat koh chhin-chhiūⁿ Sī-pa lú-ông sàng Só·lô-būn ông ê hiah-choē.

¹¹Hi-lân ê chūn-chiah tùi Gô-hui toà kim lāi-ê, koh tùi Gô-hui toà choē-choē toāⁿ-hiūⁿ-chhā, kap pó-chiōh lāi. ¹²Ông ēng toāⁿ-hiūⁿ-chhā, ūi Iā-hô-hoa ê tiān kap ông-kiong, choē lān-kan; koh ūi chhiūⁿ-koa ê lāng choē khim sek; í-āu m̄-bat koh ū hit hō toāⁿ-hiūⁿ-chhā lāi, iā bô lāng khoàⁿ-kìⁿ, tit-kàu kin-á-jit.

¹³Só·lô-būn chiàu ông ê lé, ēng mih sàng Sī-pa ê lú-ông; í-goā koh ēng lú-ông kìⁿ só· ài, kìⁿ só· kiū--ê, sàng i. Tùi án-ni i kap i ê jîn-sîn tò-túg khì i pún-kok.

¹⁴Só·lô-būn ták-nī só· tit-tiōh ê kim, kiōng lāk-pah lāk-cháp-lāk tha-liân-tek. ¹⁵Í-goā ū iū-lék-ê, kap óng-lāi ê seng-lí lāng, í-kíp cháp-chók chiaⁿ ê ông, kap kok-lāi chiaⁿ ê siú-léng só· lāp ê. ¹⁶Só·lô-būn ông ēng kè-phah ê kim, choē toā-pāi n̄ng-pah bīn; múi-bīn toā-pāi ê kim lāk-pah siā-khek-lék; ¹⁷koh ēng kè-phah ê kim choē pîn-pāi saⁿ-pah bīn, múi-bīn ēng kim saⁿ bī-ná; ông hē i tī Lī-pa-lūn chhiūⁿ-nā ê chhū. ¹⁸Ông koh ēng chhiūⁿ-gê choē chit

ê toā pó-chō, ēng hó-kim an i. ¹⁹Pó-chō ū lăk-chàn ê kiā-á, chō-ūi-the ê téng-bīn sī i̍n ê; siang-pêng ū khò-chhiú, khò-chhiú-pi̍n ū n̄ng chia̍h sai khiā--teh; ²⁰koh ū cháp-jī chia̍h sai, khiā tī lăk chàn kiā-á ê chit-pêng kap hit-pêng; pát-kok lóng bô chè-chō chhin-chhiūⁿ án-ni. ²¹Só·lô-būn ông it-chhè lim ê khi-kū lóng sī kim--ê; Lī-pa-lùn chhiū-nâ ê chhù it-chhè ê khi-kū iā sī hó-kim--ê, lóng bô gūn--ê; Só·lô-būn ê nī-kan lāng khoàⁿ gūn choè bô mih. ²²In-ūi ông ū Tha-si ê chūn-chia̍h chit-tīn, kap Hi-lân ê chūn-chia̍h chit-tīn, saⁿ-kap kè-hái; chia̍h ê Tha-si kui-tīn ê chūn chàl kim, gūn, chhiūⁿ-gê, kâu, khóng-chhiok, saⁿ-nī tò-lai chit-pái.

²³Só·lô-būn ông ê hó-giáh kap tì-hūi iāⁿ-kè thiⁿ-ē liát-ông. ²⁴Thiⁿ-ē ê lāng lóng lai ài kìⁿ Só·lô-būn ê bīn, thiaⁿ i ê tì-hūi, chiū-sī Siōng-tè siúⁿ-sù tī i ê sim ê. ²⁵In Ták-ê toà chìn-kòng ê mih, chiū-sī gūn-khi, kim-khi, i-hók, kun-khi, huiⁿ-liāu, bé, kap lô; ták-nī ū tiāⁿ-tiòh ê lē.

²⁶Só·lô-būn chiū chū-chíp chiàn-chhia, bé-peng; ū chiàn-chhia chit-chheng sì-pah tiuⁿ, bé-peng chit-bān n̄ng-chheng miā; an-tī in tī hiah ê tún-chhia ê siāⁿ, iā kap ông tī Iā-lō-sat-léng. ²⁷Ông tī Iā-lō-sat-léng hō gūn chhin-chhiūⁿ chiòh-thâu, hō pek-huiⁿ-chhâ chhin-chhiūⁿ pīⁿ-iūⁿ ê sng-châi-chhiū, sī in-ūi chin-choē. ²⁸Só·lô-būn ê bé sī tui Ai-kíp toà-lai-ê, sī ông ê seng-lí lāng, chit-tīn chit-tīn, chiàu kè-chiⁿ tit-tiòh ê. ²⁹Tui Ai-kíp chiūⁿ-lai ê chhia, múi-tiuⁿ kè-gūn lăk-pah sià-khek-lék; bé múi-phit chit-pah gō-cháp. Hek-lāng chia̍h ê ông, kap A-lân chia̍h ê ông, lóng tui in keng-chhiú, chiàu án-ni toà--chhut-lai.

11 Só·lô-būn ông tī Hoat-ló ê cha-bó·kiáⁿ í-goā, koh thiāⁿ choē-choē goā-pang

ê cha-bó·gín-ná, chiū-sī Mô·ap, A-būn, Í-tong, Se-tùn, Hek-lāng ê cha-bó·gín-ná. ²Lūn-kàu chia̍h ê liát-kok, Iā-hô-hoa bat hoan-hù Í-sek-liát lāng kóng, Lín m̄-thang khi in hia, in iā m̄-thang lai lín chia, in-ūi in oē hō lín ê sim phian-oai, khi tè in ê siōng-tè; chóng-sī Só·lô-būn loān-ài hiah ê cha-bó·gín-ná, kap in kiat-liān. ³I ū hō-hui chhit-pah, lóng sī kù-chók ê; koh ū pìn-hui saⁿ-pah; chia̍h ê lú-chú iú-hék i ê sim. ⁴In-ūi Só·lô-būn nī-lāu ê sí, i hiah ê bó iú-hék i ê sim, khi tè pát ê siōng-tè; i ê sim bô sūn-choān òng Iā-hô-hoa i ê Siōng-tè, chhin-chhiūⁿ i ê pē Tāi-pit ê sim. ⁵Só·lô-būn khi tè Se-tùn lāng ê lú-sin A-su-tha-liók, kap A-būn lāng khó-òⁿ ê mih, Bí-lék-kong. ⁶Só·lô-būn kiáⁿ Iā-hô-hoa só· khoàⁿ-choè pháiⁿ ê sū, bô choan-sim tè Iā-hô-hoa, chhin-chhiūⁿ i ê lāu-pē Tāi-pit. ⁷Hit-sī Só·lô-būn ūi-tiòh Mô·ap khó-òⁿ ê mih Ki-boát, kap A-būn lāng khó-òⁿ ê mih Mô·lók, tī Iā-lō-sat-léng thau-chêng ê soaⁿ khí soaⁿ-thau-toāⁿ. ⁸Hiah ê goā-pang ê bó lóng sio-huiⁿ chè-sū in ê siōng-tè; i iā ūi-tiòh in chiàu án-ni choè.

⁹Iā-hô-hoa siū-khi Só·lô-būn, in-ūi i ê sim lī-khui Iā-hô-hoa Í-sek-liát ê Siōng-tè, chiū-sī bat n̄ng-pái tui i chhut-hiān; iā lūn-kàu chit ê sū bat bēng-lēng i, m̄-thang tè pát ê siōng-tè. Chóng-sī i bô siú Iā-hô-hoa só· bēng-lēng ê. ¹¹Só·í Iā-hô-hoa tui Só·lô-būn kóng, In-ūi lí í-keng kiáⁿ chit ê sū, bô siú Goá só· bēng-lēng lí siú ê iok, kap Goá ê lút-lē, Goá beh tui lí lai thiah-līh lí ê kok, siúⁿ-sù lí ê lô-pók. ¹²Chóng-sī in-ūi lí ê lāu-pē Tāi-pit ê iān-kò, Goá bô tī lí oáh-teh ê jít kiáⁿ chit ê sū; tók-tók beh tui lí ê kiáⁿ ê chhiú thiah-līh i. ¹³Chóng-sī Goá bô chiong choān-kok thiah-līh, beh toà-tiòh Goá ê lô-pók Tāi-pit, kap Goá só· keng

ê Iâ-lô·sat-léng, iáu lâu chít chi-phài hō· lí ê kiáⁿ.

¹⁴Iâ-hô-hoa heng-khí chít ê tùi-ték kong-kek Sók·lô-bûn, chiū-sī Í-tong lāng Hap-tát, i sī Í-tong ông ê hō·-è. ¹⁵Chêng Tāi-pít phah Í-tong, i ê kun-tiúⁿ Iok-ap chiūⁿ-khì bāi-chòng tīn-bông ê lāng, chiong Í-tong ê ta-po·teng lóng thāi-sí. ¹⁶Iok-ap kap Í-sek-liát cheng-lāng tiām hia lāk-gēh-jit, tit-kàu chiong Í-tong ê ta-po·teng it-chīn chián-tū. ¹⁷Hit-sī Hap-tát iáu sī soè-hàn ê gín-ná. Hap-tát kap i ê lāu-pē jīn-sīn tiong kúi-nā ê Í-tong lāng, cháu-khì Ai-kíp. ¹⁸In tùi Bí-tiān khí-lāi, kàu Pa-lân; tùi Pa-lân toà kúi-nā lāng kap in khi Ai-kíp, kàu Ai-kíp ông Hoat-ló hia. Hoat-ló chiū ēng chhù hō· in, phài tiāⁿ-tiōh ê bí-niū, koh ēng chhân-toē hō· in. ¹⁹Hap-tát tī Hoat-ló ê bīn-cheng toā tit-tiōh un-hūi; Hoat-ló soà ēng i ê bó· ê sió-bē, chiū-sī ông-hō· Tap-pí-lék ê sió-bē, hō· i choè bó·. ²⁰Tap-pí-lék ê sió-bē kā i siⁿ chít ê kiáⁿ, miā kiò Ki-lô·poát; Tap-pí-lék kā i tng-lin tī Hoat-ló ê ông-kiong. Ki-lô·poát kap Hoat-ló ê cheng-kiáⁿ saⁿ-kap tiām tī Hoat-ló ê ông-kiong. ²¹Hap-tát tī Ai-kíp thiaⁿ-kìⁿ Tāi-pít kap i ê liát-chó· saⁿ-kap khùn, kun-tiúⁿ Iok-ap iā í-keng sí. Hap-tát chiū tùi Hoat-ló kóng, Iông-ún goá khi, hō· goá tò-khì pún-kok. ²²Hoat-ló kā i kóng, Lí tī goá chia ū sīm-mih khiām-kheh, lí keng-jian ài beh tò-khì pún-kok ah? I in kóng, Goá bô khiām-kheh sīm-mih; chóng-sī iông-ún goá tò-khì.

²³Siōng-tè koh heng-khí chít ê tùi-ték kong-kek Sók·lô-bûn, chiū-sī Í-lī-a-tāi ê kiáⁿ Lī-sùn, sī tùi i ê chú Sók·pa ông Hap-tāi-tí-siā hia tô-cháu lāi ê. ²⁴Tāi-pít thāi Sók·pa lāng ê sī, Lī-sùn chio-chíp lāng óa i, choè hit-tóng ê thau; khi Tāi-má-sek, tiām tī-hia, tī Tāi-

má-sek choè ông. ²⁵Sók·lô-bûn oah-teh ê sī, Hap-tát choè chai-hāi í-goā, Lī-sùn iā choè Í-sek-liát ê tùi-ték; i oàn-hūn Í-sek-liát; iā choè A-lân lāng ê ông.

²⁶Nī-pat ê kiáⁿ Iâ-lô-phò-àm sī Í-hoat-liân chók, Sé-lī-tát lāng, i sī Sók·lô-bûn ê lô·pók, iā khí-chhiú kong-kek ông; i ê lāu-bú sī chiú-koáⁿ lāng, miā kiò Sé-ló·-a. ²⁷I khí-chhiú kong-kek ông ê iân-kò· chiàu ē-toé só· kì ê; Sók·lô-bûn khí Bí-lô, siu-pó· i ê lāu-pē Tāi-pít siāⁿ ê phòà-khiah. ²⁸Iâ-lô-phò-àm sī toā ióng-sū; Sók·lô-bûn khoàⁿ-kìⁿ chít ê siàu-liân lāng un-khūn, chiū phài i koán-lí Iok-sek ê ke it-chhè ê kang. ²⁹Hit-sī Iâ-lô-phò-àm tùi Iâ-lô·sat-léng chhut-lāi, Sī-lô lāng sian-ti A-hi-ngá tī lō·--nih tú-tiōh i, hit-sī i ū chhēng chít niá sin saⁿ; in nng-lāng tī chhân--nih, í-goā bô pát-lāng. ³⁰A-hi-ngá thēh i só· chhēng ê sin saⁿ, thiah choè cháp-jī tè; kā Iâ-lô-phò-àm kóng, Lí thang thēh cháp tè, in-ūi Iâ-hô-hoa Í-sek-liát ê Siōng-tè án-ni kóng, Khoàⁿ ah, Goá beh tùi Sók·lô-bûn ê chhiú thiah-līh i ê kok, chiong cháp chi-phài hō· lí. ³²Tók-tók in-ūi Goá ê lô·pók Tāi-pít ê iân-kò·, kap Goá tī Í-sek-liát cheng chi-phài tiong só· keng ê Iâ-lô·sat-léng ê iân-kò·, i iáu ū chít chi-phài). ³³In-ūi in khi-sak Goá, khi keng-pài Se-tùn lāng ê siōng-tè A-su-tha-liók, Mô-ap ê siōng-tè Ki-boát, kap A-bûn lāng ê siōng-tè Bí-lék-kong, bô kiáⁿ Goá ê tō-lō·, choè Goá khoàⁿ-choè cheng-tit ê sū, siú Goá ê lút-lē hoat-tō·, chhin-chhiūⁿ i ê lāu-pē Tāi-pít ê só·-choè. ³⁴Chóng-sī Goá bô beh tùi i ê chhiú chhiūⁿ i ê choân-kok, sī beh hō· i chít-si-lāng choè kun-ông, sī in-ūi Goá ê lô·pók Tāi-pít ê iân-kò·, in-ūi i sī Goá só· keng-soán ê, ū siú Goá ê lút-lē kap hoat-tō·. ³⁵Chóng-sī Goá beh tùi i ê kiáⁿ ê chhiú chhiūⁿ i ê kok, ēng

cháp chi-phài hō· lí; ³⁶ēng chít chi-phài hō· i ê kiáⁿ, hō· Goá ê lô·pók Tāi-pít, tī Goá ê bīn-chēng, siōng-siōng ū chít pha teng tī Iâ-lō·sat-léng, chiū-sī Goá só· kéng, thang tī-hia an-tì Goá ê miâ ê siâⁿ. ³⁷Goá beh chhú lí, lí beh choè Í-sek-liát ê ông, chiàu lí ê sim it-chhè só· ài ê lâi koán-lí. ³⁸Lí nā thiaⁿ Goá it-chhè só· bēng-lēng lí ê, kiâⁿ Goá ê tō-lō·, choè Goá khoàⁿ-choè chēng-tít ê sū, siú Goá ê lút-lē hoat-tō·, chhin-chhiūⁿ Goá ê lô·pók Tāi-pít ê só· choè, Goá chiū kap lí tī-teh, ká lí kiàn-líp kian-kò· ê ke, chhin-chhiūⁿ Goá ká Tāi-pít só· kiàn-líp-ê chít-iūⁿ; koh beh chiong Í-sek-liát kau hō· lí. ³⁹In-ūi che goá beh khùn-khó· Tāi-pít ê hō·-è; chóng-sī bô kau éng-oán. ⁴⁰Ūi-tiōh án-ni, Sô·lô-bún ài beh thâi-sí Iâ-lô-phò-àm; Iâ-lô-phò-àm chiū khí-lâi tô-cháu khi Ai-kíp, kau Ai-kíp ông Sī-sat hia; chiū tiàm tī Ai-kíp kau Sô·lô-bún sí.

⁴¹Sô·lô-bún kī-ū ê sū, kìⁿ i só· kiâⁿ ê, kap i ê tì-hui, kiám bô lóng kì tī Sô·lô-bún ê hēng-toān? ⁴²Sô·lô-bún tī Iâ-lô·sat-léng choè Í-sek-liát choân-kok ê ông, kiōng sì-cháp nī. ⁴³Sô·lô-bún kap i ê liát-chó· saⁿ-kap khùn, bāi-chòng tī i ê lāu-pē Tāi-pít ê siâⁿ. I ê kiáⁿ Lô-phò-àm soà-chiap i choè ông.

12 Lô-phò-àm khi Sī-kiàm, in-ūi Í-sek-liát chēng-lāng kau Sī-kiàm, beh siat-líp i choè ông. ²Chēng Nī-pat ê kiáⁿ Iâ-lô-phò-àm siám-pī Sô·lô-bún ông ê bīn, cháu-khi Ai-kíp, tiàm tī-hia. Iâ-lô-phò-àm iáu tī Ai-kíp ê sí, thiaⁿ-kìⁿ chít ê sū. ³In chhe lāng khi kiò i lâi; Iâ-lô-phò-àm chiū kap Í-sek-liát choân-hoē lâi kìⁿ Lô-phò-àm, ká i kóng, ⁴Lí ê lāu-pē hō· goán pē kan-khó· ê taⁿ; lí ê lāu-pē só· hē tī goán ê khó·kang, kap tâng ê taⁿ, kiū lí kiám-khin, goán chiū hók-sāi lí. ⁵Lô-phò-àm ká in kóng, Lín tò-khi, kau tē-saⁿ jít koh lâi kìⁿ goá; peh-

sìⁿ chiū khi. ⁶Lô-phò-àm ê lāu-pē Sô·lô-bún oáh-teh ê sí, ū kun-sui tī i bīn-chēng ê lāu-lāng. Lô-phò-àm ông kap in gī-lūn, kóng, Lín ū sím-mih kè-chhek, goá thang hē-hok chít ê peh-sìⁿ? ⁷In in i kóng, Kin-á-jít lí nā goán choè chiaⁿ ê peh-sìⁿ ê lô·pók, lâi hok-sāi in, ēng hó-oē lâi in in, in chiū éng-oán choè lí ê lô·pók. ⁸Chóng-sī i kù-choát lāu-lāng só· hō· i ê kè-chhek, kap hiah-ê khiā tī i bīn-chēng, kap i pīⁿ-ūn ê siàu-liân lāng, chham-siōng; ⁹ká in kóng, Chit ê peh-sìⁿ ū tui goá kóng, Lí ê lāu-pē hē tī goán ê taⁿ, kiū lí hō· goán khah-khin; taⁿ lín ū sím-mih kè-chhek hō· lán thang hē-hok in? ¹⁰Hiah ê kap i pīⁿ-ūn ê siàu-liân lāng kóng, Chit ê peh-sìⁿ tui lí kóng, Lí ê lāu-pē hō· goán pē tâng ê taⁿ, kiū lí ká goán kiám-khin; lí tiōh án-ni in in kóng, Goá ê bé-cháiⁿ khah-toā goá ê lāu-pē ê io. ¹¹Goá ê lāu-pē hō· lín pē tâng ê taⁿ, goá beh ke-thiⁿ lín ê taⁿ; goá ê lāu-pē ēng pīⁿ kéng-kài lín, goá beh ēng giat-á-thang kéng-kài lín.

¹²Tē-saⁿ jít Iâ-lô-phò-àm kap chēng peh-sìⁿ kau Lô-phò-àm hia. chiàu ông só· bēng-lēng kóng, Tē-saⁿ jít koh lâi goá chia. ¹³Ông ēng pháiⁿ siaⁿ-sàu in peh-sìⁿ, pàng-sak lāu-lāng só· hiàn ê kè-chhek; ¹⁴chiàu siàu-liân lāng ê kè-chhek tui peh-sìⁿ kóng, Goá ê pē hō· lín pē tâng ê taⁿ, goá beh ke-thiⁿ lín ê taⁿ; goá ê pē ēng pīⁿ kéng-kài lín, goá beh ēng giat-á-thang kéng-kài lín. ¹⁵Ông bô thiaⁿ-thàn peh-sìⁿ; in-ūi chit ê tãi-chì sī chhut tī Iâ-hô-hoa, sī beh èng-giām Iâ-hô-hoa thok Sī-lô lāng A-hi-ngá tui Nī-pat ê kiáⁿ Iâ-lô-phò-àm só· kóng ê oē.

¹⁶Í-sek-liát chēng peh-sìⁿ khoàⁿ-kìⁿ ông bô thiaⁿ-thàn in, peh-sìⁿ chiū tui ông kóng, Goán tī Tāi-pít ū sím-mih hūn-giáh ah? goán kap Iâ-se ê kiáⁿ bô kan-siáp; Í-sek-liát ah, tò-khi lín ê pò·pīⁿ; Tāi-pít ah, tiōh kò· lí ka-kī ê

chhù. Tùi án-ni Í-sek-liát tò-khì in ê pò·pīⁿ.
¹⁷Chóng-sī khiā-khí Iû-tāi chiah ê siāⁿ ê Í-sek-liát lāng, Lô-phò-àm iû-goân choè in ê ông.
¹⁸Lô-phò-àm ông chhe koán-lí choè-khó·kang ê lāng A-to-lân khi; Í-sek-liát cheng-lāng chiū ēng chiòh-thâu tìm-sí i. Lô-phò-àm ông chiū koáⁿ-kín chiūⁿ chhia, beh cháu-khì Iâ-lô·sat-léng.
¹⁹Tùi án-ni Í-sek-liát hoán-poān Tāi-pit ke, kàu kin-á-jit.
²⁰Í-sek-liát cheng-lāng thiaⁿ-kìⁿ Iâ-lô-phò-àm tò-lâi, chiū chhe lāng chhiáⁿ i kàu hoē-chiòng ê bīn-cheng, siat-lip i choè Í-sek-liát cheng-lāng ê ông. Iû-tāi chi-phài í-goā, bô lāng tè Tāi-pit ê ke.

²¹Lô-phò-àm kàu Iâ-lô·sat-léng ê sī, chiū chū-chip Iû-tāi choān-ke, kap Piān-ngá-bín chi-phài ê lāng, kiōng chap-poeh-bān lāng, lóng sī kè-kéng ê chiān-sū, beh kap Í-sek-liát ke kau-chiān, hō· kok-ūi kok kui tī Sók·lô-būn ê kiáⁿ Lô-phò-àm.
²²Chóng-sī Siōng-tè ê oē līm-kàu Siōng-tè ê lô·pók Sī-má-ngá, kóng,
²³Lí khi kā Sók·lô-būn ê kiáⁿ, Iû-tāi ông Lô-phò-àm, kap Iû-tāi Piān-ngá-bín choān-ke, í-kip kī-ū ê peh-sīⁿ kóng,
²⁴Iâ-hô-hoa án-ni kóng, Lín bôh-tit chiūⁿ--khì, bôh-tit kap lín ê hiaⁿ-tī Í-sek-liát lāng kau-chiān; ták-lāng tò-khì i ê ke; in-ūi chit ê tãi-chì chhut tī Goá. In thiaⁿ Iâ-hô-hoa ê oē, chiū tò-túg-khì, chiàu Iâ-hô-hoa ê oē.

²⁵Iâ-lô-phò-àm tī Í-hoat-liân soaⁿ-toē khí-chō Sī-kiām, chiū tiām tī hit tiong-kan; koh tùi hia chhut-khì, khí Pí-lô·i-lék.
²⁶Iâ-lô-phò-àm sim-lāi kóng, Taⁿ chit ê kok beh kui Tāi-pit ê ke; chit ê peh-sīⁿ nā chiūⁿ-khì Iâ-lô·sat-léng, tī Iâ-hô-hoa ê tiān hiān-chè, chit ê peh-sīⁿ ê sim beh kui in ê chú Iû-tāi ông Lô-phò-àm; in beh thāi-sí goá, iû-goân kui Iû-tāi ông Lô-phò-àm.
²⁸Ông chiū kè-ék, chū-chō nng chiah kim ê gū-á, tùi cheng peh-sīⁿ

kóng, Lín chiūⁿ-khì Iâ-lô·sat-léng, sít-chāi ūi-lân; Í-sek-liát ah, khoàⁿ ah, chiah-ê sī lín ê Siōng-tè, chhoā lín tùi Ai-kip toē chiūⁿ-lâi-ê.
²⁹I hē chit-chiah tī Pek-ték-lī, hē chit-chiah tī Tàn.
³⁰Chit ê tãi-chì chiāⁿ-choè choē; in-ūi peh-sīⁿ khi Tàn, tī hit-chiah ê thâu-cheng pài.
³¹Ông tī soaⁿ-thâu khí biō; tùi peh-sīⁿ tiong bô siók Lī-bī chók-ê, siat-lip i choè chē-si.
³²Iâ-lô-phò-àm tiāⁿ-tiòh poeh-gêh, hit-gêh ê chap-gō·, siat choeh-kí, chhin-chhiūⁿ Iû-tāi ê choeh-kí chit-iūⁿ; tī toāⁿ-téng hiān-chè; tī Pek-ték-lī iā sī án-ni choè, hiān-chè tī i só· chū ê gū-á; koh chiong i só· khí-chō soaⁿ-thâu-toāⁿ ê chē-si, an-tì tī Pek-ték-lī.
³³I tī poeh-gêh chap-gō· jit, chiū-sī i ê sim su-khia só· tiāⁿ-tiòh ê gêh, hiān-chè tī i tī Pek-ték-lī só· khí ê toāⁿ; kā Í-sek-liát lāng siat choeh-kí, hiān-chè tī toāⁿ--nih, koh sio-hiūⁿ.

13 Hit-sī ū chit ê Siōng-tè ê lô·pók, thàn Iâ-hô-hoa ê oē, tùi Iû-tāi lâi kàu Pek-ték-lī; Iâ-lô-phò-àm tú-á khiā tī toāⁿ-piⁿ, beh sio hiūⁿ.
²I thàn Iâ-hô-hoa ê oē, kong-kek hit ê toāⁿ, kiò kóng, Toāⁿ ah, toāⁿ ah, Iâ-hô-hoa án-ni kóng, Khoàⁿ ah, beh ū chit ê kiáⁿ chhut-si tī Tāi-pit ê ke, miā kiò Iok-se-a, i beh chiong soaⁿ-thâu-toāⁿ ê chē-si, chiū-sī tī lí ê téng-bīn sio-hiūⁿ-ê, hiān tī lí ê téng-bīn; in iā beh chiong lāng ê kut-thâu sio tī lí ê téng-bīn.
³Siāng hit-jit i iā chhut chit ê tiāu-thâu, kóng, Khoàⁿ ah, chit ê toāⁿ beh phò-līh, toāⁿ-téng ê hé-hu beh piāⁿ--lòh-khì; chit-ê chiū-sī Iâ-hô-hoa só· kóng ê tiāu-thâu.
⁴Ông thiaⁿ-kìⁿ Siōng-tè ê lô·pók kong-kek Pek-ték-lī ê toāⁿ só· kiò ê oē, Iâ-lô-phò-àm chiū tùi toāⁿ-téng chhun chhiú, kóng, Tiòh liáh i. I só· chhun beh liáh i ê chhiú chiū ko·tâ, boē-oē kiu tò-túg;
⁵toāⁿ chiū phò-līh, toāⁿ-téng ê hé-hu iā piāⁿ--lòh-lâi, chiàu Siōng-tè ê lô·pók thàn

Iâ-hô-hoa ê oē só· chhut ê tiâu-thâu. ⁶Ông ìn Siông-tè ê lô·pók kóng, Chhiáⁿ lí kiû Iâ-hô-hoa lí Siông-tè ê un, thoè goá kî-tó, hō· goá ê chhiú hók-goân. Tùi án-ni, Siông-tè ê lô·pók kî-tó Iâ-hô-hoa, ông ê chhiú chiū hók-goân, chiàu khí-thâu ê khoán. ⁷Ông kâ Siông-tè ê lô·pók kóng, Chhiáⁿ lí kap goá tò-khì goán tau, chiáh tiám-sim; goá iā beh ēng mih sàng lí. ⁸Siông-tè ê lô·pók kâ ông kóng, Lí chiū nā ēng lí ông-kiong ê chit-poàⁿ hō· goá, goá iā m̄ kap lí khi, iā m̄ tī chit só·-chāi chiáh-piáⁿ lim-chúi. ⁹In-ūi Iâ-hô-hoa ê oē án-ni hoan-hù goá kóng, Lí m̄-thang chiáh-piáⁿ, m̄-thang lim-chúi, iā m̄-thang tui lí ê goân-lō· tò-lâi. ¹⁰I chiū tui pát-tiâu lô· khi, bô tui lâi Pek-ték-lī hit-tiâu tò-khì.

¹¹Ū chit ê lâu sian-ti tiàm tī Pek-ték-lī, i ê kiáⁿ kàu, ēng Siông-tè ê lô·pók tng-jit tī Pek-ték-lī só·kiáⁿ-ê kâ i kóng, kap tui ông só· kóng it-chhè ê oē, lóng kâ lâu-pē kóng. ¹²Lâu-pē tui in kóng, I tui toh-lòh chit tiâu lô· khi. In-ūi i ê kiáⁿ bat khoàⁿ-kìⁿ tui Iû-tāi lâi Siông-tè ê lô·pók só· khi ê lô·. ¹³I chiū hoan-hù i ê kiáⁿ kóng, Lín kâ goá pī-pān lū. In pī-pān lū hó, i chiū khiā i; khi jip Siông-tè ê lô·pók, tú-tiòh i chē tī siông-chhiū kha; chiū m̄ng i kóng, Lí sī tui Iû-tāi lâi Siông-tè ê lô·pók á m̄-sī? I kóng, Goá chiū-sī. ¹⁵I chiū kâ i kóng, Chhiáⁿ lí kap goá tò-khì goán tau chiáh-piáⁿ. ¹⁶I chiū kóng, Goá boē-oē kep lí tò-khì, boē-oē jip lí ê ke, iā boē-oē tī chit só·-chāi kap lí chiáh-piáⁿ lim-chúi. ¹⁷In-ūi Iâ-hô-hoa ê oē án-ni kâ goá kóng, Lí tī-hia m̄-thang chiáh piáⁿ, m̄-thang lim-chúi, iā m̄-thang tui lí khi ê lô· tò-lâi. ¹⁸I chiū kâ i kóng, Goá iā sī sian-ti, kap lí chit-iūⁿ; ū thiⁿ-sài ēng Iâ-hô-hoa ê oē kâ goá kóng, Lí chhoā i kap lí tò-khì lí ê chhù, hō· i chiáh-piáⁿ lim-chúi. Che lóng

sī phiàn i. ¹⁹I chiū kap i tò-khì, tī i ê ke chiáh-piáⁿ lim-chúi.

²⁰Nng-lâng chē-toh ê sī, Iâ-hô-hoa ê oē lîm-kàu hit ê chhoā i tò-lâi ê sian-ti. ²¹I chiū kiò hit ê tui Iû-tāi lâi Siông-tè ê lô·pók kóng, Iâ-hô-hoa án-ni kóng, In-ūi lí ūi-poē Iâ-hô-hoa ê oē, bô siú Iâ-hô-hoa lí Siông-tè só· bēng-lēng lí ê bēng-lēng, chiū tò-lâi chiáh-piáⁿ lim-chúi tī I só· hoan-hù lí kóng, Tī-hia m̄-thang chiáh-piáⁿ m̄-thang lim-chúi ê só·-chāi, só·-í lí ê sin-si boē thang jip lí liat-chó· ê bōng. ²³Chiáh-piáⁿ lim-chúi liáu-āu, i chiū kâ i só· toà tò-lâi ê sian-ti pī-pān lū. ²⁴I khi-liáu, tī lô·--nih ū chit chiah sai tú-tiòh chiū kâ-sí i; sin-si pàng tī lô·--nih, lū khiā tī i ê sin-piⁿ sai iā khiā tī i ê sin-si ê sin-piⁿ. ²⁵Ū lêng tui hia keng-kè, khoàⁿ-kìⁿ sin-si pàng tī lô·--nih, sai iā khiā tī sin-si ê piⁿ-thâu, chiū lâi lâu sian-ti só· tiàm ê siáⁿ, kóng-khí chit ê sū. ²⁶Hit ê chhoā i tui lô· tò-lâi ê sian-ti thiaⁿ-kìⁿ chiū kóng, Che sī hit ê Siông-tè ê lô·pók, ūi-khèh Iâ-hô-hoa ê oē--ê, só·-í Iâ-hô-hoa chiong i kau hō· sai; sai peh-thiah i, kâ-sí i, sī chiàu Iâ-hô-hoa tui i kóng ê oē. ²⁷I chiū hoan-hù i ê kiáⁿ kóng, Lín kâ goá pī-pān lū. In chiū pī-pān. ²⁸I khi, khoàⁿ-kìⁿ i ê sin-si pàng tī lô·--nih, lū kap sai khiā tī sin-si ê piⁿ-á, sai bô chiáh sin-si, iā bô peh-thiah lū. ²⁹Sian-ti chiū chhú Siông-tè ê lô·pók ê sin-si, hē tī lū ê téng-bīn, chàì tò-lâi, kàu lâu sian-ti ê siáⁿ, beh thi-khau lâi bài-chòng i. ³⁰Chiū chiong i ê sin-si lâi chòng tī ka-kī ê bōng, lêng chiū thi-khau i, kóng, Ai-ah, goá ê hiaⁿ ah! ³¹Bài-chòng liáu-āu, i chiū kâ i ê kiáⁿ kóng, Goá sí liáu-āu, lín tiòh bài-chòng goá tī Siông-tè ê lô·pók só· bài-chòng ê bōng-lâi, hō· goá ê kut-thâu óá i ê kut-thâu. ³²In-ūi i ēng Iâ-hô-hoa ê oē kiò lâi kong-kek Pek-ték-lī ê toāⁿ, kong-kek Sat-má-lī-a chiah

ê siáⁿ só· ũ ê soaⁿ-thâu-biō, i ê oē tek-khak èng-giām.

³³Chit ê tãi-chì liáu-āu, Iâ-lô-phò-àm iû-goân bô lī-khui i ê pháiⁿ-lō; koh tùi cheng peh-siⁿ-tióng siat-líp soaⁿ-thâu ê chè-si; kìⁿ ài ê, chiū hun-piat i, hō· i choè soaⁿ-thâu ê chè-si. ³⁴Chit ê tãi-chì chiâⁿ-choè Iâ-lô-phò-àm ê ke ê choē, tì-kàu beh tùi toē-chiūⁿ chián-tū i, biát i.

14 Hit-sī Iâ-lô-phò-àm ê kiáⁿ A-pí-ngá phò-ā-pīⁿ; Iâ-lô-phò-àm tùi i ê bó· kóng, Lí khí-lâi kái-chong, hō· lāng m̄-chai lí sī Iâ-lô-phò-àm ê bó·, khi Sī-lô, tī-hia ũ sian-ti A-hi-ngá, i lūn-kàu goá kóng, beh choè chit ê peh-siⁿ ê ông. ³Taⁿ lí ê chhiú tióh toà chấp tē mī-pau, kap kúi-nā tē phò-phò ê piáⁿ, kap chit kan bít, khi kìⁿ i, i beh ká lí kóng, kiáⁿ oē cháiⁿ-iūⁿ. ⁴Iâ-lô-phò-àm ê bó· chiū chiàu án-ni kiáⁿ, khí-lâi khi Sī-lô, lâi kàu A-hi-ngá ê ke; A-hi-ngá in-ūi nī-lāu, bák-chiu chhâ-chhâ boē khoàⁿ-kìⁿ. ⁵Iâ-hô-hoa ká A-hi-ngá kóng, Khoàⁿ ah, Iâ-lô-phò-àm ê bó· lâi, beh ũi-tióh i ê kiáⁿ lâi m̄ng lí, in-ūi i ũ phò-ā-pīⁿ; lí tióh án-ni án-ni ká i kóng; i jlp--lâi ê sī, beh chng-choè pát ê hū-jīm-lāng.

⁶I tú-á jlp m̄ng, A-hi-ngá thiaⁿ-kìⁿ i ê kha-pō· siaⁿ, chiū kóng, Iâ-lô-phò-àm ê bó· ah, jlp-lâi; lí siáⁿ-sū chng-choè pát ê hū-jīm-lāng ah? Goá hōng-chhe pò lí pháiⁿ siau-sit. Lí tò-khi ká Iâ-lô-phò-àm kóng, Iâ-hô-hoa Í-sek-liát ê Siōng-tè án-ni kóng, Goá kì-jian tùi peh-siⁿ-tióng kú-khi lí, siat-líp lí choè Goá ê peh-siⁿ Í-sek-liát ê kun-ông, tùi Tãi-pít ke thiah-līh kok, siúⁿ-sù lí; chóng-sī lí bô chhin-chhiūⁿ Goá ê lô·pók Tãi-pít, chun-siú Goá ê kài-bēng, chit-sim tē Goá, choan-bū kiáⁿ Goá khoàⁿ-choè cheng-tit ê sū. ⁹Lí keng-jian kiáⁿ pháiⁿ iâⁿ-kè it-chhè tī lí í-cheng-ê, in-ūi lí ũi

ka-kī chō pát ê siōng-tè, kap chū ê ngó·-siōng, kek Goá ê siū-khi, khi-sak Goá tī lí ê ka-chiah-āu. ¹⁰In-ūi án-ni Goá beh hō· chai-ē līm-kàu Iâ-lô-phò-àm ê ke, Goá beh chián-tū siók Iâ-lô-phò-àm ê ta-po·-teng, bô-lūn siū khu-sok-ê, á-sī chū-iū-ê; tī Í-sek-liát iā beh it-chīn tū Iâ-lô-phò-àm ê ke, chhin-chhiūⁿ lāng tū pūn-sò, kàu it-chīn liáu. ¹¹Kìⁿ-siók Iâ-lô-phò-àm ê lāng, sí tī siáⁿ-lāi-ê, káu beh chiáh i; sí tī chhân-iá-ê, khong-tiōng ê chiáu beh chiáh i, in-ūi Iâ-hô-hoa í-keng kóng lah. ¹²Taⁿ lí khí-lâi tò-khi lí ê ke; lí ê kha chit-ē jlp siáⁿ, kiáⁿ chiū sí. ¹³Í-sek-liát cheng lāng beh thī-khau i, bái-chòng i, in-ūi siók Iâ-lô-phò-àm ê lāng, chí-ū i tit-tióh jlp bōng; in-ūi tī Iâ-lô-phò-àm ê ke-tiōng, chí-ū i ñg Iâ-hô-hoa Í-sek-liát ê Siōng-tè, hián-chhut hó-sū. ¹⁴Iâ-hô-hoa beh ũi ka-kī heng-khi chit ê ông, koán-lí Í-sek-liát; tī hit-jit I beh chián-tū Iâ-lô-phò-àm ê ke; sīm-mih sī ah? Chit-tiáp chiū-sī. ¹⁵In-ūi Iâ-hô-hoa beh phah Í-sek-liát lāng, chhin-chhiūⁿ chú-tiōng ê lô·úi teh iô chit-iūⁿ; koh beh pūih-chhut Í-sek-liát ê kun tī I só· siúⁿ-sù in liát-chó· ê hó-toē, sī-soàⁿ in tī Toā-hô hit-pēng, in-ūi in chō in ê A-sià-līm, kek Iâ-hô-hoa ê siū-khi. ¹⁶In-ūi Iâ-lô-phò-àm ê choē, chiū-sī i pūn-sin só· hoān ê choē, koh hō· Í-sek-liát lāng hoān-choē, só·-í Iâ-hô-hoa beh khi-sak Í-sek-liát. ¹⁷Iâ-lô-phò-àm ê bó· khí-sin tò-khi kàu Tek-sat; tú-á kàu chhū ê hō·-tēng, kiáⁿ chiū sí. ¹⁸Í-sek-liát cheng-lāng bái-chòng i, ũi i thī-khau, chiàu Iâ-hô-hoa thok I ê lô·pók sian-ti A-hi-ngá só· kóng ê oē.

¹⁹Iâ-lô-phò-àm kī-ū ê sū, i cháiⁿ-iūⁿ kau-chiàn, cháiⁿ-iūⁿ choè ông, lóng siá tī Í-sek-liát liát-ông ê kì-liók. ²⁰Iâ-lô-phò-àm choè ông, kiōng jī-cháp-jī nī, chiū kap i ê liát-chó· saⁿ-kap khùn; i ê kiáⁿ Ná-tap soà-chiap i choè

ông.

²¹Số·lô·bùn ê kiáⁿ Lô-phò·àm tī Iû-tāi choè ông. Lô-phò·àm chē-ūi ê sī, sì-cháp-it hê; tī Iâ-lô·sat-léng, chiū-sī Iâ-hô-hoa tùi Í-sek-liát cheng chi-phài tiong số· kéng an-tì I ê miâ ê siâⁿ, choè ông cháp-chhit nī. I ê lâu-bú miâ-kiò Ná-má; sī A-bùn lāng. ²²Iû-tāi kok kiâⁿ Iâ-hô-hoa số· khoàⁿ-choè pháiⁿ ê sū, tùi i số· kiâⁿ ê choē kek-tōng I thòng-hūn, pí in liát-chó· số· choè koh khah pháiⁿ. ²³In-ūi in tī ták ê koâiⁿ-soaⁿ, ták chāng chhiⁿ-chhiūi ê chhiū-kha, khí toâⁿ, chhòng thiāu-siōng kap A-sià-lim. ²⁴Koh-lāi iā ū loan-tōng; Iâ-hô-hoa tī Í-sek-liát lāng ê bīn-chēng số· koáⁿ-chhut ê liát-kok, in chiū óh hiah ê kok it-chhè khó·òⁿ ê sū lāi kiâⁿ.

²⁵Lô-phò·àm ông gō· nī, Ai-kip ông Sī-sat chiūⁿ-lāi kong-kek Iâ-lô·sat-léng; chhiūⁿ Iâ-hô-hoa tiān ê pó-mih kap ông-kiong ê pó-mih; lóng toà--khì; koh chhiūⁿ Số·lô·bùn số· choè hiah ê kim ê pīn-pāi. ²⁷Lô-phò·àm ông choè tâng ê pīn-pāi lāi thoè i; kau hō· kò·siú ông-kiong m̄ng ê sī-oē-tiúⁿ kò·siú. ²⁸Ông ták-pái jlp Iâ-hô-hoa ê tiān, sī-oē chiū toà chiah ê pīn-pāi, āu-lāi chiū toà tò-túg, lāi hē tī sī-oē ê chhū.

²⁹Lô-phò·àm kī-ū ê sū, kīⁿ i số· kiâⁿ ê, kiám bô-kì tī Iû-tāi liát-ông ê kī-liók mah? ³⁰Lô-phò·àm kap Iâ-lô-phò·àm siōng-siōng kau-chiàn. ³¹Lô-phò·àm kap i ê liát-chó· tâng-khùn, kap i ê liát-chó· chòng tī Tāi-pit ê siâⁿ; i ê lâu-bú miâ-kiò Ná-má, sī A-bùn lāng. Lô-phò·àm ê kiáⁿ A-pí-iáng soà-chiap i choè ông.

15 Nī-pat ê kiáⁿ Iâ-lô-phò·àm ông cháp-poeh nī, A-pí-iáng chē-ūi choè Iû-tāi ông. ²Tī Iâ-lô·sat-léng choè ông saⁿ-nī, i ê lâu-bú miâ-kiò Má-ka, sī Ap-sa-liōng ê cha-bó·kiáⁿ. A-pí-iáng kiâⁿ i ê lâu-pē chiōng-chēng số· kiâⁿ

it-chhè ê choē-ok; i ê sim bô chhin-chhiūⁿ i ê chó· Tāi-pit ê sim, choan-it ñg Iâ-hô-hoa i ê Siōng-tè. ⁴Chóng-sī Iâ-hô-hoa i ê Siōng-tè, in-ūi Tāi-pit ê iân-kò·, hō· i tī Iâ-lô·sat-léng ū chit pha teng, hō· i ê kiáⁿ soà-chiap i ê ūi, koh hō· Iâ-lô·sat-léng kian-kò·. ⁵In-ūi Tāi-pit tū Hek-lāng O·lī-à hit kiâⁿ sū í-goā, lóng sī kiâⁿ Iâ-hô-hoa số· khoàⁿ-choè hó ê, it-seng bô ūi-poē số· bēng-lēng i ê. ⁶Lô-phò·àm kap Iâ-lô-phò·àm it-seng siōng-siōng kau-chiàn. ⁷A-pí-iáng kī-ū ê sū, kīⁿ i số·kiâⁿ-ê, kiám bô kī tī Iû-tāi liát-ông ê kī-liók mah? A-pí-iáng iā ū kap Iâ-lô-phò·àm kau-chiàn. ⁸A-pí-iáng kap i ê liát-chó· tâng-khùn; lāng bài-chòng i tī Tāi-pit ê siâⁿ; i ê kiáⁿ A-sat soà-chiap i choè ông.

⁹Í-sek-liát ông Iâ-lô-phò·àm jī-cháp nī, A-sat khí-thâu choè ông tī Iû-tāi. ¹⁰Tī Iâ-lô·sat-léng choè ông sì-cháp-it nī; i ê má miâ-kiò Má-ka, sī Ap-sa-liōng ê cha-bó·kiáⁿ. ¹¹A-sat kiâⁿ Iâ-hô-hoa số· khoàⁿ-choè hó-ê, chhin-chhiūⁿ i ê chó· Tāi-pit chit-iūⁿ; ¹²tùi kok-lāi tū-khì loan-tōng; koh tū-khì i ê liát-chó· số· choè it-chhè ê ngó·siōng; koh pián i ê má Má-ka thài-hō· ê ūi, in-ūi i ūi A-sià-lāh bat chng khó·òⁿ ê siōng. A-sat chhò i ê siōng, sio i tī Khip-lūn khoe-piⁿ. ¹⁴Tók-tók soaⁿ-thâu-toâⁿ bô hoē--khì; chòng-sī A-sat it-seng choan-it ê sim ñg Iâ-hô-hoa. ¹⁵I chiong i ê lâu-pē số· hun-piat choè-sēng, kap i pún-sin số· hun-piat choè-sēng ê kim, gūn, kap khì-kū, lóng toà kàu Iâ-hô-hoa ê tiān.

¹⁶A-sat kap Í-sek-liát ông Pa-sa it-seng ê jlt siōng-siōng kau-chiàn. ¹⁷Í-sek-liát ông Pa-sa chiūⁿ-lāi kong-kek Iû-tāi, khí Lāh-má, beh chó·-tòng lāng chhut-jlp tī Iû-tāi ông A-sat hia. ¹⁸A-sat chiū chiong Iâ-hô-hoa tiān ê hú-khò·, kap ông-kiong ê hú-khò·, số· chhun ê kim-gūn, lóng kau i ê lô·pók ê chhiū. A-sat

ông chhe in kàu khiā-khí tī Tāi-má-sek ê A-lân ông, Hi-sûn ê sun, Tha-pek-lī-bún ê kiáⁿ, Piān-hap-tát hia, kóng, ¹⁹Goá kap lí ū iok chhin-chhiūⁿ goá ê lâu-pē kap lí ê lâu-pē chit-iūⁿ; taⁿ goá ēng kim-gûn choè lé-mih sàng lí, chhiáⁿ lí khi hoè-bô lí kap Í-sek-liát ông Pa-sa só· líp ê iok, hō· i lī-khui goá. ²⁰Piān-hap-tát thiaⁿ-thàn A-sat ông ê oē, chhe i hiah ê kun-tiūⁿ khi kong-kek Í-sek-liát ê siáⁿ; i chiū kong-phoà Í-lùn, Tàn, A-pek-pek-má-ka, Ki-ni-liát choân-toē, Ná-hut-tha-lī choân-toē. ²¹Pa-sa thiaⁿ-kìⁿ, chiū thêng kang, bô koh khí Láh-má; chiū toà tī Tek-sat. ²²Tùi án-ni, A-sat ông chhut bēng-lēng hō· Iū-tāi cheng-làng, bô chit-làng oē the-tit; in chiū poaⁿ-soá Pa-sa só· ēng lâi khí Láh-má ê chiòh-thâu kap chhâ; A-sat ông ēng i lâi khí Piān-ngá-bín ê Ka-pa kap Bí-su-pa. ²³A-sat kī-ū ê sū, kap i ê lēng-lék, í-kíp i it-chhè ê só·-choè, kap i só· khí ê siáⁿ, kiám bô kì tī Iū-tāi liát-ông ê kì-liók mah? A-sat nī-lâu ê sī, i ê kha ū phoà-pīⁿ. ²⁴A-sat kap i ê liát-chó· tâng-khùn, kap i ê chó· chòng tī i ê chó· Tāi-pit ê siáⁿ; i ê kiáⁿ Iok-sa-hoat soà-chiap i choè ông.

²⁵Iū-tāi ông A-sat jī--nī, Iā-lô-phò-àm ê kiáⁿ Ná-tap khí-thâu choè ông tī Í-sek-liát; i choè ông tī Í-sek-liát nīng-nī. ²⁶Ná-tap kiáⁿ Iā-hô-hoa só· khoàⁿ-choè pháiⁿ ê sū, kiáⁿ i ê lâu-pē ê lō·, kap i ê lâu-pē hō· Í-sek-liát hoān-choē ê choē. ²⁷Í-sat-ka chók A-hi-ngá ê kiáⁿ Pa-sa poē-poān i. Pa-sa phah-sí i tī Hui-lī-sū lāng ê Ki-pí-tùn; hit-sī Ná-tap kap Í-sek-liát cheng-làng ūi-khùn Ki-pí-tùn. ²⁸Iū-tāi ông A-sat saⁿ--nī, Pa-sa phah-sí i, lâi chhoàn i ê ūi. ²⁹I chit-ē choè ông, chiū phah-sí Iā-lô-phò-àm choân-ke, kìⁿ-ū chhoán-khui--ê, bô ká Iā-lô-phò-àm lâu chit-ê, lóng-chóng biát i; sī chiàu Iā-hô-hoa thok I ê lô·-pók Sī-lô lāng A-hi-ngá

só· kóng ê oē. ³⁰Che sī in-ūi Iā-lô-phò-àm só· hoān ê choē, kap i só· hō· Í-sek-liát lāng hoān-choē ê choē; in-ūi i só· kek-tōng-ê, chiū-sī kek-tōng Iā-hô-hoa Í-sek-liát ê Siōng-tè ê siū-khi. ³¹Ná-tap kī-ū ê sū, kìⁿ i só· kiáⁿ ê, kiám bô lóng kì tī Í-sek-liát liát-ông ê kì-liók mah? ³²A-sat kap Í-sek-liát ông Pa-sa it-seng siōng-siōng kau-chiàn.

³³Iū-tāi ông A-sat saⁿ--nī, A-hi-ngá ê kiáⁿ Pa-sa tī Tek-sat chē-ūi choè Í-sek-liát cheng-lāng ê ông, kiōng jī-cháp-si nī. ³⁴I kiáⁿ Iā-hô-hoa só· khoàⁿ-choè pháiⁿ ê sū, kiáⁿ Iā-lô-phò-àm ê lō·, kap i hō· Í-sek-liát lāng hoān-choē ê choē.

16 Iā-hô-hoa ê oē līm-kàu Hap-ná-nī ê kiáⁿ Iā-hō·, kong-kek Pa-sa kóng, ²Goá í-keng tui tīn-ai ê tiōng-kan kú-khí lí, siat-líp lí choè Goá ê peh-siⁿ Í-sek-liát ê jīn-kun, lí keng-jīan kiáⁿ Iā-lô-phò-àm ê lō·, hō· Goá ê peh-siⁿ Í-sek-liát hoān-choē, tui in ê choē kek Goá ê siū-khi. ³Khoàⁿ ah, Goá beh it-chīn tui Pa-sa, kap i ê ke; Goá iā beh hō· lí ê ke chhin-chhiūⁿ Nī-pat ê kiáⁿ Iā-lô-phò-àm ê ke chit-iūⁿ. ⁴Hoān-nā siók Pa-sa ê lāng, sí tī siáⁿ--nih-ê káu beh chiáh i, sí tī chhân-iá-ê, khong-tiōng ê chiáu beh chiáh i. ⁵Pa-sa kī-ū ê sū, kap i só· kiáⁿ ê, í-kíp i ê lēng-lék, kiám bô lóng kì tī Í-sek-liát liát-ông ê kì-liók mah? ⁶Pa-sa kap i ê liát-chó· tâng-khùn, bài-chòng tī Tek-sat; i ê kiáⁿ soà-chiap i choè ông. ⁷Koh Iā-hô-hoa ê oē līm-kàu Hap-ná-nī ê kiáⁿ, sian-ti Iā-hō·, kong-kek Pa-sa, iā kong-kek i ê ke; in-ūi i tī Iā-hô-hoa ê bák-chiu-cheng só· kiáⁿ it-chhè ê pháiⁿ, ēng i ê chhiú ê só·-choè lâi kek I ê siū-khi, chhin-chhiūⁿ Iā-lô-phò-àm ê ke chit-iūⁿ; koh in-ūi i phah-sí i ê choân-ke.

⁸Iū-tāi ông A-sat jī-cháp-lák nī, Pa-sa ê kiáⁿ Í-láh tī Tek-sat chē-ūi choè Í-sek-liát ông,

kiōng n̄ng-n̄i. ⁹Ū koán-lí i ê chiàn-chhia ê chít-poàⁿ ê jîn-sîn Sim-lī poē-poān i, Tng i tī Tek-sat, chiū-sī tī Tek-sat koán-ke A-cháp ê chhù, chiáh chiú-chùi ê sī, ¹⁰Sim-lī chiū jlp-khì phah-sí i, chhoàn i ê ūi; che sī Iū-tāi ông A-sat jī-cháp-chhit nī ê sū. ¹¹Sim-lī khí-thâu choè ông, tng chē-ūi ê sī, chiū thāi Pa-sa choân-ke, bô-lūn chhin-lâng pêng-iú, lóng bô kâ i lâu chít ê ta-po·teng. ¹²Chhin-chhiūⁿ án-ni, Sim-lī biát Pa-sa choân-ke, tú-tú chiàu Iâ-hô-hoa thok sian-ti Iâ-hô· só· kóng kong-kek Pa-sa ê oē. ¹³Che sī in-ūi Pa-sa it-chhè ê choē, kap i ê kiáⁿ Í-láⁿ ê choē, in n̄ng-lâng só· hoân-tiòh ê, iā hō· Í-sek-liát lāng hoân-tiòh, ēng hu-ké ê sū lái kek Iâ-hô-hoa Í-sek-liát ê Siōng-tè ê siū-khì. ¹⁴Í-láⁿ kī-ū ê sū, kīⁿ i só· kiáⁿ ê, kiám bô lóng kì tī Í-sek-liát chiaⁿ ê ông ê kì-liók mah?

¹⁵Iū-tāi ông A-sat jī-cháp-chhit nī, Sim-lī tī Tek-sat choè ông chhit jlt; hit-sī peh-siⁿ tú-á chat-iāⁿ ūi-kong Hui-lī-sū ê Kì-pí-tùn. ¹⁶Tī iāⁿ-tiong ê peh-siⁿ thiaⁿ-kìⁿ kóng, Sim-lī poē-poān, koh thāi-sí ông; só·-í Í-sek-liát cheng-lāng, chiū hit-jlt tī iāⁿ-tiong siat-lip kun-tiúⁿ Àm-lī choè Í-sek-liát ông. ¹⁷Àm-lī kap Í-sek-liát cheng-lāng, tui Kì-pí-tùn chiūⁿ-khì, ūi-khùn Tek-sat. ¹⁸Sim-lī khoàⁿ-kìⁿ siāⁿ í-keng phoà, chiū jlp ông-kiong ê oē-só·, pàng hé sio ông-kiong, ka-kī sí tī lái-bīn. ¹⁹Che sī in-ūi i só· hoân ê choē, sī kiáⁿ Iâ-hô-hoa só· khoàⁿ-choè pháiⁿ ê, kiáⁿ Iâ-lô-phò-àm ê lō·; kiáⁿ i só· hoân ê choē, koh hō· Í-sek-liát lāng hoân-choē. ²⁰Sim-lī kī-ū ê sū, kap i só· kiáⁿ poē-poān ê sū, kiám bô kì tī Í-sek-liát chiaⁿ ê ông ê kì-liók mah?

²¹Hit-sī Í-sek-liát peh-siⁿ hun choè n̄ng-pêng, peh-siⁿ chít-poàⁿ tè Kì-láp ê kiáⁿ Thē-pí-ni, beh siat-lip i choè ông, koh chít-poàⁿ tè

Àm-lī. ²²Chóng-sī tè Àm-lī ê peh-siⁿ iāⁿ-kè tè Kì-láp ê kiáⁿ Thē-pí-ni ê peh-siⁿ; Thē-pí-ni sí, Àm-lī chiū choè ông. ²³Iū-tāi ông A-sat saⁿ-cháp-it nī, Àm-lī chē-ūi choè Í-sek-liát ông, kiōng cháp-jī nī; tī Tek-sat choè ông lāk nī. ²⁴Àm-lī ēng gūn n̄ng tha-liân-tek tui Sat-má boé Sat-má-lī-a soaⁿ, tī soaⁿ-téng khí-chō; chiū chiàu hit ê soaⁿ ê goân-chú Sat-má ê miā, kâ khí ê siāⁿ hō-miā kiò Sat-má-lī-a. ²⁵Àm-lī kiáⁿ Iâ-hô-hoa khoàⁿ-choè pháiⁿ ê sū, pí i í-cheng it-chhè ê ông koh khah pháiⁿ. ²⁶In-ūi i kiáⁿ Nī-pat ê kiáⁿ Iâ-lô-phò-àm ê lō·, kap i hō· Í-sek-liát lāng hoân-choē ê choē, ēng hu-ké ê sū lái kek Iâ-hô-hoa Í-sek-liát ê Siōng-tè ê siū-khì. ²⁷Àm-lī kī-ū só· kiáⁿ ê sū, kap i só· hián-chhut ê lēng-lék, kiám bô kì tī Í-sek-liát chiaⁿ ê ông ê kì-liók mah? ²⁸Àm-lī kap i ê liát-chó· tâng-khùn, bài-chòng tī Sat-má-lī-a; i ê kiáⁿ A-hap soà-chiap i choè ông.

²⁹Iū-tāi ông A-sat saⁿ-cháp-poeh nī, Àm-lī ê kiáⁿ A-hap chē-ūi, choè Í-sek-liát ông; Àm-lī ê kiáⁿ A-hap tī Sat-má-lī-a choè Í-sek-liát ông jī-cháp-jī nī. ³⁰Àm-lī ê kiáⁿ A-hap kiáⁿ Iâ-hô-hoa khoàⁿ-choè pháiⁿ ê sū, pí i í-cheng it-chhè ê ông koh khah pháiⁿ. ³¹I kiáⁿ Nī-pat ê kiáⁿ Iâ-lô-phò-àm ê choē, iáu-kú liáh choè sió-khoá; koh chhoā Se-tùn ông Iat-pa-lék ê cha-bó·-kiáⁿ Iâ-sé-piat choè bó·, khi hók-sāi Pa-lék lái pài i. ³²I tī Sat-má-lī-a só· khí Pa-lék ê biō, tī biō-lāi kâ Pa-lék khí toāⁿ. ³³A-hap koh chō A-sià-láh; A-hap só·-kiáⁿ-ê kek Iâ-hô-hoa Í-sek-liát ê Siōng-tè ê siū-khì, pí i í-cheng ê Í-sek-liát liát-ông koh khah siong-tiōng. ³⁴Tng i chē-ūi ê sī, ū Pek-ték-lī lāng Hi-lék khí Iâ-lī-ko siāⁿ; hē toē-ki ê sī, sí toā-kiáⁿ A-pí-lān, hē-m̄ng ê sī sí soah-bé kiáⁿ Se-kat; tú chiàu Iâ-hô-hoa thok Lùn ê kiáⁿ Iok-su-a só· kóng ê oē.

17 Siók Ki-liát khiā-khí ê peh-siⁿ, Thê-su-pí lāng Í-lī-a, tùi A-hap kóng, Goá kí éng-oáh Iā-hô-hoa Í-sek-liát ê Siōng-tè, chiū-sī goá khiā tī I ê bīn-chēng--ê, lâi kóng, chí kúi-ni, goá nā bô kóng, beh bô lō-chúi, bô hō. ²Iā-hô-hoa ê oē līm-kàu Í-lī-a kóng, ³Lí tiōh lī khui chia, oat tùi tang--sì khi, bih tī Iok-tàn hô ê tang--sì, Ki-líp khoe-piⁿ; ⁴lí beh lim hit ê khoe ê chúi; Goá í-keng bēng-lēng o-a tī-hia kiong-kip lí. ⁵I chiū khi, chiàu Iā-hô-hoa ê oē lâi kiāⁿ; khi tiām tī Iok-tàn tang--sì ê Ki-líp khoe. ⁶Chá-khí sī o-a kā i toà piáⁿ kap bah; ê-hng sī iā toà piáⁿ kap bah; i lim khoe--nih ê chúi. ⁷Āu-lâi khoe-chúi ta; in-tūi hit ê toē-hng bô hō-chúi.

⁸Iā-hô-hoa ê oē līm-kàu i kóng, ⁹Lí khí-lâi khi kàu Se-tùn ê Sat-lék-hoat, khiā-khí tī-hia; khoàⁿ ah, Goá í-keng bēng-lēng hit só-chāi chit ê chiú-koáⁿ lāng iúⁿ-chhi lí. ¹⁰I chiū khí-lâi, khi Sat-lék-hoat; kàu siāⁿ-m̄ng ê sī, tú-t̄ng ū chit ê chiú-koáⁿ lāng tī hit só-chāi teh khioh-chhâ. Í-lī-a chiū kiò i kóng, Kiū lí ēng khi-kū iúⁿ tām-pòh chúi lâi hō goá lim. ¹¹I khi iúⁿ ê sī, Í-lī-a koh kiò i kóng, Chhiáⁿ lí sūn-chhiú thêh tām-pòh piáⁿ lâi hō goá. ¹²Hū-jîn-lāng kóng, Goá kí éng-oáh ê Iā-hô-hoa lí ê Siōng-tè lâi kóng, goá bô chit ê piáⁿ, chí-ū chit-pé-á mī-hún tī tháng--nih, kap tām-pòh iū tī pân--nih; khoàⁿ ah, goá khioh n̄ng ki chhâ, beh tò-khi ūi-tiōh goá kap goá ê kiáⁿ pek i, goán thang chiāh i, chiaⁿ sí. ¹⁸Í-lī-a kā i kóng, Bián kiaⁿ; khi ah, chiàu lí só-kóng-ê lâi kiāⁿ; chóng-sī tãi-seng kā goá choè chit-ê soè ê piáⁿ, toà--lâi hō goá, jiân-āu ūi-tiōh lí kap lí ê kiáⁿ choè i. ¹⁴In-ūi Iā-hô-hoa Í-sek-liát ê Siōng-tè án-ni kóng, Tháng-lâi ê mī-hún boē kiám-chió, pân-lâi ê iū boē liáu, kàu Iā-hô-hoa lōh-hō tī toē-chiūⁿ ê jít. ¹⁵Hū-jîn-lāng chiū

khi, chiàu Í-lī-a ê oē lâi kiāⁿ; hū-jîn-lāng kap i ê ke kap Í-lī-a chiāh choē-choē jít. ¹⁶Tháng-lâi ê mī-hún bô kiám, pân-lâi ê iū bô liáu, tú chiàu Iā-hô-hoa thok Í-lī-a só kóng ê oē.

¹⁷Chiah ê tãi-chi liáu-āu, chit ê hū-jîn-lāng, chiū-sī hit-ke ê chú-lāng, i ê kiáⁿ phò-piⁿ, piⁿ chin siong-tiōng, tì-kàu i bô chit-tiâu khui-si. ¹⁸Hū-jîn-lāng kā Í-lī-a kóng, Siōng-tè ê lô-pók ah, goá kap lí sím-mih kan-siáp? Lí lâi goá chia hō Siōng-tè kì-tit goá ê choē, hō goá ê kiáⁿ sí ah. ¹⁹Í-lī-a kā i kóng, Chiong lí ê kiáⁿ kau goá. Í-lī-a chiū tùi hū-jîn-lāng ê heng-chēng phō-khi, toà kàu só tiām ê lâu, hē tī ka-kī ê chhng; ²⁰chiū kiū-kiò Iā-hô-hoa kóng, Iā-hô-hoa goá ê Siōng-tè ah, Lí kiám koh kàng chai-ē tī goá só kap i toà ê chiú-koáⁿ lāng, hāi-sí i ê kiáⁿ ah? ²¹Í-lī-a chiū phak tī gín-ná ê seng-khu saⁿ-pái, kiū Iā-hô-hoa kóng, Iā-hô-hoa goá ê Siōng-tè ah, kiū Lí hō chit ê gín-ná hoē-hūn. ²²Iā-hô-hoa thiaⁿ Í-lī-a ê siaⁿ, gín-ná ê hūn chiū hók-tò, i chiū oáh. ²³Í-lī-a chiū phō hit ê gín-ná tùi lâu-téng lōh-lâi, jip chhù kau hō i ê lâu-bú. Í-lī-a kóng, Khoàⁿ ah, lí ê kiáⁿ oáh lah. ²⁴Hū-jîn-lāng tùi Í-lī-a kóng, Taⁿ goá chai lí sī Siōng-tè ê lô-pók, lí só kóng Iā-hô-hoa ê oē sī chin-sit.

18 Kè choē-choē jít, tī tē-saⁿ nī, Iā-hô-hoa ê oē līm-kàu Í-lī-a kóng, Lí khi, hō A-hap khoàⁿ-kìⁿ lí; Goá beh lōh-hō tī toē-chiūⁿ. ²Í-lī-a chiū khi, beh hō A-hap khoàⁿ-kìⁿ; hit-sī Sat-má-lī-a ki-hng chin toā. ³A-hap chiū kiò i ê koán-ke-ê Gô-pa-tí lâi. (Gô-pa-tí put-chí keng-ùi Iā-hô-hoa. ⁴In-ūi Iā-sé-piat biát Iā-hô-hoa chiaⁿ ê sian-ti ê sī, Gô-pa-tí ēng sian-ti chit-pah lāng khng tī tōng-lâi, gō-cháp lāng choè chit-chó, ēng piáⁿ kap chúi iúⁿ-chhi in.) ⁵A-hap kā Gô-pa-tí kóng, Piàn-kiāⁿ chit ê toē, kàu it-chhè ê chúi-choāⁿ-piⁿ,

kap it-*chhè* ê *khoe-piⁿ*; *kiám-chhái* lán *oē* tit-tiòh *chhiⁿ* *chháu*, thang *hō·* bé, lô *oáh--teh*, bián-tit *cheng-siⁿ* it-*chīn* sit-lóh. ⁶Tùi án-ni in pun toē beh *piàn-kiāⁿ*. A-hap *ka-kī* *kiāⁿ* chít tiâu *lō·*, *Gô-pa-tí* iā *ka-kī* *kiāⁿ* chít tiâu *lō·*. ⁷*Gô-pa-tí* tī *lō--nih*, *Í-lī-a* tú-tiòh i, *Gô-pa-tí* jīn-tit i, chiū phak--lòh-khì, kóng, Lí sī goá ê chú *Í-lī-a* mah? ⁸In kóng, Sī; lí khi *kā* lí ê chú kóng, *Í-lī-a* tī-chia. ⁹*Gô-pa-tí* kóng, Goá ū hoān sīm-mih choē, lí keng-jīn beh chiong lí ê lô-pók kau tī A-hap ê *chhiú*, lâi hāi-sí goá mah? ¹⁰Goá kí éng-oáh ê *Iâ-hô-hoa* lí ê *Siōng-tè* lâi kóng, Bô chít-chók, bô chít-kok, goá ê chú bô *chhe* lāng kàu hia *chhē* lí; in nā kóng, I bô tī-chia, chiū kah hit-kok hit-chók ê lāng chiū-choā kóng, In sit-chāi bô tú-tiòh lí. ¹¹Taⁿ lí kóng, Khi *kā* lí ê chú kóng, *Í-lī-a* tī-chia. ¹²Goá chít-ē *lī-khui* lí, *Iâ-hô-hoa* ê Sīn beh toà lí kàu goá só· *m-chai* ê só· chāi, goá khi *kā* A-hap kóng, iā i *chhē* lí boē tiòh, chiū beh *thāi-sí* goá; chóng-sī lí ê lô-pók tùi siàu-liân sī keng-ù *Iâ-hô-hoa*. ¹³Tng *Iâ-sé-piat* *thāi* *Iâ-hô-hoa* cheng sian-ti ê sī, goá só· choē *kiám* bô lāng *kā* goá ê chú kóng mah? chiū-sī goá chiong *Iâ-hô-hoa* ê sian-ti chít-pah lāng khng tī tōng--nih, *gō·cháp* lāng choē chít-chó·, ēng piáⁿ kap chúu iúⁿ-*chhī* in. ¹⁴Taⁿ lí kóng, Khi *kā* lí ê chú kóng, *Í-lī-a* tī-chia, i tek-khak oē *thāi-sí* goá. ¹⁵*Í-lī-a* kóng, Goá kí éng-oáh *bān-kun* ê *Iâ-hô-hoa*, chiū-sī goá khiā tī I ê *bīn-chēng--ê*, lâi kóng, *Kin-á-jit* goá tek-khak beh *hō·* A-hap *khoàⁿ-kìⁿ* goá.

¹⁶*Gô-pa-tí* chiū khi *kìⁿ* A-hap, *kā* i kóng. ¹⁷A-hap chiū lâi *kìⁿ* *Í-lī-a*. A-hap *khoàⁿ-kìⁿ* *Í-lī-a* ê sī, A-hap chiū *kā* i kóng, Lí chít-ê *hām-hāi* *Í-sek-liát* ah! ¹⁸*Í-lī-a* in kóng, *Hām-hāi* *Í-sek-liát--ê* *m-sī* goá, sī lí kap lí ê *lāu-pē* ê ke; in-ūi lín khi-sak *Iâ-hô-hoa* ê *kài-bēng*, khi

tè hiah ê *Pa-lék*. ¹⁹Taⁿ lí tiòh *chhe* lāng, *chū*-chíp *Í-sek-liát* cheng-lāng, kap *Pa-lék* ê sian-ti sī-pah *gō·cháp* lāng, í-kíp *A-sià-lāh* ê sian-ti sī-pah lāng, *chiāh* tī *Iâ-sé-piat* ê toh--ê, lóng khi *Ka-bit* soaⁿ kàu goá hia.

²⁰A-hap chiū *chhe* lāng khi *Í-sek-liát* cheng-lāng hia, *chio*-chíp *chiah* ê sian-ti kàu *Ka-bit* soaⁿ. ²¹*Í-lī-a* chiū-kūn cheng *peh-siⁿ* kóng, Lín chūn *nng-iūⁿ* sim bô *koat-toàn*, beh kàu sīm-mih sī ah? Nā *Iâ-hô-hoa* sī *Siōng-tè*, chiū tiòh thàn *Iâ-hô-hoa*; nā *Pa-lék* sī *Siōng-tè* chiū tiòh thàn *Pa-lék*; *peh-siⁿ* bô in chít kù oē. ²²*Í-lī-a* *kā* *peh-siⁿ* kóng, *Iâ-hô-hoa* ê sian-ti, chí-ū *chhun* goá chít-lāng, chóng-sī *Pa-lék* ê sian-ti, ū sī-pah *gō·cháp* lāng. ²³Taⁿ tiòh ēng *nng* *chiah* *gū-káng-á* *hō·* goán, *Pa-lék* ê sian-ti thang ūi *ka-kī* keng chít *chiah* *gū-á*, *chhiat* *kui-tè*, *hē* tī *chhâ-téng*, *ē-bīn* *m-thang* lok hé; goá *liāu-lí* hit *chiah* *gū-á*, *hē* tī *chhâ-tnéng*, *ē-bīn* iā bô lok hé. ²⁴Lín *kiū-kiò* lín ê *siōng-tè* ê miā, goá *kiū-kiò* *Iâ-hô-hoa* ê miā; hit-ê ēng hé *hián-èng* ê *Siōng-tè*, chiū-sī *Siōng-tè*. Cheng *peh-siⁿ* in kóng, Chit ê oē chin-hó. ²⁵*Í-lī-a* tùi *Pa-lék* ê sian-ti kóng, Lín ūi *ka-kī* keng chít *chiah* *gū-káng-á*, *tāi-seng* *liāu-lí* i, in-ūi lín lāng-giāh *khah-choē*, lín *kiū-kiò* lín *siōng-tè* ê miā, *tók-tók* *m-thang* lok-hé tī *ē-bīn*. ²⁶In chiū chiong só· *hō·* in ê *gū-káng-á* khi *liāu-lí* i; tùi *chá-khí* kàu *jit-tàu* *kiū-kiò* *Pa-lék* ê miā, kóng, *Pa-lék* ah, tiòh *thiaⁿ* goán; chóng-sī bô *siaⁿ-seh*, iā bô in-tap; in tī só· *khí* ê toāⁿ, *chiu-ūi* *tiô-thiàu*. ²⁷Kàu *tiang-tàu*, *Í-lī-a* *ki-chhi* in kóng, *Toā-siaⁿ* *kiū-kiò* lah; in-ūi i sī *siōng-tè*, i *kiám-chhái* *chēng-chēng* *teh-siūⁿ*, *á-sī* *thè--khi* *phian-phiah* ê só·-chāi, *á-sī* *kiāⁿ-lō·*, *á-sī* *teh-khùn*, lín tiòh *kiò* i *chhiⁿ*. ²⁸In *toā-siaⁿ* *kiū-kiò*, *chiàu* in ê *lē*, ēng to ēng *chhiuⁿ* *ka-kī* *koah*, *tì-kàu* in ê *sin-khu* *lāu-huih*. ²⁹Tùi *jit*

kè-tàu kàu hiàn ê-hng-chè ê sî, in teh kóng in ê sian-ti oē; chóng-sī bô siaⁿ-seh, bô in-tap, iā bô chhap in ê.

³⁰Í-lī-a ká cheng peh-siⁿ kóng, Lín lái kún-oá goá; cheng peh-siⁿ chiū kún-oá i; i chiū koh siu-lí Iā-hô-hoa tó-hoāi ê toāⁿ. ³¹Í-lī-a chhú cháp-jī tè chiòh, chiàu Ngá-kok ê kiáⁿ ê chi-phài ê siàu-giáh; chit ê Ngá-kok chiū-sī cheng Iā-hô-hoa ê oē bat lîm-kàu i kóng, Í-sek-liát beh choè lí ê miâ--ê. Í-lī-a eng chiah ê chiòh-thâu, hong Iā-hô-hoa ê miâ, khí chit chō toāⁿ, tī toāⁿ ê chiu-ûi khui kau, oē toé--tit cheng-chí nng sè-a. ³³Koh pài-liát chhâ, chiong gū-á chhiat kui-tè, hē tī chhâ-téng; kóng, Lín eng sî ê thág toé chúi moá-moá, piàⁿ tī sio-chè kap chhâ ê téng-bîn; ³⁴koh kóng, Piàⁿ tē-jī-pái, in chiū piàⁿ tē-jī-pái; koh kóng, Piàⁿ tē-saⁿ-pái; in chiū piàⁿ tē-saⁿ-pái; ³⁵chúi lâu tī toāⁿ ê si-ûi, kau iā ū chúi moá-moá. ³⁶Kàu hiàn ê-hng chè ê sî, sian-ti Í-lī-a kún-cheng lái, kóng, A-pek-lah-hán, Í-sat, Í-sek-liát ê Siōng-tè Iā-hô-hoa ah, kiū Lí kin-á-jit hō· lāng chai Lí tī Í-sek-liát choè Siōng-tè, iā chai goá sī Lí ê lô·pók, koh sī chiàu Lí ê oē lái kiāⁿ che it-chhè ê sū. ³⁷Iā-hô-hoa ah, tiòh thiaⁿ goá; tiòh thiaⁿ goá, hō· chit-kok ê peh-siⁿ chai Lí Iā-hô-hoa chiū-sī Siōng-tè, Lí hō· in ê sim oát-tò-túg. ³⁸Iā-hô-hoa ê hé chiū kàng-lóh, it-chhīn sio i ê sio-chè, kap chhâ, kap chiòh, kap thô·, koh sio-ta kau-lāi ê chúi. ³⁹Cheng peh-siⁿ khoàⁿ-kìⁿ, chiū phak tī toē--nih kóng, Iā-hô-hoa, I sī Siōng-tè, Iā-hô-hoa, I sī Siōng-tè. ⁴⁰Í-lī-a ká in kóng, Liáh Pa-lék ê sian-ti, bô iōng-ún chit-ê tô-cháu. In chiū liáh in; Í-lī-a toà in lóh-khì kàu Ki-sūn khoe-piⁿ, tī-hia thāi in.

⁴¹Í-lī-a ká A-hap kóng, Lí taⁿ thang chiūⁿ-khì lim-chiáh; in-ūi ū toā-hō· ê siaⁿ. ⁴²A-hap chiū chiūⁿ-khì lim-chiáh. Í-lī-a chiūⁿ-khì Ka-

bít soaⁿ-téng, khut-sin tī toē--nih, bîn phak tī nng ê kha-thâu-u ê tiong-kan. ⁴³Tui i ê lô·pók kóng, Lí chiūⁿ--khì, òng hái khoàⁿ. Lô·pók chiū chiūⁿ-khì khoàⁿ, kóng, Lóng bô sim-mih. I kóng, Lí koh khì, tiòh kàu chhit-pái. ⁴⁴Kàu tē-chhit pái i kóng, Khoàⁿ-kìⁿ ū hūn tui hái--nih khí-lái, soè-soè chhin-chhiūⁿ lāng ê chhiú. Í-lī-a kóng, Lí chiūⁿ-khì, ká A-hap kóng, Tiòh pī-pān chia lóh-khì, bián-tit hō· hō· chō·-tòng. ⁴⁵Tiap-á-kú ê tiong-kan piàn-thiⁿ in-ūi hong kap hūn o·-àm, lóh toā-hō·. A-hap chiū chē-chhia khì Iā-su-liát. ⁴⁶Iā-hô-hoa ê chhiú khoàⁿ tī Í-lī-a ê sin-chiūⁿ, i chiū hā-io, tī A-hap ê thâu-cheng cháu kàu Iā-su-liát ê siāⁿ-mng.

19 A-hap chiong Í-lī-a it-chhè só·-kiāⁿ-ê, kap i eng to thāi cheng sian-ti ê sū, lóng ká Iā-sé-piat kóng. ²Iā-sé-piat chiū chhe lāng khì kìⁿ Í-lī-a, ká i kóng, Bîn-á-jit iok-liók chit-sî, goá nā bô hō· lí ê sîⁿ-miā chhin-chhiūⁿ in tiong-kan chit-lāng ê sîⁿ-miā chit-iūⁿ, goān hiah ê siōng-tè ka-pē chek-hoát goá. ³Í-lī-a khoàⁿ-kìⁿ án-ni, chiū khí-lái cháu, lái tô-miā, kàu Iū-tāi ê Piát-sī-pa, chiong lô·pók lâu tī-hia. ⁴Ka-kī jip-khì không-iá, kiāⁿ chit-jit ê lô·chām, kàu chit chāng lô-tēng-chhiūⁿ kha; chiū chē tī-hia kiū sí, kóng, Taⁿ soah--lah; Iā-hô-hoa ah, kiū Lí chhú goá ê sîⁿ-miā, in-ūi goá bô pí goá ê liát-chó· khah-iāⁿ. ⁵Chiū tó tī lô-tēng-chhiūⁿ kha, khùn--khì; ū thiⁿ-sài lái tah i, kóng, Khí-lái chiah. ⁶I khoàⁿ i, chiū khoàⁿ-kìⁿ ū piàⁿ pek tī hé-thoàⁿ ê téng-bîn, koh ū chit pân chúi tī i ê thâu-khak piⁿ; i chiū chiah chiū lim, koh tó--lòh-khì. ⁷Iā-hô-hoa ê thiⁿ-sài tē-jī-pái koh lái tah i, kóng, Khí-lái chiah ah, in-ūi lô· chin hng; lí kiāⁿ bô hoat-tit. ⁸I chiū khí-lái chiah i, lim i; oá-khò chit-pái chiah ê lát, kiāⁿ sì-cháp jít, sì-cháp mí, kàu

Siōng-tè ê soaⁿ, chiū-sī Hô-liát soaⁿ. ⁹I kàu hia, jlp chit ê tōng, chiū tiàm hí-lāi; khoàⁿ ah, Iâ-hô-hoa ê oē lîm-kàu i, kâ i kóng, Í-lī-a ah, lí tī chia chhòng sím-mih? ¹⁰I ìn kóng, Goá ũi-tiòh Iâ-hô-hoa bân-kun ê Siōng-tè toā jiát-sim; in-ūi Í-sek-liát lāng khi-sak Lí ê iok, húi-hoāi Lí hiah ê toāⁿ, ēng to thâi Lí hiah ê sian-ti, chí-ū chhun goá chit-lâng; in iáu siàu-siūⁿ goá ê sîⁿ-miā, beh chhú i. ¹¹Kóng, Lí chhut-lâi khiā tī soaⁿ--nih, tī Iâ-hô-hoa ê bîn-chêng. Khoàⁿ ah, Iâ-hô-hoa keng-kè, ũ toā koh thau ê hong, phoà-llh chiaⁿ ê soaⁿ, phah-chhùi chiaⁿ ê chiòh tī Iâ-hô-hoa ê bîn-chêng; chóng-sī Iâ-hô-hoa bô tī hong ê lāi-bîn; hong liáu-āu ũ toē-tāng; Iâ-hô-hoa iā bô tī toē-tāng ê tiong-kan. ¹²Toē-tāng liáu-āu ũ hé; Iâ-hô-hoa iā bô tī hé-tiong; hé liáu-āu, ũ soè koh khin ê siaⁿ. ¹³Í-lī-a thiaⁿ-kìⁿ, chiū ēng goā-saⁿ tà-bîn, chhut-khi khiā tī tōng-kháu. khoàⁿ ah, ũ siaⁿ lîm-kàu i kóng, Í-lī-a ah, lí tī chia chhòng sím-mih? ¹⁴I kóng, Goá ũi-tiòh Iâ-hô-hoa bân-kun ê Siōng-tè toā jiát-sim; in-ūi Í-sek-liát lāng khi-sak Lí ê iok, húi-hoāi Lí hiah ê toāⁿ, ēng to thâi Lí hiah ê sian-ti; chí-ū chhun goá chit-lâng, in iáu siàu-siūⁿ goá ê sîⁿ-miā, beh chhú i. ¹⁵Iâ-hô-hoa kâ i kóng, Khi ah, lí tò-khi, kàu Tāi-má-sek ê khòng-iá; í-keng kàu, chiū tiòh ēng iū boah Hap-siat choè A-lân ông; ¹⁶koh boah Lêng-sī ê sun Iâ-hô choè Í-sek-liát ông; koh boah A-pek-bí-hô-lâh lāng Sa-hoat ê kiáⁿ Í-lī-sa choè sian-ti soà-chiap lí. ¹⁷Āu-lâi thoat-lī Hap-siat ê to ê, Iâ-hô beh thâi i; thoat-lī Iâ-hô ê to ê, Í-lī-sa beh thâi i. ¹⁸Chóng-sī Goá tī Í-sek-liát tiong lāu chhit-chheng lāng, i ê kha-thâu-u bē-bat kúi Pa-lék, i ê chhùi bē-bat chim i. ¹⁹Í-lī-a chiū lī-khui hia khi; tú-tiòh Sa-hoat ê kiáⁿ Í-lī-sa, i teh loē-chhân; tī i ê thâu-chêng

ū chap-jī tui gū, ka-kī koáⁿ tē chap-jī tui; Í-lī-a keng-kè i hia, chiong ka-kī ê saⁿ phoah tī i ê sin-chiūⁿ. ²⁰Í-lī-sa chiū lī-khui hiah ê gū, cháu kàu Í-lī-a ê āu-bîn, kóng, Kiū lí chún goá tãi-seng chim goá ê pē-bú, jiân-āu goá chiū tē lí. Í-lī-a kâ i kóng, Lí tò-khi, goá tui lí ũ choè sím-mih ah? ²¹Í-lī-sa chiū tui i hia tò-khi, thâi chit-tui gū, ēng thò gū ê khi-kū chú bah, hō peh-siⁿ; in chiū chiaⁿ i. I chiū khi-lâi tē Í-lī-a, lâi hók-sāi i.

20 A-lân ông Piân-hap-tát chū-chip i ê choân-kun, ũ saⁿ-chap-jī ê ông kap i khi, ũ bé, ũ chia, chiūⁿ-khi ũi Sat-má-lī-a, lâi kong i. ²Koh chhe sù-chiá jlp siāⁿ kìⁿ Í-sek-liát ông A-hap, kâ i kóng, Piân-hap-tát án-ni kóng, ³Lí ê gūn, lí ê kim, lóng sī goá-ê, lí hiah ê bó, lí hiah ê kiáⁿ-jī, tē-it súi ê, iā-sī goá-ê. ⁴Í-sek-liát ông ìn kóng, Goá ê chú, goá ê ông ah, chiàu lí ê oē, goá kap goá só-ū-ê lóng sī lí-ê. ⁵Sù-chiá koh lâi kóng, Piân-hap-tát án-ni kóng, Goá khiok ũ chhe lāng khi kìⁿ lí, ài lí chiong lí ê gūn, kim, bó, kiáⁿ-jī, lóng kau hō goá. ⁶Chóng-sī bîn-á-jit iok-liók chit-sī goá beh chhe goá ê sù-chiá kàu lí hia, chhiau-chhē lí ê chhùi, kap lí ê lô-pók ê chhùi, kìⁿ-nā lí só khoàⁿ-choè hó-ê, in beh chhin-chhiú toā-khi. ⁷Í-sek-liát ông tiâu kok-lāi ê tiúⁿ-ló lóng lâi, kâ ìn kóng, Lín khoàⁿ, chit ê lāng tiâu-tī chhē-phāng beh hāi goá; i bat chhe lāng lâi goá chia, beh goá ê bó, kiáⁿ-jī, kap kim gūn, goá bô the-sī-i. ⁸Tiúⁿ-ló kap cheng peh-siⁿ lóng kâ ông kóng, M̄-thang thiaⁿ i, iā m̄-thang ún i. ⁹Só-í ēng kâ Piân-hap-tát ê sù-chiá kóng, Lín kâ goá ê chú goá ê ông kóng, Lí tãi-seng chhe lāng tui lí ê lô-pók só-thó-ê goá ũ ún; chóng-sī chit-ê goá boē kiāⁿ-tit. Sù-chiá chiū tò-khi hē-hok. ¹⁰Piân-hap-tát koh chhe lāng kóng, Sat-má-lī-a ê thō-

hún, nā ū kàu-giáh hō· tē goá ê lāng ták-lāng mi chít-pé, chiū goān hiah ê siōng-tē kap pē chek-hoát goá. ¹¹Í-sek-liát ông ìn kóng, Lín kā i kóng, Chhēng khoe-kah--ê, m̄-thang chhin-chhiūⁿ theng khoe-kah--ê lâi khoa-kháu. ¹²Piān-hap-tát kap hiah ê ông tī pò·pīⁿ-lāi lim-chiú, thiaⁿ-kìⁿ chiah ê oē, chiū kā i ê jîn-sîn kóng, Thang pài-tīn; in chiū pài-tīn kong-siáⁿ. ¹³Ū chít ê sian-ti lâi kìⁿ Í-sek-liát ông A-hap kóng, Iâ-hô-hoa án-ni kóng, Lí ū khoàⁿ-kìⁿ chit toā tīn ê lāng bô? Khoàⁿ ah, kin-á-jít Goá beh chiong in kau tī lí ê chhiú, lí chiū chai Goá sī Iâ-hô-hoa. ¹⁴A-hap kóng, Beh ēng chī-chui ah? I ìn kóng, Iâ-hô-hoa án-ni kóng, Eng chiah ê séng-tiúⁿ ê siàu-liân lāng. A-hap kóng, Sím-mih lāng beh pài-tīn ah? I ìn kóng, Chiū-sī lí. ¹⁵I chiū sng hiah ê séng-tiúⁿ ê siàu-liân lāng, kiōng ū nng-pah saⁿ-cháp-jī miá; āu-lâi i koh sng cheng peh-siⁿ, chiū-sī Í-sek-liát lāng, kiōng chhit-chheng miá.

¹⁶Jit-tiong-tàu ê sī, in chiū chhut-khì. Piān-hap-tát kap hiah ê ông, chiū-sī pang-chān i ê saⁿ-cháp-jī ê ông, tī pò·pīⁿ-lāi chiah chiú-chui. ¹⁷Hiah ê séng-tiúⁿ ê siàu-liân lāng choè-thâu chhut-khì. Piān-hap-tát chhe lāng khì thām-bāi, in hē-hok kóng, Ū lāng tui Sat-má-lī-a chhut-lâi. ¹⁸I kóng, In nā ūi-tiōh káng-hô chhut-lâi, tiōh oáh-oáh liáh in; nā ūi-tiōh kau-chiàn chhut-lâi, iā tiōh oáh-oáh liáh in. ¹⁹Hiah ê séng-tiúⁿ ê siàu-liân lāng chhut siáⁿ, kun-peng tē in; ták-lāng thāi i ê tui-ték. ²⁰A-lân lāng tô-cháu, Í-sek-liát lāng jip in. A-lân ông Piān-hap-tát khiâ-bé, kap hiah ê bé-peng tô-thoat. ²¹Í-sek-liát ông chhut-siáⁿ, phah hiah ê chhia, kap bé, toā-toā thāi-sí A-lân lāng. ²²Hit ê sian-ti lâi kìⁿ Í-sek-liát ông, kā i kóng, Lí tiōh ka-kī kiōng-chòng, kín-sim

tiōh cháiⁿ-iūⁿ choè; in-ūi mê-ni chit-sī, A-lân ông beh chiūⁿ-lâi kong-kek lí.

²³A-lân ông ê jîn-sim kā i kóng, Í-sek-liát lāng ê Siōng-tē sī soaⁿ-thâu ê Siōng-tē, só-í in khah-iâⁿ lán; chóng-sī lán nā tī pīⁿ-iūⁿ kap in kau-chiàn, chiū oē khah-iâⁿ in. ²⁴Tiōh án-ni kiáⁿ; hiah ê ông ták-ê tiōh bián-chit, líp kun-tiúⁿ lâi thoè in. ²⁵Koh chio-bô· chit tui kun-peng chiàu lí só· sit-lòh ê kun-peng, ēng bé pò· bé, ēng chhia pò· chhia; lán tī pīⁿ-iūⁿ kap in kau-chiàn, ún-tàng oē iâⁿ. Ông chiū thiaⁿ in ê oē khi kiáⁿ.

²⁶Keh-ni Piān-hap-tát tiám-sng A-lân lāng, chiūⁿ-khì A-hut, beh kap Í-sek-liát lāng kau-chiàn. ²⁷Í-sek-liát lāng iā tiám-sng in ê siàng-giáh, pī-pān kun-niū, chhut-khì tí-ték i, chat-iâⁿ tī in ê tui-bīn, chhin-chhiūⁿ nng sió-kun ê soaⁿ-iūⁿ á; chóng-sī A-lân lāng moá toē-bīn. ²⁸Ū Siōng-tē ê lô·pòk lâi kìⁿ Í-sek-liát ông kóng, Iâ-hô-hoa án-ni kóng, In-ūi A-lân lāng kóng, Iâ-hô-hoa sī soaⁿ-thâu ê Siōng-tē, m̄-sī soaⁿ-kok ê Siōng-tē, só-í Goá beh chiong chit toā-tīn ê lāng lóng kau tī lí ê chhiú; lín chiū chai Goá sī Iâ-hô-hoa. ²⁹Chiū chat-iâⁿ tãi-ke saⁿ tui-bīn chhit-jít; kàu tē-chhit jít siang-peng kun-peng kau-chiàn; tī chit-jít Í-sek-liát lāng thāi-sí A-lân lāng pō·peng chap-bān. ³⁰Ki-û-ê cháu jip A-hut siáⁿ, hit ê siáⁿ-chhiūⁿ tó, teh-sí só·chhun ê nng-bān chhit-chheng lāng. Piān-hap-tát cháu jip siáⁿ, bih tī lāi-pang. ³¹I ê jîn-sim kā i kóng, Khoàⁿ ah, goán thiaⁿ-kìⁿ Í-sek-liát ke ê liát-ông sī jîn-chū ê ông; kiū lí chún goán hā moa-pò· tī goán ê io, thau-khak phoáh-soh, chhit-khì tau-hang Í-sek-liát ông; kiám-chhái i beh jiâu lí ê siⁿ-miá. ³²In chiū io hā moa-pò·, thau-khak phoáh-soh, khi kìⁿ Í-sek-liát ông, kóng, Lí ê lô·pòk Piān-hap-tát kóng, Kiū lí, jiâu

goá ê sîⁿ-miā. A-hap kóng, I iáu oáh--teh mah? i sī goá ê hiaⁿ-tī. ³³Hiah ê lâng chim-chiok thiaⁿ i ê kháu-khì, liām-piⁿ sūn i ê oē-bé, kóng, Lí ê hiaⁿ-tī Piān-hap-tát. I kóng, Lín khi chhoā i lâi. Piān-hap-tát chhut-lâi kìⁿ ông, ông chiū hō· i chē-chhia. ³⁴Piān-hap-tát ká i kóng Goá ê pē tui lí ê pē só· chhiūⁿ hiah ê siāⁿ, goá beh hêng lí; koh lí thang tī Tāi-má-sek siat koe-chhi, chhin-chhiūⁿ goá ê pē tī Sat-má-lī-a só· siat--ê chit-iūⁿ. A-hap kóng, Goá chiàu chit ê iok pàng lí tò-khì; chiū kap i lip-iok, pàng i tò-khì.

³⁵Ū sian-ti ê hák-seng ê chit-lâng, ēng Iâ-hô-hoa ê oē ká i ê tâng-phoàⁿ kóng, Chhiáⁿ lí phah goá. Hit-lâng m̄-khéng phah i. ³⁶I chiū ká i kóng, In-ūi lí m̄-thàn Iâ-hô-hoa ê oē, lí chit-ē lī-khui goá, beh u sai ká-sí lí. I chit-ē lī-khui i khi, kó-jiân ū sai tú-tiòh lâi ká-sí i. ³⁷I koh tú-tiòh chit-lâng, ká i kóng, Chhiáⁿ lí phah goá. I chiū phah--i, phah kàu tiòh-siong. ³⁸Sian-ti chiū khi, tī lō--nih theng-hāu ông koé i ê iông-māu, ēng kun tà bák-chiu. ³⁹Ông tui hia keng-kè ê sī, i kiò ông kóng, Lí ê lô-pók chhut-tīn, ū chit-lâng oat-lâi piⁿ-á, koh chhoā chit-lâng lâi kau goá, kóng, Lí kò-siú chit ê lâng; nā i sit-lòh, lí ê sîⁿ-miā tiòh thoè i ê sîⁿ-miā; nā bô, lí tiòh kau-chhut chit tha-liân-tek ê gūn. ⁴⁰Lí ê lô-pók kò· chit-hāng hit-hāng ê sī, hit-lâng soà bô--khi. Í-sek-liát ông ká i kóng, Lí ê àn-kiāⁿ án-ni, lí í-keng ka-kī phoàⁿ-toàn. ⁴¹I koáⁿ-kín tū-khi tà bák-chiu ê kun; Í-sek-liát ông chiū jīn-tit i sī sian-ti ê chit-ê. ⁴²I ká ông kóng, Iâ-hô-hoa án-ni kóng, In-ūi lí chiong Goá só· tiāⁿ-tiòh beh biát ê lâng pàng hō· i khi, lí ê sîⁿ-miā chiū tiòh thoè i ê sîⁿ-miā, lí ê peh-siⁿ chiū tiòh thoè i ê peh-siⁿ. ⁴³Í-sek-liát ông chiū ut-būn bô hoaⁿ-hí; kàu Sat-má-lī-a tò-khì i ê

chhiū.

21 Chiah ê tãi-chì liáu-āu, Iâ-su-liát lâng Ná-pók ū phû-tô-hng tī Iâ-su-liát, kún Sat-má-lī-a ông A-hap ê kiong. A-hap ká Ná-pók kóng, Lí ēng lí ê phû-tô-hng hō· goá, goá thang choè chhài-hng; in-ūi sī kún tī goá ê kiong; goá beh ēng koh khah-hó ê hng ká lí oāⁿ; á-sī lí ài gūn, goá chiū chiàu kè-chiⁿ hō· lí. ³Ná-pók ká A-hap kóng, Œng goá ê chók só· lâu ê giáp hō· lí, chit ê tãi-chì goān Iâ-hô-hoa kìm-chí goá. ⁴A-hap in-ūi Iâ-su-liát lâng Ná-pók só· kóng ê oē, chiū ut-chut bô hoaⁿ-hí; tò--khi i ê chhiū; in-ūi Ná-pók bat kóng, Goá m̄ ēng goá ê chók-giáp hō· lí, A-hap chiū tó tī bīn-chhng, bīn ñg lāi-bīn, iā m̄ chiah. ⁵Ông-hō· Iâ-sé-piat kàu i hia, mng i kóng, Lí ê sim-lāi iu-būn soà m̄-chiá, sī siáⁿ iân-kò· ah? ⁶I ká i kóng, In-ūi goá tui Iâ-su-liát lâng Ná-pók kóng, Lí ēng lí ê phû-tô-hng hō· goá, goá ēng gūn hō· lí; á-sī lí nā ài, goá chiū ēng phû-tô-hng oāⁿ lí. I kóng, Goá ê phû-tô-hng, goá m̄ hō· lí. ⁷Ông-hō· Iâ-sé-piat ká i kóng, Lí chit-chūn sī teh koán-lí Í-sek-liát kok á-m-sī? choè lí khi-lāi chiah, hō· lí ê sim hoaⁿ-hí; goá beh ēng Iâ-su-liát lâng Ná-pók ê phû-tô-hng hō· lí. ⁸Chiū ēng A-hap ê miā siá-phoe, ēng ông ê ñn tng--i; kià hiah ê phoe hō· Ná-pók ê siāⁿ, hō· kap i khiā-khi ê tiúⁿ-ló kù-chók. ⁹Siá tī phoe-nih kóng, Lín tiòh soan-pò· kìm-chiá, hō· Ná-pók chē tī peh-siⁿ-kan ê koāiⁿ-ūi; ¹⁰koh siat nng ê húi-lui tī i ê bīn-chng, choè kan-chng kò i kóng, Lí pòng-tók Siōng-tè kap ông; jiân-āu chiū thoa i chhut-khi, ēng chiòh-thau tì-sí i. ¹¹I siāⁿ-lāi ê lâng, chiū-sī khiā-khi hit ê siāⁿ ê tiúⁿ-ló, kap kù-chók, chiū chiàu Iâ-sé-piat só· kià ê oē, chiū-sī chiàu i kià hō· ñn ê phoe só·-siá-ê, lâi kiāⁿ. ¹²Soan-pò· kìm-chiá, hō· Ná-pók

chē tī peh-sìⁿ-kan ê koàiⁿ-ūi. ¹³Hit nng ê húi-lūi jlp-khì, chē tī i ê bìn-chêng; húi-lūi tng peh-sìⁿ ê bìn-chêng choè kan-chêng kò Ná-pók kóng, Ná-pók pòng-tók Siōng-tè kap ông; chiū thoā i chhut siāⁿ-goā, ēng chiòh-thâu tìm-sí i. ¹⁴Chiū chhe lāng khi ká Iā-sé-piat kóng, Ná-pók í-keng hō· chiòh-thâu tìm-sí lah. ¹⁵Iā-sé-piat thiaⁿ-kìⁿ Ná-pók hō· chiòh-thâu tìm-sí, Iā-sé-piat chiū ká A-hap kóng, Lí khí-lâi chiáng Iā-su-liát lāng Ná-pók m̄-khéng ūi-tiòh kè-chiⁿ hō· lí ê phû-tô-hng, in-ūi Ná-pók í-keng sí, bô-miā lah. ¹⁶A-hap thiaⁿ-kìⁿ Ná-pók í-keng sí, A-hap chiū khí-lâi, lóh-khì Iā-su-liát lāng Ná-pók ê phû-tô-hng hia, beh chiáng i.

¹⁷Iā-hô-hoa ê oē lîm-kàu Thê-su-pí lāng Í-lī-a, kóng, Lí khí-lâi, khi kìⁿ tiàm tī Sat-má-lī-a ê Í-sek-liát ông A-hap; i lóh-khì Ná-pók ê phû-tô-hng beh chiáng i; chit-chūn i tī-hia.

¹⁹Lí tiòh ká i kóng, Iā-hô-hoa án-ni kóng, Lí ū thâi-sí lāng koh chiáng i ê giáp mah? Koh tiòh ká i kóng, Iā-hô-hoa án-ni kóng, Káu tī sím-mih só·-chāi chī Ná-pók ê huìh, kàu iā beh tī-hia chī lí ê huìh, chīt-sī lí pún-sin ê huìh. ²⁰A-hap ká Í-lī-a kóng, Goá ê tui-ték ah, lí chhē-tiòh goá mah? I in kóng, goá chhē-tiòh lí, in-ūi lí boē ka-kī, kiāⁿ Iā-hô-hoa khoàⁿ-choè pháiⁿ ê sū. ²¹Iā-hô-hoa kóng, Goá beh kàng chai-ē hō· lí, beh it-chīn tū lí; kìⁿ siók A-hap ê ta-po·-teng, bô-lūn siū khu-sok--ê, á-sī chū-iū--ê, lóng tī Í-sek-liát tiong chián-tū i. ²²Goá beh hō· lí ê ke chhin-chhiūⁿ Nī-pat ê kiáⁿ Iā-lô-phò-àm ê ke, koh chhin-chhiūⁿ A-hi-ngá ê kiáⁿ Pa-sa ê ke, in-ūi lí só· kan-hoān kek-tōng Goá siū-khì ê sū, koh hō· Í-sek-liát hoān-choē. ²³Lūn Iā-sé-piat Iā-hô-hoa iā ū kóng, Kàu beh chiáh Iā-sé-piat tī Iā-su-liát ê goā-siāⁿ. ²⁴Siók A-hap ê lāng, sí tī siāⁿ--lāi ê, káu beh chiáh--i, sí tī chhân-iá ê, khong-

tiong ê chiáu beh chiáh--i. ²⁵Chóng-sī bô lāng chhin-chhiūⁿ A-hap, in-ūi i ka-kī boē, kiāⁿ Iā-hô-hoa khoàⁿ-choè pháiⁿ ê sū; sī tui i ê ông-hō· Iā-sé-piat kiáu-sō i. ²⁶I kiāⁿ toā khó-òⁿ ê sū, in-ūi i tè hiah ê ngó·-siōng, lóng chhin-chhiūⁿ A-mô·-lī lāng chīt-iūⁿ, chiū-sī Iā-hô-hoa só· koáⁿ-chhut tī Í-sek-liát lāng ê bìn-chêng--ê.) ²⁷A-hap thiaⁿ-kìⁿ chiaⁿ ê oē, chiū thiah-līh saⁿ, sin-khu chhēng chho· môa-pò·, kìm-chiáh, khùn iā tó tī chho·-môa-pò·, koh ūn-ūn-á kiāⁿ. ²⁸Iā-hô-hoa ê oē lîm-kàu Thê-su-pí lāng Í-lī-a kóng, A-hap cháiⁿ-iūⁿ ka-kī khiam-pi tī goá ê bìn-chêng, lí u khoàⁿ-kìⁿ mah? in-ūi i ka-kī khiam-pi tī Goá ê bìn-chêng, só·-í Goá bô beh tī i oah-teh ê jīt kàng chit ê chai-ē; sī tī i ê kiáⁿ ê jīt, kàng chit ê chai-ē tī i ê ke.

22 Í-sek-liát kap A-lân saⁿ-nī kú bô kau-chiàn. Kàu tē-saⁿ nī Iū-tāi ông Iok-sa-hoat lóh-khì Í-sek-liát ông hia. ³Í-sek-liát ông tui i ê lô·-pók kóng, Lín kiám-m̄-chai Ki-liát ê Láh-boát sī lán-ê? lán keng-jian tiām-tiām bô tui A-lân ông ê chhiú chhiúⁿ--lâi mah? ⁴A-hap ká Iok-sa-hoat kóng, Lí beh kap goá khi Ki-liát ê Láh-boát kau-chiàn mah? Iok-sa-hoat ká Í-sek-liát ông kóng, Goá chhin-chhiūⁿ lí, goá ê peh-sìⁿ chhin-chhiūⁿ lí ê peh-sìⁿ, goá ê bé chhin-chhiūⁿ lí ê bé. ⁵Iok-sa-hoat ká Í-sek-liát ông kóng, Chhiáⁿ lí kin-á-jit mng Iā-hô-hoa ê ì-sù, ⁶Í-sek-liát ông chiū chū-chlp sian-ti iok-liók sì-pah lāng, mng in kóng, Goá tiòh chiūⁿ--khì Ki-liát ê Láh-boát lâi kau-chiàn, á-sī tiòh soah ah? In kóng, Thang chiūⁿ--khì; in-ūi Chú beh chiong i kau tī ông ê chhiú. ⁷Iok-sa-hoat kóng, Tī-chia kiám bô iáu ū Iā-hô-hoa ê sian-ti, hō· lán thang tui i lâi mng mah? ⁸Í-sek-liát ông ká Iok-sa-hoat kóng, Iáu ū chīt-lāng, sī Im-láh ê kiáⁿ Bí-kai-ngá, lán

thang tui i lai mng Iâ-hô-hoa; chóng-sī goá oân-hūn i, in-ūi i só chhàm-gú goá-ê, lóng bô hó-oē, chí-ū chai-ē nā-tiāⁿ. Iok-sa-hoat kóng, Chhiáⁿ ông bôh-tit án-ni kóng. ⁹Í-sek-liát ông chiū tiâu chit ê koaⁿ-oân lai, kóng, Lí khi kiò Im-lah ê kiáⁿ Bí-kai-ngá kín-kín lai. ¹⁰Í-sek-liát ông kap Iû-tai ông Iok-sa-hoat, ták-ê chē i ê chō-ūi, chhēng lé-hók, tī Sat-mná-lī-a siāⁿ-mng-kháu khoah ê só-chāi; chēng sian-ti ták-ê tī in ê bīn-chēng chhàm-gú. ¹¹Ki-ná-ná ê kiáⁿ Se-tí-ka choè thih-kak, kóng, Iâ-hô-hoa án-ni kóng, Lí beh ēng chia-ê tak A-lân lāng, kàu in biát-bô. ¹²Chēng sian-ti lóng án-ni chhàm-gú kóng, Thang chiūⁿ--khì Ki-liát ê Láh-boát, beh tek-sèng; in-ūi Iâ-hô-hoa beh chiong i kau tī ông ê chhiú.

¹³Hit-ê khi kiò Bí-kai-ngá ê sù-chiá ká i kóng, Khoàⁿ ah, chēng sian-ti lóng kóng chit-iūⁿ oē, tui ông kóng hó-sū; kiū lí só-kóng-ê kap in saⁿ-tāng, pīⁿ-pīⁿ kóng hó-oē. ¹⁴Bí-kai-ngá kóng, Goá kí éng-oáh ê Iâ-hô-hoa lai kóng, Iâ-hô-hoa tui goá kóng sím-mih, goá beh kóng i. ¹⁵Bí-kai-ngá kàu ông ê bīn-chēng, ông mng i kóng, Bí-kai-ngá ah, goán thang chiūⁿ-khì Ki-liát ê Láh-boát lai kau-chiàn, á-sī tiòh soah ah? I in kóng, Thang chiūⁿ-khì, beh tek-sèng; Iâ-hô-hoa beh chiong i kau tī ông ê chhiú. ¹⁶Ông tui i kóng, Goá tiòh kúi-pái kah lí chiū-choá, lí thok Iâ-hô-hoa ê miá, chí-ū tiòh ēng chin-sit ká goá kóng? ¹⁷Bí-kai-ngá kóng, Goá khoàⁿ-kìⁿ Í-sek-liát chēng peh-sìⁿ sì-soàⁿ tī soaⁿ--nih, chhin-chhiūⁿ bô bók-chiá ê iūⁿ chit-poaⁿ; Iâ-hô-hoa án-ni kóng, Chia-ê bô chú-lāng, in ták-ê thang pēng-an tò-khì in ê ke. ¹⁸Í-sek-liát ông ká Iok-sa-hoat kóng, Goá kiám bô ká lí kóng, Chit-lāng só beh chhàm-gú goá-ê, bô kóng hó-oē, chí-ū chai-ē nā-tiāⁿ. ¹⁹Bí-kai-ngá kóng, Só-í lí tiòh

thiaⁿ Iâ-hô-hoa ê oē; goá khoàⁿ-kìⁿ Iâ-hô-hoa chē tī pó-chō, thiⁿ-téng ê bān-kun khiā tī I ê chó-iū. ²⁰Iâ-hô-hoa kóng, Chī-chui beh ín-iú A-hap, hō i chiūⁿ-khì Ki-liát ê Láh-boát, sí tī-hia ah? Chit-ê kóng án-ni, hit-ê kóng àn-ni. ²¹Āu-lai ū chit ê sīn chhut-lai, khiā tī Iâ-hô-hoa ê bīn-chēng, kóng, Goá beh ín-iú i. ²²Iâ-hô-hoa mng i kóng, Lí beh ēng sím-mih hoat-tō? I kóng, Goá beh chhut-khì, choè pēh-chhát ê sīn tī i chēng sian-ti ê chhiú. Iâ-hô-hoa kóng, Lí beh ín-iú i, iā beh chiāⁿ i; chhut-khì, lai choè án-ni. ²³Taⁿ Iâ-hô-hoa ēng pēh-chhát ê sīn jip tī lí chia-ê sian-ti ê chhiú; Iâ-hô-hoa lūn-kàu lí ū kóng chai-ē. ²⁴Ki-ná-ná ê kiáⁿ Se-tí-ka chìn-chēng, siàn Bí-kai-ngá ê chhiú-phoé, kóng, Iâ-hô-hoa ê sīn tui toh-lòh chit tiâu lō̍ lī-khui goá lai kap lí. kóng ah? ²⁵Bí-kai-ngá kóng, Khoàⁿ ah, lí jip lai-pāng ka-kī bih, hit-jit chiū beh khoàⁿ-kìⁿ. ²⁶Í-sek-liát ông kóng, Tiòh toà Bí-kai-ngá khi kau siāⁿ-siú A-būn, kap ông ê kiáⁿ Iok-a-si, kóng, Ông án-ni kóng, Ēng chit-lāng koaiⁿ tī kaⁿ--nih, ēng kan-khó[·] ê piáⁿ, kan-khó[·] ê chúi, hō i chiāh, thēng-hāu goá pēng-an tò-lai. ²⁸Bí-kai-ngá kóng, Lí nā chin-chiāⁿ pēng-an tò-lai, chiū-sī Iâ-hô-hoa bô thok goá kóng. Koh kóng, Chia-ê peh-sìⁿ ah, lín lóng tiòh thiaⁿ.

²⁹Í-sek-liát ông kap Iû-tai ông Iok-sa-hoat chiūⁿ--khì Ki-liát ê Láh-boát. ³⁰Í-sek-liát ông ká Iok-sa-hoat kóng, Goá beh kái-chong chiūⁿ-tīn; lí thang chhēng ông-hók. Í-sek-liát ông chiū kái-chong chiūⁿ-tīn. ³¹A-lân ông ū hoan-hù i ê chiàn-chhia ê koaⁿ-tiúⁿ saⁿ-cháp-jī-ê, kóng, Bô-lūn toā-soè m̄-thang kap in kau-chiàn, chí-ū kap Í-sek-liát ông kau-chiàn. ³²Chiàn-chhia ê koaⁿ-tiúⁿ khoàⁿ-kìⁿ Iok-sa-hoat, chiū kóng, Che pit-tiāⁿ sī Í-sek-liát ông;

chiū oát-túg beh kap i kau-chiàn. Iok-sa-hoat chiū hấu-kiù. ³³Chiàn-chhia ê koaⁿ-tiúⁿ khoàⁿ-kìⁿ m̄-sī Í-sek-liát ông, chiū oát-túg-khì bô tui i. ³⁴Ū chit-lâng ngó·-jiân khui-keng siā-jip Í-sek-liát ông chiàn-kah ê kap-choā; ông kā koaⁿ-chhia--ê kóng, Lí oát-túg chhiú, toà goá chhut-tīn; in-ūi goá tióh tâng-siong. ³⁵Hit-jit kau-chiàn ê sè-bīn ná bég-liát; ū lāng hū ông tī chhia--nih, tí-túg A-lân lāng; kàu jit àm ông chiū sí, huìh tui tióh-siong ê só·-chāi lâu kàu chhia-toē. ³⁶Jit beh lōh ê sí, ū hō-lēng piàn-thoan tī kun-iāⁿ-tiong, kóng, Ták-lāng tò-khì pún-siāⁿ, ták-lāng tò-khì pún-toē. ³⁷Ông ís, toà i kàu Sat-má-lī-a; in bài-chòng ông tī Sat-má-lī-a. ³⁸Ū lāng soé i ê chhia tī Sat-má-lī-a ê tī-piⁿ, káu lāi chi i ê huìh, tú-chiàu Iā-hô-hoa só· kóng ê oē; chhiong-ki iā tī-hia soé seng-khu. ³⁹A-hap kī-ū ê sū, kìⁿ i só·-kiāⁿ-ê, kap i só· khí chhiūⁿ-gê ê chhù, í-kíp só· khí lóng-chóng ê siāⁿ, kiám-bô kì tī Í-sek-liát chia ê ông ê kì-liók mah? ⁴⁰A-hap kap i ê liát-chó· tâng khùn; i ê kiáⁿ A-hap-siā soà-chiap i choè ông.

⁴¹Í-sek-liát ông A-hap tē-si nī, A-sat ê kiáⁿ Iok-sa-hoat chē-ūi choè Iū-tāi ông. ⁴²Iok-sa-hoat chē-ūi ê sí, saⁿ-cháp-gō· hē; tī Iā-lō·-sat-léng choè ông jī-cháp-gō· nī; i ê lāu-bú miā kiò A-só·-pa, chiū-sī Sī-lī-hi ê cha-bó·-kiáⁿ. ⁴³Iok-sa-hoat kiāⁿ i-ê lāu-pē A-sat hiah ê lō·, bô oát-túg lī-khui i, kiāⁿ Iā-hô-hoa khoàⁿ-choè hó ê sū; chóng-sī soaⁿ-thâu-toāⁿ iáu-bē hoē-bô, peh-siⁿ iū-goân hiàn-chè sio-hiuⁿ tī soaⁿ-thâu-toāⁿ. ⁴⁴Iok-sa-hoat kap Í-sek-liát ông līp-iok hô-hó. ⁴⁵Iok-sa-hoat kī-ū ê sū, kap i só· hián-chhut ê lēng-lék, kap i cháiⁿ-iūⁿ kau-chiàn, kiám bô lóng kì tī Iū-tāi liát-ông ê kì-liók mah? ⁴⁶I ê lāu-pē A-sat ê sí, só· lāu-lōh-lāi ê loan-tông, Iok-sa-hoat tui kok-lāi tū-

khì. ⁴⁷Hit-sī Í-tong bô ông, ū úi-oân koán-lí i. ⁴⁸Iok-sa-hoat chō Tha-sī ê chūn-chiah, beh khì Gô-hui ūn kim lāi; chóng-sī bô khì, in-ūi chūn phah-phoà tī Í-sūn-ka-piat. ⁴⁹A-hap ê kiáⁿ A-hap-siā kā Iok-sa-hoat kóng, Iông-ún goá ê lô·-pók kap lí ê lô·-pók chē-chūn saⁿ-kap khì; chóng-sī Iok-sa-hoat m̄-khéng. ⁵⁰Iok-sa-hoat kap liát-chó· tâng-khùn, kap i ê liát-chó· chòng tī i ê chó· Tāi-pit ê siāⁿ; i ê kiáⁿ Iā-hô-lām soà-chiap i choè ông.

⁵¹Iū-tāi ông Iok-sa-hoat chấp-chhit nī, A-hap ê kiáⁿ A-hap-siā tī Sat-má-lī-a chē-ūi, choè Í-sek-liát ông, choè-ông tī Í-sek-liát lēk-kè nng-nī. ⁵²I kiāⁿ Iā-hô-hoa khoàⁿ-choè pháiⁿ ê sū, kiāⁿ i ê pē ê lō·, kap i ê lāu-bú ê lō·, kap hō· Í-sek-liát hoān-choē ê Nī-pat ê kiáⁿ Iā-lō-phò-àm ê lō·. ⁵³I chiàu in lāu-pē it-chhè só·-kiāⁿ-ê hók-sāi Pa-lék lāi kèng-pài i, kek Iā-hô-hoa Í-sek-liát Siōng-tè ê siū-khì.